

**Germana quaedam antiquitatis eruditae monumenta quibus Romanorum  
veterum ritus varii tam sacri quam profani, tum Graecorum atque  
Aegyptiorum nonnulli illustrantur, Romae olim maxima ex parte collecta, ac  
dissertationibus jam singulis instructa ... adjuncta est mumiae  
Cantabrigiensis descriptio / [Conyers Middleton].**

### **Contributors**

Middleton, Conyers, 1683-1750.

### **Publication/Creation**

Londini : Apud R. Manby et H. S. Cox, 1745.

### **Persistent URL**

<https://wellcomecollection.org/works/gpy9tadm>

### **License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>



36723/c

L. 82  
57  
Loring f. 112

EX BIBLIOTHECA



CAR. I. TABORIS.

Stahlos 65

VERGATIS OCTO  
ANNO DCCCLXVII

ANTIQUITATES  
MIDDLETONIANÆ.

Германа д'Антиохийского  
А Т А Е М И О М .  
Римлянам / Галатам /  
Колосам / Фессалоникиям /  
Леонидианам /  
Азетатиотитиям  
Медеониянам

Germana quædam ANTIQUITATIS eruditæ

# MONUMENTA

QUIBUS

## Romanorum veterum Ritus varii

Tam Sacri quam Profani,

Tum Græcorum atque Ægyptiorum nonnulli

ILLUSTRANTUR,

Romæ olim maxima ex parte collecta,

Ac DISSERTATIONIBUS jam singulis instructa,

A CONYERS MIDDLETON, S. T. P.

Academiæ Cantabrigiensis Protobibliothecario.


His Appendicis item Loco adjuncta est MUMIAE CANTABRIENSIS Descriptio.

---

*Quis autem est, quem non moveat clarissimis Monumentis testata, consignataque Antiquitas?*

Cic. de Divin. I. 1. 40.

---



*J. Mynde sculp.*

LONDINI,

Apud R. MANBY et H. S. COX in vico vulgo dicto Ludgate-hill.  
MDCCXLV,



ALMAE MATRI  
ACADEMIAE CANTABRIGIENSI  
ARTIVM OPTIMARVM ALTRICI  
VIRTVTVM OMNIVM FAVTRICI  
C V I  
QVOSCVNQVE IN LITTERARVM STVDIIS  
VEL PROGRESSVS FECERIT VEL PRAEMIA  
ACCEPERIT SE PENITVS DEBERE PROFITETVR  
CONYERS MIDDLETON  
HOC OPVSCVLVM OTII ALIQVANDO SVI  
OBLECTAMENTVM NEC IVVENTVTI  
FORTASSE ACADEMICAE IAM INVITLE  
FVTVRVM  
IN PERPETVVM OBSERVANTIAE SVAE  
AC GRATI ANIMI TESTIMONIVM  
LIBENS MERITO  
D. D. D.



# P RÆFAT I O.

CUM valetudinis olim confirmandæ causa, cœlum mutare, et litterarum studiis aliquandiu depositis, peregre proficisci decrevissem, tum ad Italiam illico iter tendere, ac Romæ urbi-um amœnissimæ otiali, mihi ante omnia placuit. Ut ad illam autem accessi, loci admonitu incita-tus, splendorisque ejus prisci memoriam recolens, non tam ad novæ urbis ornamenta, magnifica ea quidem et superba, quam ad antiquæ vestigia et monumenta perquirenda, memet contuli: quæ qui-dem omnia, etiam si ab aliis descripta magnam sœpe voluptatem legenti antea dedissent, at oculis tamen subjecta, majorem mihi longe, res ipsas jam contemplanti, præbere sensi.

In hac igitur antiquitatis contemplatione pœne defixus, paucula statim quædam, ex urbis rude-ribus effossa, artium veterum specimina, rituumque veterum instrumenta coemere cœpi: atque ab his initiis, sarcinulam paullatim quandam, qua in Angliam tandem instructus redirem, colligere sta-

tui: in qua tamen colligenda, non illud mibi propositum erat, ut ea solummodo, quæ materia aut opere præstarent, sed quæ eruditionem, ut aiunt, aliquam continerent, ritumve aliquem illustrarent, ad Bibliothecæ quasi meæ ornatum, compararem.

Etenim hoc peregrinantibus fere commune esse scimus, quæcunque in exteris terris rariora, aut regionis alicujus propria sint, ea potissimum conquirere, domumque deportare; ut eorum deinde conspectu, locorum quos peragraverint memoriam revocare, atque itineris præteriti voluptatem quodammodo redintegrare possint. At vero ex omnibus Orbis terræ regionibus, ager certe Romanus res istiusmodi pretiosissimas, et litteratorum præcipue ingenii accommodatissimas edit. Quippe aliæ terræ marmora, aurum, gemmasve fortasse, sed rudes tantum pariunt; haec autem marmora in varias formas exquisite ficta, aurum eximio opere cælatum, gemmas summo artificio sculptas, ex sese fundit: quorum ipse singulorum exempla sane haud pauca, dum in iis locis commorabar, ex ea effossa vidi.

Ex his autem agri Romani divitiis, neminem profecto de peregrinatoribus nostris, thesaurum inde deportasse credo, et rerum delectu et pretio magis aestimabilem, ac quem amicus meus nobilis,

Ho-

## P R TÆ F A T I O.

ix

Horatius Walpole in Angliam nuper advexit; Juvenis, non tam generis nobilitate, ac paterni nominis gloria, quam ingenio, doctrina, et virtute propria illustris. Ille vero haud citius fere in patriam reversus est, quam de studiis meis, ut consuerat, familiariter per litteras quærens, mihi ultro de copia sua, quicquid ad argumenti mei rationem, aut libelli ornatum pertineret, pro arbitrio meo utendum obtulit. Quam quidem ejus liberalitatem libenter admodum amplexus essem, ni operis hujus, jam prope absoluti, fastidio quodam correptus, atque ad alia festinans, intra terminos ei ab initio destinatos, illud continere statuisssem: attamen præclaram istam Musei Walpoliani suppellectilem, ab interprete aliquo peritiore propediem explicandam, edendamque esse confido.

Sed ut ad propositum revertar. Mēe isti, quam modo dixi, emendi cupiditati, facultatum mearum tenuitas modum imposuit, nec ultra hanc rerum congeriem, quam in his Tabellis expositam vide-mus, eam provehi passa est: quæ, cum multos jam annos in armariis meis custodita, otium sœpe meum oblectasset, sermonisque cum familiaribus meis haud injucundi argumentum præbuisset, in lucem demum idcirco emissa est, ut quos mihi unquam

vel delectationis, vel utilitatis fructus attulisset, eosdem item ceteris, qui hæc studia persequuntur, impertire posset. In ea enim nonnulla reperiemus, quæ ob raritatem atque operis etiam excellentiam, vel inter præstantissima ex hoc genere Antiquitatis monumenta numerari queant: de reliquis autem, si quæpiam contra, vulgaria nimis, atque hac tanta differendi pompa vix digna videantur, at ritum ea tamen, ut dixi, moremve aliquem, non ab aliis fortasse memoratum, aut clare satis explicatum, plerumque illustrant. Atque illud etiam animadvertendum est, hujusmodi videlicet opera, non peritis modo et intelligentibus, sed studiofis communiter omnibus et discendi cupidis proponi; atque ad omnium ideo ingenium accommodari solere; ita ut quæ peritioribus fortasse tedium fastidiumque creent, eadem tamen aliis, in hoc genere minus exercitatis, eruditionis ac scientiæ accessionem aliquam afferant. Istud vero utcunque fuerit, hoc saltem dicere licet, hunc omnem, qualiscunque est, rerum antiquarum apparatus, non quo scribendi occasionem arriperem, aut eruditionem meam ostentarem, ex aliorum Museis desumptum, sed meo opere ac sumptu conquisitum esse; neque usum ejus meliorem me quidem excogitare potuisse, quam

ut accurate descriptum, ac dissertationibus hisce instructum, in publicum proponerem.

Ad hanc vero rerum mearum editionem, Mumiam item Cantabrigensem, appendicis loco adjungere libuit, quoniam et mihi ea præcipue in custodiam tradita est, et nihil Academiæ ipsi me gratius facere posse cognovi, quam ut, quodcunque in thesauris suis lateat, quod litterarum studia accendere, litteratosve erudire aut delectare possit, illud pariter in commune omnium beneficium per vulgarem.

Sin autem reperti aliqui erunt, qui hoc omne litterarum genus, tanquam leve prorsus, atque homine gravi ac sene præsertim indignum aspernentur; ego tamen multorum et gravissimorum virorum exemplis memet defendere potero, qui vitam fere in his ipsis studiis consumserunt. At istiusmodi reprobatores meminerint, velim, quantum in juventute nostra instituenda, litterisque humioribus imbuenda, hæc una rerum antiquarum cognitio locum obtineat, quantamque vim habeat: hoc enim si secum reputare volent, tum profecto, quicquid ad cognitionem eam illustrandam auxiliū aliquid afferat, illud fructus non contemnendos editurum esse, intelligent. Neque provectionis etatis

*ætatis hominibus aut injucundum, opinor, aut inutile foret, fontes eos antiquos interdum repetere, unde primos doctrinæ liberalioris haustus duxerint, quibusque omnem eam, quamcunque teneant, cogitandi, dicendi, scribendive elegantiam, accep-tam plerumque referre oportet.*

Sed ut dicam plane quod sentio: juniores certe, ad hujusmodi studia persequenda, aptiores esse fatendum est: eoque memet libentius ad hoc opus absolvendum accinxii, ut eo demum absoluto, his aliquando litteris valedicerem, atque hæc earum fomenta, ex animo pariter ac manibus emitterem. Etenim ætas mea jam ingravescens ad graviora quædam et personæ accommodatiora me progredi monet; et quanto minus vitæ mihi reliquum sit, tanto magis ea meditari, atque ea scribere, quæ vitæ futuræ spem confirmare, possessionemque nobis præstare queant. Ea nimurum, quæ moribus publicis emendandis, et virtuti pietatique propagandæ conducant; quæque religionem potissimum Christianam, benevolentia, pacis, ac gaudii conciliatricem, ab omni prava mixtura, papistica fraude, anili superstitione, fanatico furore, qualis olim e cælis descenderit, puram sinceramque conservent.

# INDEX

RERUM quæ in his TABULIS descriptæ atque in  
DISSERTATIONIBUS deinde explicatæ sunt.

## In Tabula I.

**P**ictura antiqua, ex sepulchri veteris pariete, Romæ excisa. Ubi de historiola in ea expressa, et de figurarum vestitu ac descriptione, conjecturæ quædam proferuntur. Tum de picturis istiusmodi, in parietum tectorio repertis, earumque origine ac præstantia, nonnulla generatim differuntur.

## Tab. II.

Figura muliebris, porcellum dextra, atque infantulum sinistra gestans. Ubi infantulos ad Deorum altaria initiandi, ac nominandi ritus omnes, cum apud Græcos tum Romanos, fuse satis explicantur.

## Tab. III.

I. Bulla aurea. Ubi de Bullæ usu atque origine apud veteres Romanos disquiritur: eamque neque cordiformem, neque, ut doctorum plerique existimant, a triumphibus omnino gestatam, neque nobilibus propriam, sed ingenuis promiscue omnibus pro arbitrio permissam esse, ostenditur.  
II. Mulieris atque Infantuli, cui Bulla ex collo dependet,

## I N D E X.

Imagunculæ duæ antiquæ, in vitro pictæ. Ubi de vitri origine ac conditura, ejusque pingendi artificio; tum de picturæ nostræ explicatione, et de Trabea præcipue veterum, quam puerulus, et de monili, quod mulier gestat, disputatur.  
III. Anulus Amuleticus, ex lapide Chalcedonio confectus, cui litteræ quædam barbaræ inscriptæ sunt. Ubi de Amuletis, Gemmisque potissimum Basilidianis; ac de anulis veterum physicis et medicatis, quibus noxia quælibet, et Dæmones præfertim malos, se propulsare posse credebant, differitur.  
IV. Rei turpiculæ, figuræ duæ æneæ, non quidem in hanc Tabulam, sed in dissertationis marginem conjectæ. Ubi istiusmodi figuras, contra fascinationes, oculique maligni ic-tus, infantorum olim collis suspendi solere, demonstratur.

### Tab. IV.

Olla ossuaria, e vitro confecta, et picturis ornata. Ubi de Ollis istiusmodi vitreis, ad mortuorum ossa excipienda paratis, ac de nostra præfertim, quæ ossium combustorum frustulis referta erat, agitur.

### Tab. V.

Figuræ in fundo, lateribusque Ollæ depictæ; quæ ritus funebres præcipue indicare videntur. Ubi de mortuis comburendis, ossibusque eorum legendis, et condendis, ceterisque ad sepulchra pertinentibus, disputatur.

### Tab. VI.

Quatuor vascula, lacrymatoria, ut vulgo vocantur. Ubi vascula ejusdemmodi omnia, non quidem ad lacrymas, ut plerique existimant, excipiendas, sed ad unguenta solummodo in tumulos inferenda, a veteribus adhibita fuisse, contendit.

## I N D E X.

### Tab. VII.

Quatuor item vascula vitrea, in eundem usum parata; quibus unguenta scilicet, ad mortuorum cineres inspergundos, in sepulchris affervari solerent.

### Tab. VIII.

Lucernæ quatuor sepulchrales. Item, anuli duo aurei; atque inauris etiam muliebris. Ubi lucernarum sepulchralium usus, et figurarum in his nostris expressarum significatio investigantur. Deinde de anulis aureis, atque inauribus, ceterisque defunctorum ornamentis, una cum eorum officiis in sepulchro a propinquis condi solitis, quædam dicuntur.

### Tab. IX.

I. Libelli veteris sive Pugillaris, Operculum Eburneum, in sepulchro antiquo repertum. Ubi pugillarium forma ususque, ad notas scilicet breves excipiendas, demonstrantur. II. Tibicinis Utricularii Imaguncula ænea. Ubi de Tibiæ istius apud veteres usu, ac de Ludionum, Morionum, ac Minmorum genere omni, ad convivia ludosque adhiberi solito, disputatur. III. Pocillatoris, seu servi ad mensam ministrantis Imaguncula. Ubi Romanorum luxus, in servorum grege comparando illustratur, et Pocillatorum præsertim, seu servorum Tricliniariorum vestitus nitidus et delicatulus ex imagine nostra indicatus est. Tum de antiqua e cornibus potandi consuetudine nonnulla memorantur.

### Tab. X.

Ibis Ægyptia. Ubi Avis istius natura, cultus, divinique, apud Ægyptios veteres, honores explicantur. Atque hanc

## I N D E X.

nostram Ibidis effigiem, basi olim deauratæ impositam, ac numinis loco consecratam, cultamque fuisse, ostenditur.

### Tab. XI.

Æsculapii Imago, una cum Telephoro adjuncto. Ubi de Dei hujus religione, et quemadmodum Romam primum advecta fuit; item de Ægris in templo ejus cubantibus, et morborum suorum remedia, somniōrum monitu ediscentibus, differitur. Tum Telephori etiam nomen, et qualis ille Deus fuerit, explicatur.

### Tab. XII.

Antinoi Imago ænea, basi perpulchræ insistens. Ubi de Antinoo in Deorum numerum relato, honoribusque ei ab Hadriano Imperatore constitutis; item de basi Imaginis hujus singulari, figurisque ibi expressis, pauca quædam observantur.

### Tab. XIII.

I. Bacchi Imaguncula ænea. II. Serapidis, Dei Ægyptii. Ubi de cultu ejus, nonnisi sero Romam traducto, differitur. Deinde, de minutis hisce Deorum veterum Icunculis, atque infinito fere earum numero hodie extante, quæstio instituitur et explicatur. III. Arula Larum seu Deorum Cubicularium perpulchra ex ære. Ubi ejusmodi Arulas, in privatarum ædium Sacellis seu Larariis, ad thuris aut vini paululum excipiendum paratas, atque ante Deorum imagines poni solitas, declaratur.

### Tab. XIV.

I. Imago Bacchæ, seu fœminæ in Bacchi sacris initiatæ. Ubi sacra ista nocturna, a mulieribus celebrata, describuntur:

## I N D E X.

tur : et cur Bacchantium coronæ ex hedera potissimum confectæ essent, declaratur. Item de oculis Imagunculae hujus argenteis mentio facta est ; atque oculos istos conficiendi atque inferendi artem, ad Opifices quosdam proprios, a sculptoribus diversos pertinuisse, declaratur. II. Gladiatoris Imaguncula ænea. Ubi de Gladiatorio pugnandi more pauca quædam dicuntur : atque hanc Imagunculam, a Gladiatore aliquo celebri, ob victoriam partam vel libertatem acceptam, ex voto Deo alicui dicatam fuisse, conjectatur. III. Duæ aliæ hominum Icunculae incognitæ. Quarum una tamen Germanici fortasse ; altera Etrusci Herois aut Dei effigies esse videtur.

### Tab. XV.

Patera ænea, uti vulgo vocatur. Ubi vascula hujusmodi, haud recte Pateras dici ; neque ad vinum omnino fundendum, ut ex eorum forma apparet, accommodata esse, sed ad aridum potius quiddam vel Diis Laribus in sacrificio, vel cœnantibus fortasse in convivio, offerendum, adhibita fuisse, conjectatur : tum figuræ in hoc vasculo insculptas, ad Ledæ fabellam referendas esse.

### Tab. XVI.

Aliud vasculum ejusdem formæ ac generis. Ubi de figuris etiam in eo, perinde ac in ceteris plerumque insculptis, conjecturæ quædam proponuntur.

### Tab. XVII.

Haftæ antiquæ spiculum, atque instrumenta duo fabrilia, ex ære confecta. Ubi de Haftis et Gladiis veterum, post ferrum etiam inventum, ex ære factis, differitur ; atque in instrumentis istiusmodi fabricandis, æs, promiscuum diu cum ferro

## I N D E X.

ferro ipso usum obtinuisse, antiquorum testimoniosis confirmatur.

### Tab. XVIII.

As Romanorum libralis, ejusque partes. Ubi de æris signandi auctore; atque unde mos deductus; quibusque notis æs primum Romæ signatum esset, queritur. Deinde, hujusmodi nummos, omnium, qui Romæ unquam signati fuissent, antiquissimos esse, atque ante bellum Punicum, non feriendo percussos, aut typo aliquo impressos, sed ex ære fusso conflatos, ostendit. Tum singulorum momenta seu pondera notantur; ac signa in eis expressa illustrantur.

### Tab. XIX.

As ad sextam ejus partem; deinde ad duodecimam, auctoritate publica imminutus; partesque utriusque ita immuniti. Ubi imminutiones istæ, ex nummorum nostrorum serie hic exposita, illustrantur. Atque alias quoque æris imminutiones, a nemine licet antiquorum memoratas, factas tamen esse, arguitur. Tum notæ et signa in his nummis impressa explicantur. Ac singulorum momenta propria indicantur.

### Tab. XX.

Pondus antiquum librale, ex ære factum. Item quatuor Unciæ ænæ, earumque partes nonnullæ. Ubi de Romanorum veterum ponderibus, auctoritate publica constitutis, ac de signis in eis insculptis, pauca quædam dicuntur: ac singulorum momenta demonstrantur. II. Aquilæ Imaguncula ænea, basi imposita. Ubi de Aquilis legionum et cohortium, quæ magna religione coli solebant, differit; atque Aquilam item nostram ad cultum quendam divinum, vel domi

## I N D E X.

domi vel militiæ, consecratam olim esse, declaratur. III. Guttus antiquus ex ære. Ubi vasculi istius usus, ad olea scilicet atque unguenta pretiosa, cum in balneis, tum in sacris, guttatum fundenda, demonstratur. IV. Pes æneus votivus. Ubi de pedum imaginibus, ex voto Deorum alicui in templo ejus dicatis, a navigantibus præfertim, seu pedibus etiam ex morbo aliquo laborantibus, differitur. Quam quidem superstitionem, hodie etiam Romæ, perinde ac in urbe antiqua, vigere, confirmatur. V. Tigridis Imago ænea, de cuius tamen usu nihil certi statui potest.

## Tab. XXI.

Gemmarum series; in quibus imagines variæ, antiquo opere cœlatæ aut exsculptæ sunt. I. Imago Byzantis Herois, urbis Byzantii conditoris. II. Hermaphroditus ad arborem alligatus; cuius ad caput Faunus, ad pedes Satyrus assidet. III. Regis cuiusdam Parthorum. IV. Prusia, Regis Bithynia. V. Sexti Chæronensis, Plutarchi nepotis. VI. Omphales, Herculis insignibus instructæ. VII. Matidiæ Augustæ. VIII. Faustinæ senioris. IX. Mercurii, symbolis suis omnibus instructi. X. Imagines variæ, symbolico quodam significatu, inter se commixtae: videlicet, Socratis, Pavonis, Elefantis et Sceptri. XI. Galli Gallinacei; et Cornu-copiae, quod e globulo quasi exsurgere videtur. XII. Mulieris, sive Deæ cuiusdam Ægyptiæ. XIII. Avis Ægyptiæ sive Ibidis. XIV. Lapis denique Chalcedonius, rotundus et globi dimidiati instar, ex altera parte planus, ex altera convexus; cui litteris quadratis inscribitur. TRIUMPHUS QUADORUM—Quæ quidem omnia, quatenus explicatione aliqua egere videantur, ordine illustrata sunt.

Tab.

# I N D E X.


## Tab. XXII.

Mumia Ægyptia, a viro nobili Georgio Townshend, Academiæ Cantabrigiensi donata. Ubi de loculis præsertim, thecisve ligneis, in quibus cadavera Ægyptiorum more condita, reposita erant, differitur: Atque ex eorum forma et pingendi modo, et sculpturæ et picturæ primordia ad Græcos traducta esse, conjicitur. Deinde ex putrido Mumiæ nostræ statu, Ægyptiorum veterum vanitas arguitur, qui hoc condiendi ritu, se corporibus etiam suis immortalitatem quasi datus esse credebant. Tum hanc cadaverum conditaram, non tanto aromatum apparatu, tantoque sumptu, quanto fieri solere traditur, revera effectam fuisse, ex Mumiæ nostræ reliquiis, ceterarumque omnium, quæ a peregrinantibus descriptæ sunt, demonstratur.

## Tab. XXIII.

Integumenti Mumiæ exterioris particula, pictis Deorum imaginibus ornata. Ubi picturarum earum descriptio quædam datur: quarum quidem nonnullæ, hanc cadavera condiendi artem, Ægyptiis olim divinitus datam esse, significant; item lapidis ejus Æthiopici, quem cultelli loco, in cadavere secando, adhibebant, formam exhibit; atque Deorum etiam eorum effigies, qui Averrunci præcipue, seu malorum propulsatores habebantur; quibusque cadaveris potissimum tutelam commendare solerent.





TAB. II.




*Ex aere*




*Ex aere*

J. Mynde sc.



TAB. III.



*Ex auro*




*e Vetro*



*e Chalcedonio*


*J. Myndes sc.*




TAB. IV.








J. Mynde sc.







TAB. VI.







*e Vitro*

*e Vitro*

J. Mynde sc.





TAB.VII.





*e Vitro*


J. Mynde sc.







*Ex aere*








*Ex*


*ebore*

III




II.






TAB. X.



*Ex aere*


J. Myndes.




TAB. XI.




J. Mynde sc.




TAB. XII.








*Ex aere*



*Ex aere*



*Ex aere*





*Caput ex aere. reliqua*

*e Marmore*





TAB. XV.



*Ex aere*

J. Mynde sc.





*Ex aere*



Count Caylus Rec<sup>t</sup> 16 V 1

TAB. XVII.




I


Found at Amritsar



II



*Ex ære*




*Ex ære*



*Ex ære*

J. Mynde sc.





I




III





II



IV



V




VI




VII

*Ex aere*

J. Mynde sc.




TAB. XIX.




Ex ante

J. Mynde Jr.




I





III



II.




IV

*Ex aere**J. Mandelstam*







TAB. XXI.





J. Mynde sc.

EX-1449




TAB. XXII.









## DISSERTATIONES VARIÆ

QUIBUS

## MONUMENTA

In Tabulas Superiores distributa Ordine singula  
explicantur.

---

## TABULA I.

**P**ICTURAM hanc antiquam, ex Sepulchri cujusdam parietibus, una cum ipso parietum tectorio, excisam, Roma mecum in Angliam advksi. Picturæ enim veteris reliquias, et majores eas quidem quam expectâram, cum in Principum palatiis, tum in privatorum ædibus, ibi adhuc extantes vidi: quæ in Sepulchrorum scilicet Balneorumve cameris subterraneis olim depictæ, atque ædificiorum deinde superiorum ruinis oppressæ, et ab omni adeo humore, aerisque accessu conservatæ, usque ad hanc ætatem illæfæ, atque integræ sœpe reperiuntur: neque citius ta-

A

men

## TABULAA I.

men reperiri, quam ab hominibus curiosis abripi, et quantum tectorii natura patitur, ad ædes proprias ornandas deportari solent.

Etenim tectoria ista antiqua, picturæ præser-tim excipiendæ destinata, summa semper diligen-tia, atque artificio elaborata esse, constat; et tem-pore ipso ac senecta usque eo induruisse, ut vel marmoris firmitatem acquirerent. <sup>1</sup> Horum igitur particulas, imaginibus piætis ornatas, homines in his rebus intelligentes, e parietibus facile exscinde-re, atque, ipsorum quidem veterum exemplo, in alia loca amovere didicerunt. Quippe Græ-ciam olim a Romanis, perinde ac Romam ho-die ab exteris, spoliari solere, *opusque hoc tectori-um lateritiis parietibus excisum, et ligneis for-mis inclusum, propter excellentiam picturæ, a Varrone et Muræna, ad Comitium in Ædilitate sua exornandum, Lacedæmone Romam deportatum esse,* legimus. <sup>2</sup> At vero picturam nostram, ex eo genere primam atque unicam sane esse arbitror, quæ in Angliam unquam advecta esset; donec MEADIUS noster, Artis Medicæ decus, qui vitæ revera nobilis, vel principibus in Republica viris,

<sup>1</sup> *Totum in eo est, quod mihi erit curæ, tectorium ut concinnum sit.* Cic. Epist. ad Frat. l. 3. i. § 1. vid. Plin. Hist. N. l. 36. c. 23.

<sup>2</sup> Plin. ib. l. 35. 14.

exemplum præbet, pro eo, quo omnibus fere præstat, artium veterum amore, alias postea quasdam, et splendidiores, opinor, Roma quoque deportandas curavit.

Picturæ hujus figuræ quod attinet; ex altera ejus parte, Deum quendam fluviatilem, eo plane habitu jacentem cernimus, quo fluviorum Deos, vel in marmoribus fictos, vel ab auctoribus antiquis descriptos accepimus; *comatum nempe barbatumque; crines arundine, seu herba aliqua fluvio propria redimitum; humi recumbentem; atque in urnam, unde amnis largiter profuit, cubito innixum*<sup>3</sup>.

*Lævus arundineæ recubansque sub aggere ripæ  
Cernitur, emissæque indulgens Inachus urnæ<sup>4</sup>.*

ex altera parte, viri duo discincti, sub arbore in eadem sella sibi invicem assident; juxta quos mulier astat, et gestu, vultuque hilari, coronam quandam floream capiti suo imponit. Hujus ad fin-

<sup>3</sup> Fluvios omnes navigabiles, qui in mare decurrunt, senili plerumque forma fingi solitos docet Vir clariss. J. Vaillant in Græcis Imperator. Numismat.—Philostratus fluvios nunquam erigi solere scribit. (Icon. l. 2. c. 14.) Et de Phasidis fluvii imagine loquens, *vides, inquit, fluvium ipsum arundine in alta, tetrico vultu jacentem, coma densa, et erecta, barba subhorrida, oculis cæsis.* Philostr. Jun. Icon. 8.

<sup>4</sup> Stat. Thebaid. 6. 274. ib. 2. 218.

stram puer tunicatus, et ad genua succinctus, e poculo bibere, et virorum alteri propinare videatur; qui poculum item manu tenet, quasi mox bibiturus. Hæ quatuor figuræ seorsim paullulum a ceteris positæ, inter se colloquentes et compostantes describuntur; quas versus, alia quoque mulier accedit, floribus coronata, et canistrum simul floribus plenum in capite gestans, gressusque baculo quodam agresti quasi sub onere firmans<sup>5</sup>. Summa denique tabellæ pars fruticis cuiusdam floriferi ramulis decoratur, quorum e medio caput juvenile, ex opere ipso tectorio effictum, atque a larum specie quadam instructum, extra reliquam picturæ superficiem prominet.

Quinetiam figurarum harum vestitus quiddam notatu dignum præbere videtur, ejusque omnino generis esse, quo Matronas olim Romanas ornatæ legimus, quibus

*Ad talos stola demissa, ac circumdata Palla<sup>6</sup>.*

quippe stola nihil aliud erat, ac tunica clausa et talaris, zona plerumque cincta, et manicis instructa, quæ vel ad cubitum, vel, quod in hac pictura vi-

<sup>5</sup> Hanc eandem baculi formam in aliis antiquorum picturis, et mulieris pariter in manu canistrum florum gestantis, animadverti. vid. *Pieces of Ancient Painting*, by G. Turnbull, N<sup>a</sup> 36.

<sup>6</sup> Hor. Sat. l. 1. 2. 99.

demus, ad manus usque pertingebant. Palla quoque nihil aliud erat ac Pallium, quod tunicae superinduere, et vel apertum gestare, vel insinus varios colligere ac complicare solebant, quodque et Pallæ et Pallii nomine promiscue appellabant.<sup>1</sup>

Mulierum altera, Pallio viridi seu oleagino, altera violaceo, utraque vero tunica rubra induita est: Quippe ad vestium muliebrium ornatum, omnigenos colores pro libitu adhiberi solitos constat; de quibus Ovidius;

*Hic undas imitatus, habet quoque nomen ab undis:  
Crediderim Nymphas hac ego veste tegi.  
Ille crocum simulat, croceo velatur amictu,  
Roscida luciferos cum Dea jungit equos.  
Hic Paphias myrtos, hic purpureas Amethystos,  
Albentesve rosas, Threiciamve gruem. &c.<sup>2</sup>*

Virorum figuræ, partim seminudæ, partim tuni-

<sup>1</sup> Palla, honestæ mulieris vestimentum, et tunicae Pallium. Non. de Sermon. propriet. c. 14.

Pallia, si terræ nimium demissa jacebunt,  
Collige et immunda sedulus effer humo. Ov. Art. am. 1. 153.  
Et tegit auratos Palla superba pedes. Id. Amor. 3. 13.

<sup>2</sup> Ovid. de art. Amand. l. 3. 177.

Quot nova terra parit flores, cum vere tepenti  
Vitis agit gemmas, pigraque cedit hyems,  
Lana tot aut plures succos bibit—Ibid.

catæ apparent: Eo nimirum habitu, quo extra urbem in villis suis otiali confueverunt. Horum alteri Toga sive Lacerna cœrulea, alteri rubra, tunicæ vero utrisque croceæ dantur. Etenim ruri semper fere lacernam induebant; vestem scilicet apertam, atque humero tantum aut pectore fibula nexam: quæ cum Toga contractior, leviorque, et cucullo plerumque contra pluviam munita esset,<sup>1</sup> in Togæ penitus vicem, tam intra quam extra urbem, Cæsarum demum temporibus, cessisse traditur. Colores ei quidem varios, sed omnium maxime rubrum, a Scriptoribus tributum invenimus,

*Phasis purpureis ruber lacernis.<sup>2</sup>*  
*Crispinus Tyrias humero revocante lacernas.<sup>3</sup>*

Sed de Figurarum descriptione hactenus; ad earum jam interpretationem progrediamur: in

<sup>1</sup> —Turpis, odoratum caput obscurante lacerna. *Hor. S. 2. 7. 55.*

Si possem totas cuperem misisse lacernas,

Nunc tantum capiti munera mitto tuo. *Mart. Ep. 14. 132.*

Ex quo Martialis loco lacernarum cucullos a lacernis ipsis separari interdum solere, Octavius Ferrarius ostendit. *De re Vestiar. Par. 2. l. 1. c. 20.*

<sup>2</sup> *Mart. Epig. 5. 8.*

<sup>3</sup> *Juv. Sat. 1. 27.* Hinc posterioribus seculis Lacerna, a rubro colore, Byrrhus appellari cœpit. *Byrrhus, inquit Isidorus, a Græco vocabulum trahit.* Illi enim eum Burrum, id est, *μυρρὴν* vocant, l. 19. c. 24. Vid. Octav. Ferr. ib. c. 26.

qua quidem me plane hærere, neque certi ali-  
quid aut explicati habere, fateor. Quum pictu-  
rarum tamen harum interpretibus, item ac pic-  
toribus ipsis, quidlibet audendi licentiam dari ani-  
madverterim, mihi quoque cæterorum exemplo,  
conandum esse statui, an e re dubia atque obscu-  
ra, verisimile demum aliquid conjectura elicere  
queam.

Quamobrem Dei fluviatilis imagine, Tyberim,  
sive Deum Tyberinum denotari conjicio<sup>1</sup>; quem  
eodem fere modo in marmoribus, ac numismati-  
bus antiquis persæpe exsculptum cernimus, ut hi-  
storiam videlicet, actionemve a sculptore expres-  
sam, prope fluvium istum accidisse significaretur.<sup>2</sup>  
Atque hinc intelligere licet, picturæ nostræ sce-  
nam ad Tyberis ripas positam esse; hominesque  
istos, qui coronati ac potantes pinguntur, diem  
aliquem festum celebrare; quem Romani olim  
juxta Tyberim, cum conjugibus et liberis hilari-

<sup>1</sup> Hunc in sacris Tyberinum, in communi sermone Tyberim, in  
poemate Tybrim vocari Servius declarat, quem Virgilius ita describit.

*Huic Deus ipse loci fluvio Tyberinus ameno.*

*Populeas inter senior se attollere frondes*

*Vifus: Eum tenuis glauco velabat amiētu*

*Carbasus, et crines umbrosa tegebat arundo.*

*AEn. 8. 31.*

<sup>2</sup> Vid. Montfauc. Antiq. Vol. 3. par. 1. l. 5. c. 7. Tab. 35. it.  
Suppl. Vol. 1. l. 5. c. 2. Tab. 26.

ter agere solerent. Hujusmodi vero festum, Annæ Perennæ, idibus Martiis dicatum reperio: In quo populum ad Tyberis ripas, genio indulfisse, ac potu præsertim largiori, vitam sibi perennem auspicatum esse, memoriæ proditum est. *Mense Martio*, inquit Macrobius, et publice et privatim ad *Annam Perennam sacrificatum itur, ut annare et perennare commode liceat:*<sup>1</sup> hoc est, ut et annum præsentem et venturos omnes perenni ac perpetua felicitate transigerent. De hoc etiam Festo Ovidius,

*Idibus est Annæ festum geniale Perennæ  
Haud procul a ripis, adveni Tybri, tuis.  
Plebs venit, ac virides passim disjecta per herbas  
Potat, et accumbit cum pare quisque sua.*

*Sole tamen vinoque calent, annosque precantur,  
Quot sumant cyathos, ad numerumque bibunt. &c.<sup>2</sup>*

Jam vero Festi hujus celebratio, cum figurarum nostrarum descriptione satis apte congruit; in qua senes, mulieres, puerosque ad Tyberis ripas, floribus coronatos, potantes, diemque genialiter

<sup>1</sup> Saturn 1. c. 12.

<sup>2</sup> Fastor. 3. 523.

## T A B U L A I.

9

sumentes cernimus<sup>1</sup>. Ubi arbores item rem extra urbem, ac verno potissimum tempore agi, declarant. Caputque istud juvenile, quod e superna picturæ parte eminet, Genium fortasse loci indicat, hilaritatis hujus sautorem, ejusque quasi conspectu sese oblectantem. Sed nodus adhuc quidam restat; quippe virorum alteri tempora, vitta seu diademata cincta apparent, quod quidem Deorum solummodo, Imperatorum, Regumve olim insigne fuisse cognovimus. At vero in festis hujusmodi genialibus, quæ potu præser-tim atque omni hilaritatis genere sumebantur, quidni cum fertis florumque coronis, fascias etiam hasce aut diademata pro libitu, ac per ludum jocumque sumi solere credamus? Istud vero ut-cunque fuerit, hoc saltem certissimum est, in pic-

<sup>1</sup> Omnes, qui dies festos agunt, poculisque operam dant, eodem fe-re habitu a Poetis describuntur—

*potare et spargere flores*

Incipiam ————— Hor. Ep. I. 1. 5.

*Sed varii flores, et frons redimita corymbis,*

*Fusa sed ad teneros lutea palla pedes.* Tibul. I. 7.

*Bacchus amat flores; Baccho placuisse coronam,*

*Ex Ariadnæo fidere nosse potes.* Ov. Fast. 5. 339.

Neque coronas istas domi tantum atque inter potandum gestari solitas, sed coronatos etiam ebrios produisse atque in plateis versatos esse legimus.

*Quid, tu, ego video?*

PS. *Cum corona ebrium Pseudolum tuum.*

Plaut. Pseud. Ac. 5. 2.

B

turis

## TABULA I.

turis hujusmodi, sculpturisque sepulchralibus, Festos Deorum dies, Bacchantium ritus, ludosque eos describi solitos, quibus defuncti, cum viverent, delectati potissimum fuissent.

Hæc autem rei explicandæ ratio, quia nonnullis fortasse minus satisfactura sit, aliam quoque ei adjungere libuit, ut lectori demum optionem aliquam judiciumque relinquam.

Quum picturas igitur hasce sepulchrales, praeter argumenta ista modo memorata, Sepulchrorum etiam ritus, mortuorumque apud inferos statum, ac vitæ degendæ conditionem sæpiissime exhibere vidisse, subiit statim dubitatio, annon pictura nostra defunctorum potius in Campis Elysiis vitam beatam atque hilarem, hac figurarum descriptione, adumbrare posset. Nam in beatorum istorum deliciis, enumerantur præcipue a Veteribus, fontes aquis limpidis scatentes; prata floribus nitentia; Philosophorum Scholæ; Poetarum chori; Musicorum cantus; compotationes denique, dapesque sese ultro offerentes<sup>1</sup>. Musæus autem, ac si ebrietatem optimum virtutis præmium existimasset, beatos illos ad mensam accumbentes, et coronatos convivia celebrantes assiduisque compotationibus sese oblectantes facere solitus

<sup>1</sup> Vid. Plato. in Axioch. Vol. 3. p. 371.

## T A B U L A I.

II

dicitur<sup>1</sup>. Neque aliter fere Virgilius locos istos  
lætos, et amoena vireta, beatorumque ibi studia  
depingit.

*Conspicit ecce alios dextra lævaque per herbam  
Vescentes, lætumque choro pæana canentes,  
Inter odoratum lauri nemus; unde superne  
Plurimus Eridani per sylvam volvitur amnis.*

*Nulli certa domus, lucis habitamus opacis,  
Riparumque toros, et prata recentia rivis  
Incolimus<sup>2</sup>—*

qui vitæ vero castitate, armis, artibus, beneficiis-  
ve patriam auxissent, his omnibus vittæ seu dia-  
dematis honorem tributum dicit,

*Omnibus his nivea cinguntur tempora vitta<sup>3</sup>.*

Atque hic pariter omnia cum picturæ nostræ  
interpretatione convenire, eandemque fere vitæ  
degendæ rationem, a Pictore atque a Poeta de-  
scriptam videmus; hominum scilicet floribus vit-  
isque coronatorum, et compotationibus sece col-  
loquiisque jucundis ad fluviorum ripas oblectanti-

<sup>1</sup> Ibid. de Rep. I. 2. p. 363.

<sup>2</sup> Æneid. 6. 656. it. 673.

<sup>3</sup> Ibid. 665.

## T A B U L A I.

um. De duabus autem hisce conjecturis utratandem verisimilior fuerit, non meum est dijudicare: Hoc tantum polliceri licet, si quis rectius aliquid invenerit, me illud, quicquid erit, libenter amplexurum.

Sed antequam hanc nostram dissertatiunculam concludamus, non nihil etiam de picturæ ipsius pulchritudine, ac pingendi artificio dicendum restat: In quo quidem genere hoc universe statuendum arbitror; picturas nimirum, in parietum tectoriis repertas, a præclaris licet artificibus confectas, non ea tamen diligentia, aut arte elaboratas fuisse, ac reliqua eorundem opera in tabulis singulis depicta. Etenim tectorii natura, tantis cum ruinarum tum incendiorum casibus obnoxia, haud ullam famæ diuturnitatem, qua artes omnes maxime aluntur, pictori præstare poterat: Nulla igitur, ut Plinius ait, *in tectoriis, Apellis pictura erat; nec parietes iis temporibus pingere libebat; nec ulla artificum gloria, nisi eorum, qui tabulas pinxere*<sup>1</sup>. Quum vero tabulæ contra ex incendiis rapi, de loco in locum deportari, artificumque adeo famam per urbes gentesque propagare possent, in his omnem artis suæ vim atque industriam ponendam esse censuerunt; neque

<sup>1</sup> Hist. N. l. 35. c. 9.

aliud fere in parietibus pingendis curasse videntur, quam ut pictura coloribus satis pulchre nitesceret, utque figuræ primariæ ad naturæ similitudinem exprimerentur; atque eo gestu habituque, qui personæ et actioni, quam exprimendam sumpfissent, accommodatus esset; de singulis interea figurarum membris, partibusque picturæ obscurioribus parum solliciti, nonnisi veloci manu ac penicillo levi istiusmodi omnia absolvere solebant.

In hoc igitur genere, picturam nostram inter elegantiores numerandam esse arbitror: In qua figuræ satis apte dispositæ, pulchre coloratae, nec sine justa partium proportione delineatae apparent. Haud ei tamen certam aliquam ætatem præfinire ausim, sed hoc tantum affirmare, eam ante Constantini ævum depictam esse: quo quidem regnante, artes omnes elegantiores jacuisse liquet: uti cum ex aliis eorum temporum monumentis, tum ex celebri præfertim Principis istius Arcu, perspicuum est; quem ob sculptorum bonorum inopiam, ex Arcus Trajani spoliis fabricatum, figurisque inde desumptis ornatum esse cognovimus: quum figuræ contra istæ, quæ ad Constantini gesta illustranda, ea ætate sculptæ, atque in eodem arcu positæ erant, ita inconcinnæ ac deformes

mes fint, ut omnem artis ejus gloriam tunc temporis periisse ostendant.

At vero longe secus, ac antiqui isti Pictores cogitaverint, rem tandem evenisse videmus. Et enim quum præstantissima quæque eorum opera, in tabulis singulis depicta, vetustate jamdiu absunta, ac penitus deleta fint, hæ tamen debiliores parietum picturæ, vel ipsis ædium ruinis munitæ, atque ab omni damno conservatæ, usque ad nostra tempora permanserunt.

Ex his autem picturæ veteris reliquiis, nonnulli de artis ipsius dignitate temere nimis judicantes, eam ad sculpturæ antiquæ perfectionem nequam pervenisse contendunt. Sed ex arctissima artium harum coniunctione, ambas passibus semper æquis ad perfectionem suam progressas esse constat; hoc tantum discrimine, quod ex diversa utriusque natura ac materia accidere necesse erat, ut picturæ nimirum vel optima quæque exemplaria, propter rei ipsius fragilitatem cito peritura, Sculpturæ vero contra, propter materiæ duritatem, in omne fere ævum duratura essent.

## T A B U L A II.

**H**ÆC Imaguncula Muliebris, porcellum dextra, et infantulum sinistra gestans, sacram aliquod solenne, ob liberos natos a veteribus fieri solitum, adumbrare videtur. Varios enim hujus generis ritus, a scriptoribus antiquis traditos accepimus, quos e Græcia fere omnes Romam manasse constat.

Infans simul ac natus, in terram, tanquam communem omnium parentem, ab obstetricice nudus abjiciebatur. Natura, inquit Plinius, *hominem nudum, in nuda humo, natali die abjicit, ad vagitus statim et ploratum*<sup>1</sup>.

*Tactaque nascenti corpus haberet humus*<sup>2</sup>.

Hoc terræ contactu, vox nascentibus dari credebatur; *Maiamque Mercurii matrem, eandem ac terram esse, Fatuamque a fando appellari Macrobius scribit, quod infantes partu editi non prius vocem edunt, quam attigerint terram*<sup>3</sup>.

<sup>1</sup> Hist. Nat. Præf. ad lib. 7. Atque solum istud, quod Augustus nascens primum attigisset, consecratum postea fuisse discimus. Sueton. in Aug. c. 5.

<sup>2</sup> Ovid. Trist. l. 4. 3.

<sup>3</sup> Saturn. l. 12.

Puerum autem in terram abjectum, si parentes alere decrevissent, quod non sine consultatione quadam et deliberatione fecisse videntur, ab humo pater tollere solebat.

*Quicquid peperissent, decreverunt tollere<sup>1</sup>.*

*Consulti sunt, inquit Seneca, de nobis parentes nostri, qui cum conditionem vitæ noscerent, in hanc nos sustulerunt<sup>2</sup>.* Hinc deam quandam Levanam, liberos levandi auctoritatem atque praefidem, Romæ olim extitisse legimus<sup>3</sup>.

Infantulum dein lustrandi, sacrificique initiandi solennitas, quinto post partum die, celebrata fuit.

*Quin Diis sacrificare hodie pro puero volo,  
Quinto die quod facere oportet<sup>4</sup>.*

Hic ritus ἀμφιδέομα a Græcis dicitur, quia puer scilicet circa focum, quem Deorum domesticorum sedem propriam esse putabant<sup>5</sup>, ab obstetricice,

<sup>1</sup> Teren. And. I. 3. 14.

<sup>2</sup> De consolat. ad Marc. c. 18.

<sup>3</sup> August. de Civ. D. iv. xi.

<sup>4</sup> Plaut. Truc. 2. 4.

<sup>5</sup> Vid. Platon. de legib. I. 12. Oper. T. 2. p. 955. Edit. Hen. Steph. Quem quidem locum Cicero ita interpretatur; *Terra igitur, ut Focus, domicilium sacrum omnium Deorum est.* De Legib. I. 2. 18. celeri

T A B U L A II.      17

celeri cursu circumferebatur<sup>1</sup>. Ex qua pueri circumferendi consuetudine, verbum ipsum *circumferre*, eandem apud veteres significationem obtinuisse invenimus, ac purgare seu lustrare;

*Idem ter socios pura circumtulit unda<sup>2</sup>.*

*Quæso quin tu istanc jubes  
pro Cerrita circumferri---<sup>3</sup>*

Atque hinc quoque verbum, *lustrare*, in eodem plane sensu, ac circumire, usurpatum est.

---*Ter totum fervidus ira  
Lustrat Aventini montem<sup>4</sup>.*

Lustrandi ritu confecto, nomina deinde infantibus, solenni modo cum sacrificiis epulisque, apud Græcos, die decimo imponebantur.

<sup>1</sup> Ritus hujus ratio a Socrate apud Platonem indicatur: ut Parentes scilicet, quinto post partum die periculum facerent, consiliumque de novo caperent, an puer corpore satis valido sanoque esset; dignusque omnino qui tolleretur. in Theat. Oper. T. 1. p. 160. De hoc etiam ritu Suidas, in voce Αὐφιδρόμια, quintum, inquit, ab infantibus natis diem celebrant; quo die manus purgant obstetrics, et propinqui dona mittunt, polypedas plerumque et sèpias; deinde decimo die Infant nomen imponunt.

<sup>2</sup> Virg. Æn. 6. 229.

<sup>3</sup> Plaut. Amphit. 2. 2. 144.

<sup>4</sup> Virg. Æn. 8. 230. vid. item Non. Marcell. c. 4. in lustrare.

Eis δεκάτην γαρ ποτε παιδαρίς κληθεὶς ὑπέπινον ἐν οἴσει<sup>1</sup>.

Nam ad decimum pueri diem olim vocatus cennavi in urbe ubi Scholia stes decimum diem ob liberos natos conviviis sumi solitum dicit, atque eodem die nomina eis imponi. Quod ab Euripide etiam confirmatur.

— — τίς σε, μάτερ, ἐν δεκάτῃ τόκον  
ωνόμασε —<sup>2</sup>  
Quis tibi, mater, decimo post partum die,  
nomen imposuit —

Hæc autem sacra per obstetricem plerumque facta esse videntur; quippe Electræ matrem Clytemnestram roganti, ut pro filio sibi nato, suo nomine die decimo sacrificaret, mater respondit

"Αλλης τοδὲ ἔγον ή σ' ἔλυσεν ἐκ τόκων<sup>3</sup>. —

Alterius hoc munus est, quæ te partu levavit.

At vero Romæ rem paullo aliter transactam esse, infantiumque lustrationem et nominum impositionem eodem die celebratas invenimus. *Nundina*, inquit Macrobius, *Romanorum Dea*, a nono nascentium die nuncupatur, qui *Lustricus* dicitur, est autem dies lustricus, quo infantes lustrantur et nomen accipiunt: is maribus nonus est,

<sup>1</sup> Aristoph. Avib. 494.

<sup>2</sup> Eurip. Fragm. in Ægeus.

<sup>3</sup> Id. Electr. 1128.

*et flavus feminis<sup>1</sup>.* Atque hinc Caligula, ut Suetonius ait, Neroni infantulo, nomen Claudii patrui sui, die lustrico per jocum imposuit<sup>2</sup>. Hoc lustrandi ritu ad Deorum altaria peracto, amicisque et cognatis ad convivium adhibitis, nomina deinde domi imposita esse videntur; in quibus numerus vocalium, par aut impar, ad morbos quosdam pellendos valuisse credebatur<sup>3</sup>.

Ex hac vero nominalium, uti vocabatur, solennitate<sup>4</sup>, Sanctus Chrysostomus ridiculas quasdam cæremonias in Ecclesiam Christi traductas esse queritur. “ Cum puerum, inquit, nominandi dies advenerit, a sanctorum aliquo nomen mutari, quod a veteribus fieri solebat, haud dignantes, lumina accendunt, singulisque nomina imponunt, ejusque, quod cæteris diutius perduraverit, nomen puero imponendum arripiunt, tanquam vitae longævæ augurium<sup>5</sup>.

C 2

Romani

<sup>1</sup> Saturn. I. 16. it. Pomp. Fest. in Lustricus.

<sup>2</sup> In Neron. c. 5. De hac diei lustrici pueris puellisque assignati differentia, quæstionem instituit Plutarchus, causamque reddere conatur. Quæst. Rom. 99.

<sup>3</sup> Plin. Hist. N. I. 28. c. 4.

<sup>4</sup> Tertull. de Idol. c. 16.

<sup>5</sup> Hom. 12. in Epist. I. ad Cor. Oper. T. x. p. 107. Edit. Benedict.— alios item ritus quosdam, ad infantium curam spectantes, atque a gentilibus deductos, Chrysostomus commemorat; de quibus ita de-

mum

Romani denique liberorum suorum nomina ad Præfectos ærarii deferebant, publicis actis inferenda, addito die et Consule, quo ætas eorum postea, ingenuitasque dignosci poterant.

*Tollis enim, et libris aëtorum spargere gaudes  
Argumenta viri*<sup>1</sup>---

Sed ad Icunculam nostram redeamus; quam Persius quodammodo describere videtur, dum in superstitiones hosce lustrandi ritus, atque inepta mulierum vota, pro liberis die lustrico suscepta, invehitur.

*Ecce Avia aut metuens Divūm Materterā cunis  
Exemit puerum, frontemque atque uda labella  
Infami digito, et lustralibus ante salivis  
Expiat, urentes oculos inhibere perita.  
Tunc manibus quatit; &c.<sup>2</sup>*

Pueruli

mum cum Christianis suis expostulat : *Quod apud Græcos quidem talia fiant, nihil sane mirum est; quod autem apud eos, qui crucem adorant, ac mysteriorum ineffabilium participes sunt, et tam sublimem philosophiam persequuntur, tantum dedecus invaluerit, multis certe lacrymis deflendum est.* Ibid.

<sup>1</sup> Juv. Sat. 9. 84.

<sup>2</sup> Sat. 2. 31. Saliva olim, ad fascinationes, contagia, morbosque pellendos, mirificam quandam vim habuisse putabatur. [Vid. Plin. I. 28. 4.] Sed in his infantium lustrationibus, non meram eam quidem adhibuisse videntur, sed luto seu pulvere commixtam. *Lutum, inquit,*

Chry-

Pueruli hujus figura, caputque a capillis nudum, ac corpus ligamento quodam, tanquam vinculo, constrictum<sup>1</sup>, uti paucorum admodum dierum ætatem denotant, ita hunc lustrandi ritum prorsus indicare videntur. Quippe porcum in lustrationibus fere omnibus, atque in Cereris præfertim sacris, adhibitum esse liquet<sup>2</sup>.

*Χοιρίδιόν μοι νῦν δάνεισον τέσσες δραχμας,  
Δει γάρ μωνθῆναι με, περὶ τεθυνκένται<sup>3</sup>.*

*Da mihi mutuo tres drachmas, ut porcellum emam,  
Nam initiari me oportet, antequam mori.*

Ex quo conjicere licet, ad quem potissimum Deorum hic infantulus a muliere initiandus deferatur: quippe ex omni cœlestium classe, Parentes Deum sibi aliquem pro arbitrio feligere consueverunt, cui se liberosque suos præcipue commendare, atque in tutelam quasi tradere possent. Hinc Caligula infantem sibi natam, *Liviam Druſſilam, per omnium Dearum templa circumtulisse,*

*Chrysostomus, in balneo accipientes nutrices et ancillæ, digito tingentes,  
in pueri fronte imprimunt. Quid sibi vult lutum; quid cœnum? Malum  
avertit oculum, inquiunt, livorem, et invidiam.* Vid. Ibid.

<sup>1</sup> Ab hoc lucis rudimento hominem vincula excipiunt, et omnium membrorum nexus. &c. Plin. Proem. in lib. 7.

<sup>2</sup> Ab Suillo genere pecoris immolandi initium sumptum videtur: cuius vestigia, quod initii Cereris porci immolantur. Varr. de reruſt. l. 2. c. 4.

<sup>3</sup> Aristoph. in Pace. v. 373.

## TABULA II.

*et Minervæ gremio imposuisse, eique alendam et instituendam commendasse, traditur<sup>1</sup>. At vero porcus quem mulier dextra tenet, infantulum nostrum Cereri sane dicatum esse ostendit: porcum enim Cereri tanquam proprium, a veteribus tributum cognovimus.*

*Prima Ceres avidæ gavisa est sanguine porcæ,  
ulta suas merita cæde nocentis opes<sup>2</sup>.  
Tellurem porco, Silvanum lacte piabant<sup>3</sup>.*

In numismatibus idcirco antiquis, suem interdum vel porcum ad Cereris imaginem, tanquam symbolum, adjunctum videmus<sup>4</sup>: et in vase quodam apud Montfauconium, Cereris effigies exsculpta appareat, atque ex adverso mulieris, dextra porcum ferentis, quasi Cereri immolandum<sup>5</sup>.

Neque illud item prætermittendum, quod hæc Imaguncula in agro Neapolitano reperta fuerit; ea nimurum Italæ parte, quæ a Græcis olim possessa, et magna Græcia vocata est; atque unde hæc ipsa Cereris religio Romam tra-

<sup>1</sup> Sueton. in C. Cal. c. 25.

<sup>2</sup> Ov. Fast. 1. 143.

<sup>3</sup> Hor. Epod. 2. 1.

<sup>4</sup> Vid. Fulv. Ursin. in Famil. Vibia.

<sup>5</sup> Antiqu. Vol. 2. par. 1. p. 113. Fig. 1. In veteri quadam Inscriptione, T. Basilius *Porcam Deæ Cereri quotannis mactandam, epulumque dandum ex testamento legasse dicitur. Vid. Bonifac. de Epitaph. correspond. p. 95.*

ducta esse dicitur: in qua quidem urbe simulachrum ejus, omnium primum, ex ære factum, ac summa deinceps veneratione cultum accepimus<sup>1</sup>. Hinc in marmoribus antiquis Cererem Orcilianam, ac Organianam, memoratam legimus; a familiis quibusdam Romanis, cultui ejus addicatis, ita nominatam<sup>2</sup>. Quinetiam inter Sculpturæ veteris reliquias, effigiem quandam Cereris animadverti, cuius in sinu infantuli duo recumbentes finguntur; ad singularem istam infantium curam denotandam, propter quam *καροτρόφος* et *παιδοτρόφος*, hoc est, puerorum altrix, ab antiquis appellatur<sup>3</sup>.

Quod interpretationem autem nostram maxime confirmat, hæc Cereris saera per mulieres semper curata erant.

*Festa piæ Cereris celebrabant annua matres<sup>4</sup>.*

*Aditus in id Sacrarium, inquit Cicero, non est viris, sacra per mulieres et virginis confici solent<sup>5</sup>.*  
*Et ne vetusti ritus perita deesset Antistes, Græcam*

<sup>1</sup> Plin. Hist. N. l. 34. 4. Vid. it. Cic. Orat. pro Corn. Balbo. 24.

<sup>2</sup> Spon. Miscell. Erudit. Antiqu. p. 90.

<sup>3</sup> Montfauc. Vol. 1. l. 2. c. x. Beger. Thesaur. Brandeb. V. 1. p. 6. Vid. it. Herodot. in Vit. Homer. p. 569. Edit. Lond.

<sup>4</sup> Ov. Metam. I. x. 431.

<sup>5</sup> In Verr. 4. 45.

*Sacerdotem, quæ sacrum illud monstraret et faceret, e Græciæ magnæ urbibus, Neapoli aut Velia, Romanos plerumque accersere solitos declarat<sup>1</sup>. De quibus Deæ hujus sacerdotibus Græcis, nonnulla adhuc monumenta extant.*

C A S P O N I A . P . F.  
M A X I M A  
S A C E R D O S C E R E R I S  
P O P U L I R O M A N I  
S I C V L A<sup>2</sup>.

Icunculæ nostræ materiem quod attinet; ex ære solido conflata est; at pigmento quodam albescente ab initio, ut videtur, delibuta; quo albam illam puramve, cum sacrificantium omnium, tum Cereris præsertim sacra curantium, vestem indicaret.

*Alba decent Cererem, vestes Cerealibus albas  
Sumite<sup>3</sup>.*

Quod vero nutrices potissimum, hoc pueros lustrandi munus obeuntes, albatæ fuerint, ex Persii loco discimus.

<sup>1</sup> *Sacra Cereris summa majores nostri religione confici, cæremoniaque voluerunt: quæ cum essent assumpta de Græcia, et per Græcas semper curata sunt Sacerdotes—Has sacerdotes video fere aut Neapolitanas, aut Velientes fuisse—*

*Cic. pr. Corn. Balb. 24.*

<sup>2</sup> *Gruter. V. 2. p. 308. 4.*

<sup>3</sup> *Ovid. Fast. 4. 619.*

Ast

*Ast ego nutrici non mando vota : negato  
Jupiter hoc illi, quamvis te albata rogarit<sup>r</sup>.*

Atque hoc adeo simulachrum, mulierum ad Deorum altaria accendentium imaginem istam revera exhibet, quam verbis describit Plautus.

— *Æquius vos erat  
Candidatas venire, hostiataisque ad hoc  
Fanum<sup>2</sup>.*

Brachium præterea dextrum, pedesque mulieris nudi, peculiarem quendam sacrificandi ritum indicant; quo quidem habitu in sculpturis sæpe antiquis sacrificantium figuræ cernuntur. Nudis pedibus sacrificare, apud veteres fere omnes usurpatum, atque a Judæis sane acceptum esse putatur. Quippe Dæmones, ut Justinus Martyr ait, *propter imitationem ejus quod Mosi accidisset, cultores suos, loca sacra ingredientes, calceos depolare docuerunt<sup>3</sup>.* Hinc apud Romanos Vestæ, quæ eadem ac Terra habita est<sup>4</sup>, non nisi nudo pede sacra facere licebat.

<sup>1</sup> Sat. 2. 38.

<sup>2</sup> Rud. 1. 5.

<sup>3</sup> Apol. 1. p. 91. Edit. Thirlb.

<sup>4</sup> Rotundam ædem Vestæ Numa—consecrassæ videtur; quod eandem esse Terram crediderit, eamque pilæ forma esse: ut sui simili templo Dea coleretur.—*Festus in Rotunda.*

*Huc pede matronam vidi descendere nudo<sup>1</sup>.*

Jam vero si quærat tandem aliquis, ob quam causam, hanc Icunculam olim fictam esse putem; dicerem sane, ex voto pro Infantulo nato Cereri suscepto, eam confectam esse, atque in Templo deinde Deæ pro more suspensam. Etenim Templorum fere omnia, cum apud Græcos tum Romanos, istiusmodi donis referta fuisse, perspicuum est: quæ maxima ex parte nihil aliud erant, ac sigilla, seu minutæ quædam Deorum, hominumve figuræ, e marmore plerumque aut metallo conflatæ; quibus tabella etiam basiſve adjuncta erat, quæ et Deæ et voventis nomen indicare, causamque voti exponere solebat; quam quidem basim, in tanta temporis longinquitate, ab imagine nostra sejunctam, et deperditam esse, haud mirandum est.

<sup>1</sup> Ovid. Fast. 6. 397. Virgines ex Sacerdotio Vestæ nudo pede fungentia sacra comitantur. Flor. l. 1. c. 13. § 12.

## TABULA II.

27

I. O. M. —  
 — TERENTIA. NICE  
 — CVM. TERENTIO. DAMARI  
 — ONE. FILIO —  
 — SIGNVM. ET. BASIM.  
 VOTO. SVSCEPTO. DE. SVO. POSVIT,  
 LVSTRO. EIVSDEM. DAMARIO  
 NIS.

In tabella quadam figulina, antiqui operis, a viro doctissimo, Bonanno, in lucem edita, imaginem cernimus obstetricis, infantulum gremio foventis, matremque dextra sustinentis; quæ Puerperæ cuiusdam votum esse putatur, Junoni Lucinæ suscepturn<sup>2</sup>. Quinetiam gemma antiqua a celeberrimo Montfauconio exhibetur, in qua Apollinis effigies insculpta est, una cum muliebri figura, quæ puerulum nudum, in patina quadam, Deo quasi in manus tradere videtur: quam

<sup>1</sup> Gruter. Vol. 1. 9. 5.

GENIO. DOMNOR. CERERI.

T. POBLICIVS. CRESCENS. LARIBVS.

PUBLICIS. DEDIT. IMAGINES. ARGENT. DVAS.

Marmi D'Orsat. Lett. 1. p. 4.

<sup>2</sup> Vid. Musæum Kircher. Clas. 2. p. 67. Tab. 23. 1. — It. Thomasin. de Donariis. c. 14.

## TABULA II.

quidem gemmam votum item fuisse, pro puerō nato suscepturn, harum rerum periti omnes declarant<sup>1</sup>. Ex his igitur veterum monumentis, aliisque permultis, quae in eandem sententiam adduci possent, illud sane, quod modo dixi, verisimile admodum esse videtur; hanc scilicet imagunculam, infantis lustrandi ritum adumbrantem, Cēreri olim ex voto donatam fuisse.

<sup>1</sup> Antiq. Vol. 2. par. 1. l. 3. c. 14. Tab. 27. 4.



TABULA

## T A B U L A III.

**B**ULLA hæc aurea, cuius formam et magnitudinem accurate satis descriptas damus, quum urbis antiquæ ruinis usque ad hanc ætatem sepulta jacuisset, integra tamen post tot seculorum decursum reperta, atque in lucem revocata est. Etenim Fossores quidam, in monumentis veteribus explorandis, marmoribusque eruendis occupati, dum Mausolei cujusdam rudera, juxta viam Prænestinam, ad quartum ab urbe lapidem, perscrutantur, in conclave subterraneum, picturis ornatum, et pulchre pavimentatum irruerunt<sup>r</sup>. In hoc urnam e marmore nobilem conspicentes, ejusque operculum plumbo defixum, nimisque ponderosum, quam ut amoveri facile posset, confringentes, vasculum intus ex alabastro orientali invenerunt, in quo ossium combustorum reliquæ, una cum hac Bulla, conditæ erant: sed vasculum item ipsum, præ nimia auri reperiendi cupiditate, confregerunt. Atqui hæc

\* Monumenta istiusmodi Sepulchralia, duarum videlicet contignationum, quæ duas cameras, alteram alteri impositam, habebant, græconomine, Distega appellabantur: de quibus in antiquis Inscriptionibus mentionem factam observavi. Gruter. p. 827. 6. it. Spon. Miscell. p. 291, 292.

statim omnia, Franciscus Ficcoronius, sollertissimus ille quidem harum rerum investigator, marmoris, vasculi, et picturarum fragmenta, itemque Bullam ipsam, ab operariis istis coemit<sup>1</sup>; quam ex ejus deinde manibus, at pretio tamen haud parum amplificato, redemi, atque in Angliam mecum advexi.

Hanc eandem Bullam, ut Roma rediens Parisios veneram, celeberrimo Montfauconio ostendi: qui me ante euntem benigne admodum exceperat, et quicquid Cœnobii istius Bibliotheca instructissima, vel rerum vel codicum antiquorum, singulare eximiumque habuit, id summa mihi comitate monstraverat. Vir autem ille eruditus, Bullæ licet hujus figuram ectypam, a Ficcoronio Roma missam viderat, at Bullam tamen ejusmodi germanam, se nunquam antea vidisse declaravit.

Hoc nobile pectoris aurum, ut a Statio vocatur<sup>2</sup>, puerorum ingenuorum gestamen fuisse, collo suspensum, atque in pectus demissum, notissimum est; *ornamentum pueritiae, indicium atque insigne fortunæ*<sup>3</sup>. Sed de ejus origine nihil fere

<sup>1</sup> Vid. Libellum de hac ipsa Bulla aurea, a Franc. Ficcoronio Italice conscriptum. p. 6. 4to in Roma. 1732.

<sup>2</sup> Silvar. l. 5. 3. v. 120.

<sup>3</sup> Cic. in Verr. 1. 58.

## T A B U L A III.

31

certi memoriæ proditum est. Plutarchus eam Romulo attribuit; qui ut Sabinas a suis raptas consolaretur, *Bullam et Prætextam earum liberis concessisse dicitur*<sup>1</sup>. Plinius autem, “ a Tarquinio “ Prisco, omnium primo, filium, cum in prætex- “ tæ annis occidisset hostem, Bulla aurea dona- “ tum, scribit, moremque inde deductum, ut “ eorum qui equo meruissent filii, insigne id ha- “ berent<sup>2</sup>. ” Macrobius dein, utrasque has sententias, item ac alias quasdam recenset, sed vetustatis peritissimos ad Romulum rem referre declarat<sup>3</sup>. Mihi vero haudquaquam credibile videatur, ornamenta tam pretiosa, quæ luxus divitiarumque speciem præ se ferunt, in ista Romuli fæce, urbisque paupertate, excogitata primum fuisse. At quæcunque rei ipsius origo fuerit, tamen usum ejus antiquissimum, atque ab Etruria deductum esse liquet.

---- *Etruscum puerō si contigit aurum*<sup>4</sup>.

<sup>1</sup> In Romul. p. 30. B.

<sup>2</sup> Hist. N. I. 33. 1.

<sup>3</sup> Saturn. I. 6.

<sup>4</sup> Juv. Sat. 5. 165. At non pueris modo Bullam auream concessam esse, sed puellis etiam, et die ipso natali, dari solitam, ex Plauti loco quodam significari videtur.

*Et Bulla aurea est, pater quam dedit mibi natali die.*

Rud. 4. 4. 127.

Pueri autem Romani, cum virilem jam togam sumpturi essent, Bullam una cum prætexta deponere, Laribusque suspendere solebant.

*Cum primum pavido custos mihi purpura cessit,  
Bullaque succinctis Laribus donata pependit.*

Atque hinc Lares Bullati a Petronio memorantur<sup>2</sup>. Sed et aliis eam quoque Diis interdum donatam fuisse, ex Inscriptione antiqua appetet.

### IVNONI PLACIDAE

### CLAUDIA SABBATS BVLLAM D. D.<sup>3</sup>

De tempore Bullam deponendi, togamque sumendi, diversas fane atque inter se discrepantes eruditorum sententias reperio. Nonnulli anno

<sup>2</sup> Pers. Sat. 5. 30.

*Mox ubi Bulla rudi dimissa est aurea collo,*

*Matris et ante Deos libera sumpta toga.*

Propert. 4. 1. 131.

Quippe in omni vitæ mutatione, veteribus solenne erat, ætatis antea ctæ insignia, seu artis quam exercuerant instrumenta, Deorum alicui consecrare; Ephebis Bullam; Virginibus nupturis, zonam; militibus et gladiatoriis, arma; Servis, catenas; pastoribus, fistulam. *Vid. Hor. Ep. 1. 1. it. Sat. 1. 5. Virg. Ecl. 7. Anthol. Græc. 1. xi.*

<sup>3</sup> c. 38.

<sup>3</sup> Grut. p. 25. 2.

decimo quarto id fieri solitum declarant; quod ex Suetonii potissimum testimonio, exemplisque ex Cæsarum temporibus petitis, confirmant. At vero Imperatores eos cunctas fere veterum consuetudines immutasse, togamque pro arbitrio atque honoris causa, filiis et propinquis ante legitimum tempus dedisse cognovimus. Neroni togam anno decimo quarto donatam legimus: at maturatam eam dicit Tacitus, *quo Reipublicæ capessendæ habilis videretur*<sup>1</sup>. Priscis Reipublicæ temporibus, togam haud ante annum decimum septimum pueris concessam existimo; at labante paullatim priscorum disciplina, parentes, quo liberis gratificantur, gaudium istud libertatisque initium maturasse, togamque anno decimo sexto eis indulsisse, constat: quippe eo ætatis suæ anno Ciceronem, et ipsum togam virilem sumpsisse, et filio postea eundem annum agenti eam donasse, a Cardinali Norisio demonstratur<sup>2</sup>.

Bullam vero, ut Laribus dicari, si ad pubertatis annos puer pervenisset, ita in sepulchro condosoleri, si prætextatus mortem obiisset, ex Bullæ nostræ historiola colligi posse videtur. Sponius etiam marmor quoddam sepulchrale exhibet, in

<sup>1</sup> Ann. 12. 41.

<sup>2</sup> Cenotaph. Pis. Diff. 2. c. 4.

## T A B U L A III.

quo pueri bullati imago insculpta cernitur, cum  
hac inscriptione<sup>1</sup>.

D. M.  
Q. ATERIVS. AD  
IVTOR. FECIT  
Q. ATERIO. AGE  
THEMERO. FILIO  
SVO. VIXIT. AN.  
III. M. II.

Ubi Quadrimuli hujus Bulla, cuius figura in  
pueruli pectore extrinsecus expressa est, intra Ol-  
lam etiam, ut conjicere licet, una cum ossibus  
ejus recondita fuit.

De nominis autem perinde ac rei origine, au-  
ctores veteres haudquaquam inter se convenire  
video. Festus illud a græca voce, βύλη, deriva-  
tum dicit, ut eam ætatem aliorum consilio re-  
gendam, significaretur<sup>2</sup>. Alii ab aquæ bullis, ae-  
re inflatis et nomen et formam deducunt; ad le-  
vitatem scilicet humanam, imbecillitatemque in-  
dicandam<sup>3</sup>; secundum vetus illud proverbium,  
*Homo Bulla*<sup>4</sup>. At vero Macrobius, *ingenuis pu-  
eris attributum esse scribit, ut cordis figuram in*

<sup>1</sup> Miscell. Erud. Antiq. p. 299.

<sup>3</sup> Plutarchi in Romul. 30.

<sup>2</sup> In voce Bulla.

\* Varr. de Re Rust. I. 1. 1.

*Bulla ante pectus annexerent, quam inspicientes, ita demum se homines cogitarent, si corde praestarent<sup>1</sup>.* Ex quo quidem Macrobi<sup>i</sup> loco, eruditorum plerique, quoties in scriptis veterum explicandis in Bullæ mentionem inciderint, cordiformem eam esse declarant<sup>2</sup>. Sponius autem, Causœusque, qui veram Bullæ aureæ formam ex monumentis statuisque antiquis accuratius investigarunt, Macrobi<sup>i</sup> errorem coarguunt, Bullamque auream, neque cordiformem neque ulla cordis figura insculptam, sed rotundam plane, atque huic nostræ simillimam paremque omnino fuisse ostendunt<sup>3</sup>.

Macrobius igitur, qui Honori<sup>i</sup> temporibus flo-  
ruit, in quibus Bullæ aureæ mos in defuetudini-  
nem forsitan abiisset, hanc Bullarum Cordifor-  
mium notionem ex Christianorum usu arripuisse  
videtur; quibus cordis figura, ut Aringhus docet,  
tanquam amoris innocentiae atque integritatis sym-  
bolum, magno in honore fuit, eorumque sepul-  
chris sœpissime insculpta, atque in Bullæ etiam  
ipsius locum substituta<sup>4</sup>. At vero Casalius mar-

<sup>1</sup> Saturn. l. 1. c. 6.

<sup>2</sup> Thom. Dempster. Etrur. Regal. p. 303. Aringh. Rom. Subterr. Vol. 2. l. 6. 690. it. Pier. Valerian. Hieroglyph. p. 242.

<sup>3</sup> Spon. Miscell. Erud. Antiq. p. 299. Causœus. Mus. Rom. p. 103.

<sup>4</sup> Aringh. ibid. 694.

mōrēam pueri imaginem e Museo suo edidit, Bulla ornatam, in qua cordis figura insculpta apparet: quod tamen ad Christianorum priscorum consuetudinem istam omnino referendum esse, Ficcoronius ostendit<sup>1</sup>.

Quinetiam omnes fere, qui de Bulla aurea scripsierunt, eam nobilium solummodo liberis, tanquam propriam attribuunt; attamen Equestrī loco natis, usque ab initio concessam, liquet<sup>2</sup>: et postremis deinceps Reipublicæ temporibus, ab ingenuis sane quibuslibet, seu omnium ordinum civibus, quorum facultates ad istiusmodi sumptum pertingerent, pro libitu usurpatam esse, ex Ciceronis loco quodam perspicuum est.

Etenim Cicero, Verrem accusans, puerum quendam prætextatum, P. Junium, quem patrimonio Verres spoliarat, in conspectu Judicum sed fine Bulla produxit; quod cum Hortensius, qui Verrem defendebat, eum populariter, atque invidiæ commovendæ causa fecisse questus esset, Cicero ita respondet; “ Quid erat, Hortensi, tandem in illo puero populare? quid invidiosum?

<sup>1</sup> De Veter. Christianor. ritib. p. 265. Edit. Rom. 1644. it. Ficcoron. Della Bolla d'oro. p. 14.

<sup>2</sup> Unde mos deductus, ut eorum, qui equo meruissent, filii insigne id haberent. Plin. Hist. Nat. l. 33. 1.

“ Gracchi credo, aut Saturnini, aut alicujus hominis ejusmodi produxeram filium, ut nomine ipso et memoria patris animos imperitae multitudinis concitarem. P. Junii erat, hominis de plebe Romana, filius ---- Hic istius nefario latrocinio bonis patriis fortunisque omnibus spoliatus venit in judicium ---- Itaque tibi, Hortensi, non illius ætas sed causa ; non vestitus sed fortuna popularis videbatur : neque te tam commovebat, quod ille cum toga prætexta, quam quod sine Bulla venerat. Vestitus enim neminem commovebat is, quem illi mos et jus inguitatis dabat. Quod ornamentum pater dederat, indicium atque insigne fortunæ ; hoc a prædone isto erectum esse, graviter et acerbe homines ferebant.” Ex quo loco patet, Bullam non nobilitatis, sed inguitatis tantum, divitiarumve potius insigne fuisse : quam quidem Cicero, a filio hominis de plebe gestatam, et fortunis deinde imminutis, ab eodem depositam esse, declarat. Atque hoc idem ex Inscriptione ista sepulchrali supra allata, de puerulo quadrimo Bulla ornato, confirmari videtur: puerum nempe eum non nisi libertino genere natum esse, ex Græ-

<sup>2</sup> In. Verr. I. 1. 58.

co Agathemeri cognomine, adjutorisque titulo, quo pater insignitur, colligere licet: adjutores enim illi Cæsarum fere liberti erant, qui inter Domus Augustæ officia, vicariam aliquam operam præstabant<sup>1</sup>.

Hæ Bullæ aureæ, ex omnibus, quæ jam restant, germanæ antiquitatis monumentis, rarissimæ sunt. Quippe quæ a fossoribus egenis atque esfuriensibus haud citius reperiri, quam in usus proprios converti, atque aurifaci statim pro auri tantilli pondere, vendi solent. Etenim præter hanc unam, alteramque, quæ Romæ adhuc aservari dicitur, haud aliam uspiam extare credo. Alterius vero illius effigiem in lucem edidit Causæus<sup>2</sup>; huic nostræ simillimam, sive eandem potius, nisi quod illa CATULI nomen inscriptum præferat, nostra nullo nomine litterisve signata sit. Ex hac autem rerum inter se alias simillimarum differentia, conjectare possumus, istam nominis inscriptionem, de qua nullam prorsus apud vete-

D. M.  
P. AEL. AVG.  
LIB. AGATHE.  
MERI. ADIVT.  
AB. EPIST. LAT.

Has inscriptiones una cum multis aliis ejusdem generis videre licet apud Fabret. *Inscript. Antiqu.* p. 345.

<sup>1</sup> Vid. Mus. Roman. Mich. Causæi. p. 103. Fig. 6.

D. M.  
FASTVS. AVG. LIB.  
ADIVTOR AB. EPIS  
TVLIS. &c.

D. M.  
T. AELIVS. CRISPINVS.  
AVG. LIB. ADIVTOR  
A. RATIONIBVS. &c.

res

res mentionem animadverti, non antea fieri solitam, quam puer toga jam virili sumpta Bullam deposuisset, Laribusque dicasset; nostramque propterea nomine carere, quod puer, qui eam gestasset, antequam eam ætatem attigisset, morte præreptus esset.

Bulla nostra ex duabus auri purissimi laminis rotundis confecta est, quæ a tertia item lamina sublonga, at in se reflexa seu duplicata, et sculptili opere ornata, clavicularum trium aureorum ope, superne connectuntur. Hæ vero laminæ rotundæ ex omni alia parte a se invicem jam divisæ sunt, quas tamen margine quodam conjunctas olim fuisse constat, ut remedia, opinor, aliqua intus caperent, quæ ad valetudinem pueri tuendam valuisse credebantur; quibusque inclusis, lamina superior, globuli ad instar, convexa apparuit, qualem illam videlicet in statuis antiquorum Bullatis, Romæ adhuc extantibus, videmus<sup>1</sup>.

Bullæ nostræ, ut primum reperta fuit, historiolam, italica lingua conscriptam, ad eruditum Baudelotum, Academiæ Parisiensis socium, misserat Ficcoronius; cuius quidem epistolam, una cum

<sup>1</sup> Plutarchus item Bullam, *lunæ dimidiato orbe fulgenti similem* dicit. *Quest. Rom. p. 388. B. Edit. Par.*

Dissertatiuncula quadam de Bullæ aureæ usu atque origine in lucem postea edidit Baudelotius; in qua Bullam ipsam non *a puerō, sed Imperatore aliquo in triumpho* gestatam esse declarat, propterea quod et magnitudine et pondere, ut ei videtur, majore esset, quam ut a puerō commode gestari posset<sup>1</sup>. Hanc autem opinionem vir iste doctus a Causæo sumpsiſſe videtur; qui Bullam eam alteram, Catuli nomine inscriptam, in lucem antea emiserat, atque a Q. Lutatio Catulo, C. Marii in triumpho Cimbrico Collega, usurpatam esse censuerat<sup>2</sup>. Montfauconius item, eundem Causæum secutus, et Bullæ ejusdem figuram in Thesaurum suum transferens, de Bullis eam *triumphalibus* fuisse existimat, ob causam scilicet istam, a Baudelotio allatam, quod ponderosa nimis esset, quam quæ puerili ætati conveniret<sup>3</sup>. At vero hanc hominum, doctissimorum licet, opinionem, mihi nullo modo probari fateor: primum, quod Bullas ejusmodi puerili ætati parum congruas esse; deinde, quod a *Triumphantibus* omnino gestari solitas, affirmant: quorum neutrum quidem, quantum ipse investigare potuerim, ulla omnino vel

<sup>1</sup> Vid. Hist. Acad. Parif. Inscript. Vol. 3. p. 230.

<sup>2</sup> Mus. Roman. p. 103.

<sup>3</sup> Antiq. Tom. 3. par. 1. l. 2. c. x.

monumentorum vel scriptorum veterum fide niti reperio.

Primum quod attinet, bullam hanc nostram, perinde ac alteram istam a Causæo editam, cum germanis puerorum bullis et forma et magnitudine penitus congruere, perspicuum est; primum ex Statuis ipsis bullatis, quarum permultæ adhuc Romæ extant<sup>1</sup>; deinde ex eis, quas Sponius, Begerus, aliique in libris suis descriptas exhibuerunt<sup>2</sup>; tum ex pictura item vitrea, infra a me describenda; in qua bullam de pueruli collo, eadem plane magnitudinis proportione ac nostram, dependentem videmus. Neque ullo modo incommode, aut a puerili ætate alienum censeri potest, ejusmodi ornatum haud unciæ pondus exsuperans, a pueris usque ad annum ætatis decimum sextum gestari solere.

Præterea, quod viri ipsis docti affirmant, bullam videlicet auream a Triumphantibus gestari

\* Statuæ puerorum Bullatæ dicuntur, quibus Bulla marmorea de collo ita dependet, ut a pueris ipsis ex auro revera gestata esset. Isteusmodi statuam Æmilio Lepido puer, in Capitolio S. C. positam legimus; quod in prætextæ annis in aciem progressus, hostem interemit, civemque servavit. [Val. Max. l. 3. c. 1.] Cujus quidem generis statuas sane multas, in Nobilium palatiis, Villisque Romæ adhuc extantes vidi.

<sup>2</sup> Vid. Spon. Miscell. Erud. Antiqu. p. 299. it. Beger. Thesaur. Brand.

## T A B U L A III.

solitam; et si ab omnibus profecto, qui de ea scrip-  
 serunt, idem quoque declarari video, mihi tamen  
 in hanc rem quam diligentissime inquirenti, non  
 modo dubium, sed falsum plane esse apparet;  
 documentumque sane insigne præbet, quam faci-  
 le monumentorum horum interpretes, in rebus  
 præsertim obscurioribus, opinionem ab auctore ali-  
 quo probato suscepit amplecti, atque alius ali-  
 um absque hæsitatione ulla sequi solent. Ete-  
 nim omnes, hanc suam de bullis triumphalibus  
 notionem, ex unico tantum atque incerto illo  
 quidem Macrobii testimonio confirmant, quod  
 his verbis traditur; “ Tarquinius Priscus Rex  
 “ tertius ab Hostilio, quintus a Romulo, de Sa-  
 “ binis egit triumphum, quo bello filium suum  
 “ annos quatuordecim natum, quod hostem ma-  
 “ nu percusserat, et pro concione laudavit, et  
 “ bulla aurea prætextaque donavit; insigniens  
 “ puerum ultra annos fortem præmiis virilita-  
 “ tis et honoris. Nam sicut prætexta magistra-  
 “ tuum, ita bulla gestamen erat Triumphantis,  
 “ um, quam in triumpho præ se gerebant, in-  
 “ clusis in eam remediis, quæ crederent adversus  
 “ invidiam valentissima. Hinc deductus mos,  
 “ ut bulla et prætexta in usum puerorum nobis-  
 “ lium usurparentur.” Ex quibus verbis, hoc

## T A B U L A III.

43

imprimis notandum; quod Macrobius de bullæ origine hoc loco disputans, sententiam eam, non ut suam aut certam, sed unam solummodo ex multis proponat; quæ tamen ab eo postea rejecta est. Deinde, quod morem eum bullæ in triumpho gestandæ, ante Tarquinii tantum ætatem obtinuisse dicat: neque apud alium quemlibet scriptorem antiquum, de bullis hisce triumphalibus, mentionem omnino ullam animadvertisse.

Plutarchus contra scribit, “ Romulum, cum Veientes prælio fudisset, eorum Ducem proximæ ætatis in triumpho captivum duxisse, sed puerili vestitu propterea indutum, quod præter ætatem imperite et pueriliter rem gessisse putaretur: idque ad suam usque ætatem manuisse, ut triumphantes, cum ob victoriam partam sacrificarent, senem quandam prætextata et bullæ puerili, ludibrii causa ornatum, per Forum in Capitolium ducerent.” Ex quo apparet, neque Romuli neque Plutarchi deinceps temporibus, bullam a Triumphantibus omnino gestatam esse, sed seni cuidam ridiculo, per jocum solummodo, in triumpho tributam: unde in proverbii consuetudinem venisse videtur, ut si-

In Vit. Romul. p. 33.

F 2

quis

quis ætate proiectior inepte aliquid fecisset, is bulla dignus appellaretur, secundum istud Juvenalis, in Crispinum illudentis,

---- *Dic Senior, Bulla dignissime<sup>1</sup>.*

Ornamenta porro Triumphalia, Massanissæ olim regi a populo Romano missa, a Livio sigillatim omnia enumerantur; aurea videlicet *corona*, *aurea patera*, *sella curulis*, *Scipio eburneus*, *Toga picta*, et *Tunica palmata*: quæ cum Scipio ille Africanus, populi jussu, regi traderet; addidit, inquit Livius, verbis honorem; neque magnificentius quidquam *Triumpho apud Romanos*, neque *Triumphantibus ampliorem eo ornatu esse<sup>2</sup>*: in quo tamen ornatu bullam auream locum nullum habuisse videmus.

Quod argumentum vero nostrum quam maxime confirmat, puerorum bullatorum statuæ, ut dixi, permultæ adhuc extant, at nulla tamen Triumphantis bullati effigies uspiam visa est: cumque in marmoribus, arcubus triumphalibus, nummis, columnisque antiquis, Triumphantium interdum figuræ in ipso triumphandi actu curruque exsculptæ reperiuntur, bulla tamen aurea

<sup>1</sup> Sat. 13. v. 33.

<sup>2</sup> Liv. l. 30. 15.

nuf-

nusquam apparet ; quæ cum supra togam de collo dependere soleret, nec omitti nec abscondi poterat, si ad Triumphantium omnino ornatum pertinuisset<sup>1</sup>. At vero bullas istas pueriles, maximo semper apud Romanos in honore fuisse, accepimus. Bello enim Punico, cum summa pecuniæ inopia premerentur, ærariumque prorsus exhaustum esset, Senatus decrevit, “ ut quicquid auri argenti ærisve signati domi habuerint, id omne in publicum conferrent, ita tamen ut anulos sibi quisque et filio bullam relinquat<sup>2</sup>. ” Sertorius denique, cum in Hispania bellum contra Romanos gereret, quo Hispanorum animos sibi devinciret atque in fide sua retineret, prætextam bullamque auream liberis eorum, Romano more gestandam, dedisse traditur<sup>3</sup>.

Bullæ vero aureæ loco, Libertinorum, civiumque pauperiorum filios, signum quoddam ejus-

<sup>1</sup> Pierius autem Valerianus, de Bullæ aureæ usu disputatione, Triumphantoris sane, curru triumphali inventi, effigiem exhibuit, cui Bulla e collo dependet. Illa vero, ex nullo monumento vetere desumpta, sed ad argumentum solummodo pro more suo illustrandum inventa, atque ex auctoris ipsius ingenio penitus facta est : cujus quidem speciem ornatumque omnem, a germano Triumphantium veterum habitu omnino abhorrente, constat. *Vid. Pier. Valer. Hyeroglypb. de Bull. p. 301.*

<sup>2</sup> Liv. I. 26. 36. it. Flor. I. 2. 6.

<sup>3</sup> Plutarch. in Vit. Sertor. p. 575.

dem formæ, sed ex corio factum, gestare confue-  
visse legimus; de quo Juvenalis,

--- --- *Etruscum puero si contigit aurum,  
Vel nodus tantum, et signum de paupere loro*<sup>1</sup>.

Sed pauperiores etiam isti, ut modo dictum est, quum ex rerum suarum angustiis emergere cœ-  
pissent, bullam sibi auream pro libitu sumptuose  
videntur. Cujus quidem figura semper rotunda  
fuit; ita ut ea omnia, quæ alia quavis forma,  
bullarum vero nomine, Montfauconius cæteri-  
que exhibuerunt, ad amuletorum classem Bonan-  
nius omnino referenda putat<sup>2</sup>: quæ pro paren-  
tum arbitrio, et forma et materia inter se discre-  
pantia, puerorum collis suspendi solebant.

Ab his autem bullis, ornamenta balteorum  
cingulorumque militarium deaurata, seu acu-  
pieta, quæ rotunditate et colore similitudinem  
quandam præ se ferebant, a scriptoribus antiquis  
bullæ vocantur.

<sup>1</sup> Juven. Sat. 5. 165. it. Macrob. Saturn. 1. 6.

<sup>2</sup> " In iis enim Ethnici characteres magicos seu alias res inferebant,  
" quas putabant validiores ad avertandas fascinationes et morbos: eas  
" inter amuleta repono, nequis putet illas ex eo genere Bullarum esse,  
" quæ e collo puerorum nobilium olim dependebant." *Muf. Kicheri-*  
*an.* p. 37.

## T A B U L A III.

47

— Phaleras Rhamnetis et aurea Bullis  
Cingula<sup>1</sup> —

Humerum nodis cui balteus asper  
Subligat<sup>2</sup>.

Ubi quas Virgilius, Bullas, Juvenalis et Valerius Flaccus nodos appellant; quippe eodem sensu vox utraque usurpata erat, pro rotundis scilicet et convexis operis cujulibet particulis, quæ supra reliquas e superficie eminebant.

Hinc item clavorum capita rotunda et deaurata, quæ in templorum valvis, divitiumve foribus infigi solebant, bullas vocari cognovimus.

Jussin' in splendorem dari Bullas has foribus  
nostris<sup>3</sup>?

bullasque præterea, ex auro solido conflatas,  
Cicero e templo Minervæ a Verre furto ablatas,  
commemorat<sup>4</sup>.

<sup>1</sup> Virg. Æn. 9. 359.

Notis fulserunt cingula Bullis  
Pallantis pueri —

ibid. 12. 942.

<sup>2</sup> Valer. Flacc. Argonaut. 579.

<sup>3</sup> Plaut. Asin. 2. 4. 20.

<sup>4</sup> Bullas aureas omnes ex his valvis, quæ erant multæ et graves, non dubitavit auferre, quarum iste non opere delectabatur, sed pondere.  
*Cic. in Ver. 4. 56.*

At-

Atque hinc quoque sigilla ista rotunda et speciosa, quæ ex auro vel alia quavis materia, Diplomatibus Epistolisque Imperatorum ac summorum Pontificum adnectebantur, a medii ævi scriptoribus bullæ appellantur<sup>1</sup>. At vero nomen tandem a sigillis, ad Chartas ipsas traductum est; atque Imperatorum, Pontificumque decreta et diplomata, bullas etiam hodie nominari cognovimus.

<sup>1</sup> Du Fresne Glossar. σιγίλλα ἐσφράγισεν βελλη.

## T A B U L A III.

## S E C T. II.

**P**ICTURA hæc vitrea, in qua mulieris ac pueruli imagines coloribus aureis venustæ fatis expressas cernimus, in Tiburis antiqui ruinis, una cum aliis quibusdam vasculis, e vitro pariter conflatis, reperta fuit: quæ quidem ex pulchritudine ejus, eorum certe temporum fuisse apparet, quibus ars ipsa pingendi haud multum a priscorum adhuc perfectione descivisset. Ficcoronius, qui figuram ejus e typam Romæ in lucem edidit, eam ad Alexandri Severi ætatem refer nondam arbitratur<sup>1</sup>. At comarum ornatus, reticulumque aureum, quo mulieris caput tegitur, antiquitatem quandam superiorem redolere videntur: quippe reticulum vel Republica florente, perinde ac Cæsarum postea temporibus, inter muliebria capitis ornamenta recensitum legimus.

*Reticulumque comis auratum ingentibus implet.<sup>2</sup>*

G

Sed

<sup>1</sup> In libro Italice conscripto, Della Bolla d'Oro de' Nobil. Roman. &c. 4to in Roma. 1732. p. 12.

<sup>2</sup> Juven. Sat. 2. 96. Varr. de ling. lat. I. 4. Nonius Marcellus reticu-

Sed mulieris item collum catenula, seu monili aureo ornatum est; ejusdem plane generis, ac quod in ollis veterum sepulchralibus, una cum ossibus mortuorum interdum conditum reperitur<sup>1</sup>. Quod vero ad rem nostram magis pertinet, de pueruli collo bulla aurea, ingenuitatis insigne, dependens cernitur; quæ cum forma, tum magnitudinis proportione, cum bulla ista germana, quam supra exhibui, penitus congruit.

Quinetiam pueruli hujus toga singulare quidam exhibere videtur; nam fasciam quandam latam, baltei ad instar, trans pectora ductam, atque alteram inde ejusdem formæ, deorsum pendentem cernimus. Atqui hanc eandem togæ speciem in aliis item paucis, et virorum et foeminarum statuis observavi; de qua tamen nihil omnino quod liquet, a scriptoribus traditum reperio. Hoc mihi tamen verisimile appareat, fascias hasce, togæ ejus quam *trabeam* vocabant, formam et gestandæ morem indicare. Trabea enim nihil aliud erat, ac togæ species quædam, pur-

reticulum tegmen capitis muliebre vocat. [De prop. Serm. c. 14.] Servius locum istum Virgilii, *Crines nodantur in aurum*, de retiolo aureo intelligit, in quod Didonis comæ colligebantur. [Æn. 4. 138.] Ifidorus autem reticulum, non a rete, sed quod crines retineret, ita vocari, haud recte arbitratur. Orig. l. 19. 31.

<sup>1</sup> Vid. Ficcoron, ibid. it. Beger. Thesaur. Brandeb. Tom. 3. p. 426.

pureis

## T A B U L A III.

51

pureis fasciis, virgine, velut trabibus distincta; quam ita in gestando componere ac complicare solebant, ut ex fasciis istis una semper in pectore nitesceret, altera deorsum inde fluere videretur<sup>1</sup>. Trabeam autem ipsam non nisi regum initio gestamen fuisse constat<sup>2</sup>; deinde consulum<sup>3</sup>; tum equitum quoque in solenni eorum transvectione, a Q. Fabio idibus quintilibus instituta<sup>4</sup>. At vero hunc, quem in pictura nostra videmus, trabeæ gestandæ morem, non nisi imperatorum postea temporibus obtinuisse puto; neque a principibus tantum aut consulibus, sed a principum item filiis ac propinquis, tunc quidem gestari cœpisse: de quorum fortasse numero hunc puerulum matremque ejus fuisse credamus. At posterioribus deinceps seculis, togæ hujus honorem ncbilibus, divitibusque promiscue omnibus pro libitu permissum esse, ex sculpturis, statuis-

<sup>1</sup> Vid. Ferrar. de re bestiar. l. 2. c. 5. it. Dempst. Etrur. Regal. Vol. 1. l. 3. c. 26.

<sup>2</sup> Ancilla natus trabeam et diadema Quirini,  
Et fasces meruit, Regum ultimus ille bonorum. Juv. S. 8. 259.  
*Trabeis usos accipio reges.* Plin. Hist. N. l. 8. c. 48. it. l. 9. c. 39.

<sup>3</sup> Ipse Quirinali trabea, cinctuque Gabino  
Insignis referat stridentia limina consul.

<sup>4</sup> Liv. l. 9. ad fin. Val. Max. 2. 2.

que antiquis hac ipsa trabea ornatis, perspicuum est<sup>1</sup>.

Permulta vitrorum antiquorum fragmenta, auro coloribusque variis depicta, ab harum rerum studiofis collecta, atque in publicum edita cognovimus<sup>2</sup>: de quibus librum sane singularem, atque eximia eruditione refertum, vir illustris, Philippus Buonarotti, Senator Florentinus, Italica lingua conscripsit<sup>3</sup>. Ad quem, ab humanissimo doctissimoque sene, Salvinio, ipse olim Florentiae deductus, aedes ejus vidi, cum Romanorum, tum Tuscorum veterum statuis, vasculis, sculpturisque egregie ornatas; neque minus tamen ob posteriorum item seculorum inventa celebrandas; nobilia præsertim summi istius pictoris atque antecessoris sui, Michaelis Angeli Buonarotti opera, a quo conclave quoddam, exquisito artificio pictum, in iisdem ædibus ostenditur.

Auctor autem iste eruditus fragmentorum istiusmodi vitreorum octoginta circiter accurate descripta, in librum suum contulit; singulisque dis-

<sup>1</sup> Vid. Boiffard. Tom. 3. p. 92. Montfauc. Vol. 3. l. 1. Tab. 6. fig. 2. item arcus Constantini figuræ.

<sup>2</sup> Aringh. Rom. Subterr. Tom. 2. p. 265, 403, 689. &c. it. Fabrett. Inscript. p. 537, 593.

<sup>3</sup> Osservazioni sopr. alcun. Framment. di vasi antichi di vetro, ornati di figure. Fol. in Firenze. 1716.

fertatiunculam adjecit. Horum vero pars maxima a priscorum temporum Christianis provenisse apparet, ut ex Christi Apostolorumque ejus figuris, opere plerumque rudi ac deformi pictis significatur; quas tamen omnes, ex litteris, notisque ibi adscriptis, Constantini ætate antiquiores esse, vir doctus contendit<sup>1</sup>.

Sed præter ista Christianorum vitra, pauca etiam quædam præstantiora, ac majori artificio elaborata, in eodem libro reperiuntur, ex Gentilium reliquiis et supellecstile derivata; Deorumque veterum imagines ac symbola plerumque exhibentia: quorum quidem unum alterumve, cum forma ipsa et magnitudine, tum picturæ ipsius elegantia, comarumque muliebrium ornatu, huic nostro quam simillimum apparet, atque ex eo vitri pingendi artificio, quod auctor iste omnium præstantissimum esse declarat<sup>2</sup>. Cum hæc vero vitrorum fragmenta, semper fere rotunda, interdum concava, ac sæpe effracta reperiantur; ea non nisi vasculi cujusdam majoris partes, et poculorum præsertim fundos fuisse, casu quodam abruptos, a viris doctis affirmari video; quod etsi de non-

<sup>1</sup> In Prefaz. xi, xii.

<sup>2</sup> Id. Tab. 25. Fig. 3.

nullis fortasse concedendum sit, de universis tamen nequaquam statuendum arbitror<sup>1</sup>.

De hac autem quæstione, et de vasculorum simul vitreorum apud Romanos usu, antequam plura differamus, de vitri ipsius origine pauca quædam dicere libet, quæ in tanta rei obscuritate, ex scriptorum veterum monumentis eruere potuerim. “ Pars Syriæ est, inquit Plinius, quæ Phœnice vocatur, finitima Judeæ, juxta montes Carmeli radices, cujus in littore arena quædam invenitur, quæ vitro gignendo aptissima, atque unica fere per multa secula habebatur. Ad hunc locum fama est, navem olim mercatorum nitri appulsam esse; et cum sparsi per littus epulas pararent, nec esset cortinis attollendis lapidum occasio, glebas eos nitri, lapidum loco, e navi subdidisse; quibus accensis permixta arena littoris, transfluentes nobilis liquoris fluxisse rivos, atque hanc fuisse originem vitri<sup>2</sup>. ” Hinc Sidon, urbs ejus regionis primaria, atque ob artium multarum præstanti-

<sup>1</sup> Cum certum sit, figuræ hasce nonnisi in fundis poculorum pictas reperiri; ut ex eorum concavitate pluries animadverti. [Fabrett. Inscript. p. 539.] Posso dire, che sono fondi di Bicchieri. *Buenar. Praef. 3.*

<sup>2</sup> Hist. N. l. 36. c. 26.

am, ab Homero ipso celebrata<sup>1</sup>, vitri quoque officinis nobilis, speculorumque inventrix esse dicitur<sup>2</sup>.

Apud Persas, ante Alexandri Magni tempora, calices vitreos in usu deliciisque fuisse liquet: quippe legati quidam Athenienses ab Aristophane Comico inducti sunt, tanquam a Persis nuper reversi, qui Regis istius luxum et magnificentiam laudibus extollentes, *se vinum ibi dulce e poculis vitreis atque aureis bibisse*, narrant<sup>3</sup>. In Ptolemaei quoque Philadelphi pompa Alexandrina, duo calices vitrei, sive calicum potius vitreorum abaci, e gaza regia ad populum producti memorantur<sup>4</sup>. In Lesbo pariter, vitriariorum officinas eadem ætate extitisse, poculumque quoddam vitreum, cui Lesbium nomen erat, apud Graecos in conviviis usurpatum esse, ex epigrammate veteri discimus<sup>5</sup>. At posterioribus deinde seculis, hoc vitri fingendi artificium in Ægypto maxime flouruit: ubi Strabo, *se a vitriariis Alexandrinis audiisse scribit, terram quandam vitrariam reperiri, sine qua nulla pretiosa, aut variorum colorum ope-*

<sup>1</sup> Iliad. Z. 289. Ψ. 743. Odyss. O. 115.

<sup>2</sup> Sidon artifex vitri. Plin. l. 5. 19. it. l. 36. 26.

<sup>3</sup> Acarn. Act. 1. Scen. 2. v. 74.

<sup>4</sup> Καὶ κυλικεῖα δύο, καὶ, οὐλιναὶ διάχρυστα δύο. Athenæ. l. 5. c. 7.

<sup>5</sup> Λέσβιον ἐξ οὐελεώς &c. Athen. l. xi. c. xi.

*ra effici possent.<sup>1.</sup>* Ex quo genere calices sane ifti fuere, quos Hadrianus Imperator, ad Servianum scribens, a sacerdote sibi Ægyptio donatos ait. “ Calices tibi, inquit, allassontes<sup>2</sup>, [versico-“ lores] tres misi, quos mihi sacerdos templi ob-“ tulit; tibi et sorori meæ specialiter dedicatos; “ quos tu velim festis diebus conviviis adhibeas: “ caveas tamen ne his Africanus noster indulgen-“ ter utatur<sup>3.</sup>” Neque ex alio genere vitrea quoque ista fuisse videntur, quorum *diversitate atque operositate*, *Tacitus Imperator* delectatus esse memoratur<sup>4.</sup>

Ab Ægypto igitur, a Romanis demum subacta atque in provinciam redacta, immanis iste vitreorum luxus, una cum ceteris Alexandriæ deliciis, Romam præcipue invectus appetet. Nam ante id tempus rara admodum de vitri usu aut pretio, apud scriptores Latinos mentio reperitur<sup>5.</sup>

<sup>1.</sup> Lib. 16. p. 758.

<sup>2.</sup> Vox Græca Ἀλλασσοντες, allassontes, idem significat ac colorem mutantes, vel ut hic explicatur, versicolores, quod quidem verbum interpretationis gratia in margine adscriptum, in textum inde irripisse videtur.

<sup>3.</sup> Flav. Vopisc. in Saturnino. c. 8.

<sup>4.</sup> Vid. eund. in Tacito. c. xi.

<sup>5.</sup> Cicero autem, inter merces ex Ægypto Romam advectas, chartas, linteas, vitrum, recenset: [Pr. Rab. Posth. c. 14.] de vitro autem, ante id tempus, ne verbum quidem a Romano aliquo dictum memini.

Sed

Sed a primis usque Cæsarum temporibus, pocula vitrea seu crystallina, ut sœpe eadem vocantur, et principibus et divitibus item quibuslibet summo in pretio fuisse certissimum est. “ Cum Augustus, ut a Seneca memoriae proditum est, apud Vedium Pollionem coenaret, unus ex servis fregerat ejus crystallinum. Rapi eum iusfit Vedius, nec vulgari quidem periturum morte; nam murænis objici jubebatur, quas in gens piscina continebat---evasit e manibus puer, et confugit ad Cæsaris pedes; nihil aliud petiturus, quam ut aliter periret, nec esca fieret. Motus est novitate crudelitatis Cæsar, et illum quidem mitti, crystallina autem omnina coram se frangi jussit, compleisque piscinam.”<sup>1</sup>

Tiberii deinde principatu, illud vitri temperamentum Romæ excogitatum fertur, ut flexibile esset: de quo celebris sane historia a scriptoribus tradita est. “ Faber fuit, inquit Petronius, qui vitrea vasa fecit tenacitatis tantæ, ut non magis quam aurea vel argentea frangerentur: quum ergo phialam hujusmodi de vitro purissimo, et solo, ut putabat, dignam Cæfare fabricasset,

<sup>1</sup> Sen. de ira. l. 3. c. 40. Vid. it. Dio. l. 54. p. 537. it. Plin. Hist. N. l. 9. c. 23.

" cum munere suo Cæsarem adiens, admissus  
 " est. Laudata est species muneris, commendata  
 " manus artificis, acceptata devotio donantis.  
 " Faber, ut admirationem intuentium verteret  
 " in stuporem, et sibi plenius gratiam conciliaret  
 " Imperatoris, petitam de manu Cæsaris phialam  
 " recepit, eamque validius projecit in pavimen-  
 " tum, tanto impetu, ut nec solidissima et con-  
 " stantissima æris materia maneret inlæsa. Cæ-  
 " sar autem ad hæc non magis stupuit, quam  
 " expavit. At ille de terra sustulit phialam;  
 " quæ quidem non fracta erat, sed conlisa; ac si  
 " æris substantia vitri speciem induisset. Dein-  
 " de martellum de sinu proferens, vitrum cor-  
 " rexit aptissime, et tanquam conlisum vas æne-  
 " um, crebris iætibus reparavit. Quo facto se  
 " coelum Jovis tenere arbitratus est; eo quod fa-  
 " miliaritatem Cæsaris, et admirationem omnium  
 " se promeruisse credebat. Sed secus accidit.  
 " Quæsivit enim Cæsar, an alias sciret hanc con-  
 " dituram vitrorum; quod cum negaret, eum  
 " decollari præcepit Imperator, dicens, quia si  
 " hoc artificium innotesceret, aurum et argen-  
 " tum vilescerent quasi lutum.<sup>1</sup>" Eandem histo-  
 riolam Dio, sed confuse ac absurde narrat, de

<sup>1</sup> Petron. Sat. p. 189. Edit. Var.

phiala scilicet, non *confusa* sed *fracta*, atque a Fabro statim de integro refecta<sup>1</sup>: ad eandem quoque Plinius alludit, at *famam ejus crebriorem, quam certiorem fuisse dicit*<sup>2</sup>.

Claudio porro imperante, vulgo dici solitum legimus, *eum qui vascula vitrea vel fracta donaret, civem Romanum fieri posse*<sup>3</sup>. Ac Neronis ætate, ut Plinius scribit, ea vitri fingendi ars reperta fuit, quæ modicos duos calices, quos Pterotos vocabant, *H-S sex millibus venderet*<sup>4</sup>. Hac eadem ætate, Seneca eam plane vitri conditaram describit, quam in officinis nostris hodie usurpatam videmus. Quippe contra Posidonum Stoicum, artes quibus vita utitur, non a Philosophia repertas esse contendens, “cuperem, inquit, “Posidonio vitrarium aliquem ostendere, qui spi-“ ritu vitrum in habitus plurimos format, qui vix “diligenti manu effingerentur. Hæc inventa “sunt, postquam sapientem invenire desivi-

<sup>1</sup> Dio. l. 57. p. 617. E.

<sup>2</sup> Plin. l. 36. 26.

<sup>3</sup> Dio. l. 60. p. 676. D.

<sup>4</sup> Plin. l. 36. 26. Per calices istos Pterotos, nihil aliud intelligi videtur, ac calices ansa utrinque alarum quasi modo instructos. Qui sex millibus nummum festertiorum, seu 50 circiter libris nostræ monetae vendi dicuntur; ob recentem forsitan ea ætate ansas fingendi, et cum calice conjungendi inventionem—

“mus.”<sup>1</sup> Ex quo, istud vitri artificium Romæ tunc recens esse, neque Posidonio, qui Pompeii temporibus floruit, cognitum, indicari videtur. At vero paucis deinceps annis, Plinius calicum vitreorum usum *argenti aurique metalla pepulisse*, ait<sup>2</sup>.

Jam poculorum istorum fundos auro coloribusque variis depingi solitos esse, ex fragmentis eorum, quæ adhuc restant, apparet; ita tamen, ut imaginum ibi pictarum, litterarumque inscriptarum formæ, intus usque conversæ, a bibentibus solummodo in situ proprio conspicerentur<sup>3</sup>. Vitri autem pingendi artificium hoc fere modo effectum esse creditur. In lamella nimirum vitrea figuras primum, quas vellent, instrumento quodam fabrili exarare, atque insculpere solebant; tum in sculpturæ hujus fulcos materiem quandam vitream five encausticam, quam smaltum vulgo vocant, coloribus variis, at aureo præsertim imbutam, infundebant; ita tamen, ut luminis simul et umbræ rationem aliquam servarent; totam de-

<sup>1</sup> Senec. Epist. 90.

<sup>2</sup> Lib. 36. 26. Alexandri Severi temporibus, inter Domus Augustæ Officia, Præpositum a Crystallinis, in marmoribus antiquis commemoratum invenimus. Gruter. p. 474. 4.

<sup>3</sup> Vid. Buonarott. Prefaz. p. iii, iv.

nique vitri lamellam, hoc modo depictam, encausto rursus alio crassiori a tergo penitus operiebant: atque hoc quidem optimum vitri pingendi artificium, quod Romæ unquam viguisse, existimatur<sup>1</sup>. Neque alio sane modo hæc nostra Tabella confecta appareret; cujus imagines aureo penitus colore, at reliqua vitri pars, seu picturæ, ut dicitur, fundus purpureo seu violaceo, depictus est.

At non eadem arte aut diligentia reliqua ista, quæ diximus, Christianorum vitra effecta erant: sed in tenui quodam auri folio, lamellæ vitreæ superimposito, figurarum lineæ extremæ tantum ac præcipuæ, opere simplici ac rudi exaratæ esse videntur. Clemens Alexandrinus pocula hujusmodi *vitrea, cælata aut depicta, a Christianorum mensis* exulare jubet; quippe quæ propter fragilitatem et timere simul ac bibere docent<sup>2</sup>. Ex permultis tamen vitrorum eorum fragmentis, quæ in curiosorum adhuc Museis conservantur, vel Priscos istos Christianos a luxu isto haud immunes fuisse, liquet.

<sup>1</sup> Vid. ibid.

<sup>2</sup> Pædag. l. 2. c. 3. De hoc Crystallinorum frangendorum timore ita quoque Martialis;

*Frangere dum metuis, frangis Crystallina: peccant  
Securæ nimium, sollicitæque manus.* l. 14. iii.

Hæc vero vitrorum Christianorum fragmenta, in antiquis Romæ Coemeteriis, quæ Catacumbæ vocantur, cuncta fere reperiuntur; in calce plerumque murali infixæ, et juxta loculorum eorum ora seu aperturas, in quibus mortuorum cadavera sepulta jacent. Quæ quidem haud aliam ob causam ibi posita esse existimantur, quam ut in cryptis istis subterraneis et tenebris, quæ in infinitos viarum meatus, vicorumque quasi diverticula distribuuntur, mortuorum quisque suorum sepulchra, signo aliquo proprio dignosceret, et pia ibi defunctis seu anniversaria quædam officia præstaret<sup>1</sup>.

Ex his autem vitri fragmentis, etiam si non nulla, ut modo dixi, poculorum quondam fundos fuisse concedamus, non ita tamen de omnibus statuendum est. Vitrum enim nostrum, nec superficie concavum, nec ulla orbis sui parte effractum, sed circulo aureo, tanquam opus quoddam integrum ac perfectum, ab opifice ipso circumducum esse appareat: neque ob aliam certe causam in hunc modum pictum erat, quam ut Fœminæ cujusdam nobilis et filioli imagines ad vivum, ut dicitur, exhiberet, posterisque mandaret. Quippe

<sup>1</sup> Vid. Buonarott. Praef. 8.

alia

alia quoque ejusdem omnino generis ac formæ vitra, imaginibus pictis ornata, ex Romæ antiquæ ruinis conservata, atque in libris interdum descripta animadverti: quorum quidem unum, eximie pictum, atque Herculis symbolis instrutum, Caninius protulit, idque Commodi Imperatoris effigiem præ se ferre suspicatur<sup>1</sup>. Duas præterea alias, hac eadem magnitudine, imagines, in vitro affabre pictas, unam Tibicinis, alteram pueruli, Ficcoronius se tenere scribit, atque ejusmodi esse ait, ac quæ ab hominibus curiosis in armariis plerumque condi solent<sup>2</sup>.

Hæc encaustica pingendi ars apud Græcos sane vetusta erat. Pamphilus enim, Apellis præceptor, et pinxit encaustica fertur, et docuisse Pausiam Sicyonium, primum in hoc genere nobillem; qui parvas tabellas puerosque præsertim pingere solebat<sup>3</sup>. Romæ etiam insignes quodam imaginum pictores Reipublicæ temporibus floruisse accepimus. Etenim Lala quædam, ut Plinius ait, *Virgo Cyzicena*, et penicillo pinxit, et cestro in ebore, imagines mulierum maxime---arte vero tanta, ut multum manupretio antecederet celeberrimos eadem ætate imaginum pictores,

<sup>1</sup> Iconograf. Tab. 82. p. 112.

<sup>2</sup> In libro Della Bolla d'oro &c. p. 12..

<sup>3</sup> Plin. l. 35. c. x.

So-

Sopylon et Dionysium, quorum tabulæ pinacothecas implebant<sup>1</sup>. Epicuri denique vultum, *in parvis quibusdam tabellis* depictum, discipuli ejus secum circumferre soliti dicuntur<sup>2</sup>. Hujusmodi autem imagines in tabellis vitreis persæpe confec-  
tas fuisse, propterea conjicere licet, quod *nulla alia materia*, uti ex eodem Plinio discimus, *se-  
quacior, aut picturæ accommodatior* ea ætate habi-  
ta fuit<sup>3</sup>.

## Sect. III.

**P**RÆTER bullam istam auream, de qua modo differui, alia item quædam, diversæ prorsus formæ ac generis, a pueris olim Romanis, amuletorum nomine, gestata esse dixi. Apud veteres enim istos opinionem quandam ridiculam et superstitionem obtinuisse cognovimus, de invidiæ oculique maligni iœtu quodam venenato, qui tenera præsertim infantorum corpora affligere, variisque morbis cruciare solebat. Contra hanc igitur pestem multa ab eis remedia excogitata sunt, quæ a liberis suis gestata, atque e collo po-

<sup>1</sup> Ibid.<sup>2</sup> Ibid. c. 2. ubi M. item Varronem septingentorum illustrium ima-  
gines cuidam suo volumini inseruisse scribit.<sup>3</sup> Id. l. 36. c. 26.

tissimum

tissimum suspensa, incolumes eos ab omni fascinatione præstare credebantur. Sed ex hac omni amuletorum classe, nihil certe valentius habebatur, quam pudendi virilis effigies, ex auro interdum, ære, ebore, aut corio etiam facta<sup>1</sup>. De qua quidem re disputare, seu loqui omnino puderet, ni non eos modo omnes, qui Romanorum sibi ritus explicandos sumptissent, sed et sanctos etiam Ecclesiæ primævæ patres, quo obscaenam hanc Gentilium superstitionem ludibrio darent ac detestabilem redderent, de ea libere differuisse, vidissem.

Quamobrem duas rei ejus turpiculæ figuræ hic delineatas damus: quarum altera Romæ mihi in manus incidit; altera Rutupiis<sup>2</sup>, in agro

<sup>1</sup> Pueris, inquit Varro, res turpicula in collo quædam suspenditur, nequid obsit, bonæ scævæ causa. *De Ling. Lat. I. 6.*



<sup>2</sup> Rutupiæ olim Urbs, Castrum, portusque Romanorum. De quibus Vid. Batteley Antiquitat. Rutupin.

Cantianō reperta, ab amico meo erudito, et in rebus antiquis exquirendis admodum curioso, Gul. Warren LL. D. Aulæ Trin. apud Cantabrigienses socio, mihi donata est. Quod utraque vero a pueris olim gestata fuisset, ex anulis superne annexis perspicuum est; quorum alter diuturno plane usu haud parum attritus appetet. Per multas sane ejusdemmodi figurās in eruditōrum passim museis conservatas, atque in libris quoque descriptas vidi<sup>1</sup>; atque unam quoque alteramve, a viris gravissimis, Montfauconio et Bonanno in lucem editam<sup>2</sup>. Rem vero ipsam nominibus variis ab antiquis celebratam invenimus, et Phallum, Mutinum, Tutinum, vel ab effectu, quem edere putabatur, Fascinum plerumque a fascino repellendo, appellatam<sup>3</sup>. Quippe figuræ hujus turpitudine repulsus, ut Plutarchus ait, *malignorum intuitus, ab homine ipso avertebatur*<sup>4</sup>: sive, ut alii dicunt, Deus ipse Priapus,

<sup>1</sup> Vid. Memorie del Museo di Lod. Moscardo. in Pad. 1656. it. Mich. de la Chauffe sive Causæi Mus. Romam. Fol. Romæ. 1707. it. Beger. Thesaur. Brandeb. Vol. 3. p. 427.

<sup>2</sup> Montfauc. Antiqu. Vol. 3. par. 1. l. 2. it Museum. Kirch. p. 37. <sup>3</sup> — — Minusve languet Fascinum. Hor. Epop. 8. 18.

Pomarii tutela diligens, rubro  
Priape, furibus minare Mutino.

<sup>4</sup> Symposi. l. 5. p. 681, 682.

Priapeia. 7.

tan-

tanquam fascinantium omnium, seu invidentium vindex, ultiorque præsens, colebatur<sup>1</sup>.

At vero Fascino, seu pudendo virili, velut generis humani auctori, cultum quendam divinum a plerisque gentibus tributum esse constat<sup>2</sup>. In Ægypto, ut apud Herodotum est, “ in Bacchi sacris, mulieres statuas quasdam cubitales per pagos circumferebant, quæ nervis seu fidiculis intus dispositis tractæ, membra sua movere, spontaneo quasi motu, videbantur: Fascino præsertim, quod reliquam fere statuam magnitudine exæquabat, hinc inde nutante<sup>3</sup>.”

Hæc eadem Phalli pompa, uti vocabatur, ab Ægyptiis ad Græcos traducta est, qui Eusebio teste, pudendum virile in *Bacchi sacrificiisque*, Phalli nomine circumferre ac venerari solebant<sup>4</sup>. Qui vero Cypriæ Veneri initiantur, eos

I 2

cer-

<sup>1</sup> Diod. Sic. p. 78. D. it. p. 214. Edit. Hanov.

<sup>2</sup> Ibid. p. 78. Neque alium sane fuisse antiquissimum illum Moabitarum Deum, Baal-Peor seu Beelphegor ac Romanorum Priapum, ab eruditorum plerisque existimatur. *Istiusmodi Idololatria*, inquit Hieronymus, *erat in Israel, colentibus maxime feminis Beelphegor, idolum tentiginis, quem nos Priapum possumus appellare*. Hieron. in. Hoseam, c. vi. it. in c. ix. Oper. T. 3. p. 1261. vers. fin. Vid. it. Calm. Dictionar. in voce Baal-peor.

<sup>3</sup> Herodot. l. 2. p. 109. Ed. Lond.

Præpar. Evang. l. 1. Sect. 1. it. Plutar. de divitiar. cupiditat. p.

*certas quasdam stipes Deæ intulisse legimus, et retulisse Phallos, a fæcerdotibus sibi donatos, tanquam propitii numinis signa<sup>1</sup>.*

Hic idem Fascesi cultus e Græcia deinde Romanam transiit, ubi Phalli ingentis erectique species, e columna marmorea seu ligna exsculpta atque extans, qualis in sculpturis interdum antiquis cernitur, sub Priapi, Mutini, vel Fascesi nomine, divinos plane honores obtinuit. “ Mutini “ Tutini facellum, inquit Festus, fuit in Veliis “ adversus murum Mustellinum in angiportu, de “ quo aris sublatis balnearia sunt facta domus “ Cn. Domitii Calvini; cum mansisset ab urbe “ condita ad principatum Augusti Cæsaris invio- “ latum, et sancte cultum fuisset, ut manifestum “ est ex Pontificum libris. Nunc Ædiculam ha-

527. D. Hinc Phallophororum, qui Phallos scilicet istos in sacris Dionysiaca portabant; itemque Ithyphallorum nomina apud antiquos scriptores occurunt. [Diod. Sic. l. 3. p. 214.]

— Sed truncum forte dolatum  
*Arboris antique, numen venerare Ithyphalli,  
 Terribilis membra, medio qui semper in borto  
 Inguinibus puero, prædoni falce minatur.*

Columel. de Hortor. cult.

Suidas autem Musicorum genus quoddam nominibus illis denotari dicit, qui in Dionysii sacrâ carmina quædam Phallica, cum gesticulationibus mimicis cantare solebant. Vid. it. Athenæum. l. 24. c. 4. it. Cæl. Rhodig. l. 7. c. 16.

\* Arnob. com. Gent. l. 5.

“ bet

“ bet ad sextum et vicefimum, dextra via, juxta  
 “ diverticulum viæ; ubi et colitur, et mulieres  
 “ sacrificant in ea togis prætextis velatae<sup>1</sup>. ” Quid  
 autem in sacrificiis istis a mulieribus factum erat,  
 a sanctis, ut dixi, Patribus, in nefandos hosce ritus  
 invehentibus, discere licet. *Mutini immanibus pu-*  
*dendis*, inquit Arnobius, *horrentique Fascino, ves-*  
*tras inequitare matronas, et auspicabile ducitis et*  
*optatis<sup>2</sup>.* Laetantius item, *in sinu ejus pudendo*  
*nubentes præsidere*, ait, *ut illarum pudicitiam pri-*  
*or Deus delibaret<sup>3</sup>.* Augustinus quoque scribit,  
*novas nuptas super ejus immanissimum et turpissi-*  
*mum fascinum sedere jussas esse, more honestissi-*  
*mo ac religiosissimo matronarum<sup>4</sup>.* Theophilus de-  
 niique Alexandriæ Episcopus, in cultum hunc in-  
 sanum non verbis solummodo illudere contentus,  
 Phallos ipsos, ex Templorum veterum adytis ex-  
 tractos, per medium forum portari, ac gentium  
 mysteria ludibrio palam omnibus exponi jussit: sed  
 ingentem inde tumultum a Gentilibus excitatum,  
 nec sine magna Christianorum strage postea seda-  
 tum legimus<sup>5</sup>.

## Phalli

<sup>2</sup> Vid. in voce Mutinus.<sup>2</sup> Arnob. con. Gent. l. 4.<sup>3</sup> Divin. Institut. l. 1.<sup>4</sup> De Civit. Dei, l. 7. c. 24. it. l. 6. e. 9.<sup>5</sup> Sozomen. Hist. Eccles. l. 7. c. 15. Ingens Phallorum fictiliū  
numerus, et molis quidem horrendæ, in agro Etruriæ Clusino, A. D.

Phalli autem duplicitis species ista, quam in figurarum nostrarum altera cernimus, manusque singularem in modum complicata, ut rei obscenitatem ac turpitudinem illustriorem reddunt, ita amuleti quoque ipsius vim sine dubio augere putabantur. Caligula manum suam in eundem modum formatam, Cassio Chæreæ, ut Suetonius scribit, *ludibrii causa, osculandam offerre consuebat*: ob quam quidem contumeliam a Cassio postea occisus est<sup>1</sup>.

Quinetiam Fascinum, non infantium modo et muliercularum Deum, sed Imperatorum quoque custodem haberi, ac *sub curru etiam triumphantium*, ad invidiam pellendam, suspendi sole-re, ex Plinio discimus<sup>2</sup>. Consentaneum nempe antiquis illis visum est, ut idem ille Deus, cui generis humani propagandi munus tributum erat, ad noxia item quælibet ab eo arcenda paratissimus esset. Quod quidem illustrari quodammodo videtur a Symbolica quadam apud Causæum Priapi effigie, cui Galli Gallinacei caput crista ornatum, rostri vero loco, Fascinum ingens datur: cu-jusque in basi litteris Græcis inscriptum legitur

<sup>1</sup> 1726, a fossoribus quibusdam erutus est. Unde Templum ibi Priapi olim stetisse viri eruditæ conjiciunt. *Vid. Gor. Mus. Etrusc.* 144.

<sup>2</sup> In vit. Calig. c. 56.

<sup>2</sup> Hist. N. I. 28. 4.

## TABULA III.

71

**ΣΩΤΗΡ ΚΩΣΜΟΥ.** *Servator orbis.* Quæ omnia  
vir doctus ita interpretatur: “Gallum scilicet, a-  
“vem soli sacram esse; solemque generatricis  
“facultatis præsidem; pudendumque ideo virile  
“Gallinaceo capiti adjunctum denotare, quod a  
“conjunctionis solis Priapique viribus, animalium ge-  
“nus omne procreat et conservatum sit, se-  
“cundum physicum quoddam Aristotelis axio-  
“ma, *Homo hominem generat et Sol*.<sup>1</sup>”

In marmore antiquo apud Boissardum, insigne  
quoddam Priapi sacrificium, egregio opere ex-  
sculptum, atque a mulieribus celebratum cerni-  
mus: quarum aliæ asinum mactant, paterisque  
fanguinem ejus excipiunt. Sacerdos vero pudend-  
um Dei floribus ornare, atque unguento aliquo  
seu aqua e vasculo quodam perfundere videtur.  
Aliæ florum pomorumque calathos, aliæ vascula  
sacrificialia capitibus ferre: aliæ tibias inflare; ac

<sup>1</sup> Caus. Muse. Romam. p. 125. Aliam item, nec absimilem sane:  
Priapi ex ære effigiem Begerus protulit, quæ Galli cristam capiti im-  
positam, fascinumque tantæ longitudinis præfert, quantæ mulieres, uti su-  
pra dictum est, inequitare facile poterant. Tertiamque simul e mar-  
more adjungit, cuius in basi litteris pariter Græcis inscribitur.

ΤΩ ΤΗΣ  
ΓΕΝΕΣΕΩΣ  
ΠΟΙΜΕΝΙ

Vid. Thes. Brandeb. Vol. 3. p. 261, 266. it. Montfauc. Vol. I. part.  
2. l. 1. p. 28.

cym-

cymbala quædam manibus sublatis quatere ; omnes vero, Bacchantium ritu, trepidare, oculosque et manus ad Dei simulachrum certatim tendere videntur<sup>1</sup>.

Sed ut argumentum tandem hoc turpiculum dimittamus : ex nefando isto Mutini cultu, quem usque ab urbe condita Romæ obtinuisse legimus, verisimile videtur, Romulum ipsum, qui urbis suæ opes atque incrementa, ab hominum multitudine, civiumque numero pendere sciret, non sine consilio quodam civili ac politico sacrum tam obscoenum vel instituisse, vel aliunde exceptum adoptasse ; ut cives scilicet sui, ex orgiis istis Priapeis, furore quasi fanatico correpti, et religionis pariter ac libidinis stimulis accensi, ad sobolem procreandam fortius validiusque incitarentur.

## Sect. IV.

**A**D duas istas Fascini figuras, anulum quendam singularem, quem ad amuletorum omnino classem referendum censeo, adjungere libuit ; in parte cuius superna, quæ e medio prominet, itemque in utroque orbiculi latere, hæ voces litteris Græcis inscriptæ sunt.

Boissard. Vol. I. par. 2. it. Montfauc. ibid.

## TABULA III.

73

САВАω	
ΡΕΙCTΕ	
ADO	
NAIAΛω	CICINГEVII
AI	ΑΝΦΑΡΑΝГH
ΜΕIXAH	NEICOVX
P BIBA	
ЛН	

Ex vocibus hisce coniunctis etiamsi nullus plane sensus elici queat, inscriptionis tamen formula, anulum nostrum ex amuletorum eorum numero esse ostendit, quæ in ipsis Ecclesiæ Christi primordiis, a Basilide, Heretico Ægyptio, ejusque sectatoribus fingi ac venditari solita accepimus. Qui quidem Heretici, ut apud Iræneum est, utebantur magia, et incantationibus, et universa periergia; et CCCLXV ementitorum cælorum nomina et principia, et angelos et virtutes exponere conabantur<sup>1</sup>. Hæc autem angelorum ac potestatum nomina, una cum vocibus quibusdam barbaris atque incognitis, in gemmis aut lamellis æneis insculpere, et tanquam amuleta gestare solebant: quorum permulta in eruditorum adhuc armariis conservata sunt; quæ Abraxas vulgo vocantur;

<sup>1</sup> Advers. Heret. l. 1. c. 23.

K

codem

eodem videlicet nomine, quo Heretici isti summum Deum invocasse feruntur<sup>1</sup>.

Sed inter alia vocabula, in gemmis his Abraxeis insculpta, Dei nomina Hebræa, e scripturis sacris desumpta, semper fere reperiuntur, qualia nimirum in hoc item anulo ea clare satis expressa cernimus, in vocibus CABAω, ADONAI, ΑΙΛωΑΙ. Ex angelis autem, Michaelis præcipue nomen, qui eximum quendam cultum apud eos obtinuisse fertur, in amuletis hisce observare licet<sup>2</sup>, cuius quidem vestigia hic quoque perspicua sunt, in

<sup>1</sup> Vid. Gemm. Antich. Da Rossi. Vol. 2. Fig. 22, 23. it. Cabinet. de S. Genev. p. 124. it. Montfauc. Antiqu. Vol. 2. par. 2. l. 3. it. Gorlæi Dactylioth. Gemm. 324. &c. in Gemmis autem hisce Basilidianis, quæ hodie restant, Dei nomen Græcis litteris, non ABRAXAS sed ABRA-SAX, plerumque scriptum reperitur—

Hereticorum horum doctrina his verbis a Tertulliano summatim traditur.  
 “ Basiliades summum Deum, Abraxam, vocat, a quo mentem creatam,  
 “ quam Græci, NOVN, appellant; inde verbum; ex illo providentiam;  
 “ ex providentia, virtutem et sapientiam; ex ipsis, principatus, et po-  
 “ testates, et angelos factos; deinde infinitas angelorum editiones et  
 “ probolas; ab ipsis angelis, trecentos sexaginta quinque cœlos institu-  
 “ tos, et mundum in honore Abraxæ; cuius nomen hunc in se habeat  
 “ numerum computatum.” [De Praescript. Heret. p. 250. Edit. Ri-  
 galt.] Numeri vero hujus supputandi rationem Augustinus indicat.  
 In nomine Abraxas, inquit, sunt septem litteræ, α, β, γ, α, ξ, α, σ, id est, secundum Græcam supputationem, unum et duo, et centum et  
 unum et sexaginta, et unum, et bis centum. Quæ fiunt in summa, ter  
 centum sexaginta quinque. [De Heresib. in Basilianis.]

<sup>2</sup> Vid. Montfauc. Vol. 2. par. 2. l. 3. it. Gorl. Dactyl. 343, 353. it. Jo. Chifflet. Abrax. Tab. 4, 6, 21.

MΕΙΧΑΗ. Ubi sculptor, pro ultima littera Λ, litteram P, vel oscitanter, vel consulto forsitan posuisse videtur<sup>1</sup>.

Hæc, inquam, vocabula, apud Hereticos istos usitatissima, anulum nostrum ex eorum disciplina prodiisse ostendunt: neque illud nos movere debet, quod reliqua prorsus barbara nec omnino intelligibilia sint; quippe hoc quoque cum eorundem confuetudine penitus convenire acceperimus. Etenim Sanctus Hieronymus, nomina ab eis usurpata enumerans, *portenta ea magis, quam nomina vocat*; *quæ ad imperitorum et muliercularum animos concitandos*, eos invenisse dicit, *simplices quosque terrentes sono, ut quod non intelligunt, plus mirentur*<sup>2</sup>. Has easdem voces Porphyrius, *barbaricas et nihil significantes*<sup>3</sup>; Apu-

<sup>1</sup> Hi enim Heretici, quo præstigias suas tenebris melius involverent, voces non modo barbaras, atque incognitas, in amuletis suis miscere, sed cognitas etiam ac usitatas corrumpere solebant. Quod in hac ipsa voce MEICHAEL, item ac in aliis nonnullis eos revera fecisse, vir eruditissimus J. Chiffletius ostendit. [Abrax. Prot. p. 43.] Atque eodem modo vox, ΡΕΙCTE, nonnisi ad CHRISTI nomen referendum videtur, omissa tamen prima littera X, nam diphthongum EI pro vocali, I, in antiquis marmoribus, numismatibus, ac codicibus MSS. sæpiissime usurpatum est; uti hic in voce MEIXAHL, et alibi in ipso item CHRISTI nomine animadverti.

<sup>2</sup> Oper. Vol. 4. par. 2. p. 581. Edit. Benedict.

<sup>3</sup> Apud Euseb. Præp. Evan. l. 4.

leius, litteras ignorabiles appellat<sup>1</sup>. Quas ob eam omnino causam finxisse dicuntur, ut superstitionem suam melius et magica deliria tegerent, ac majorem inde venerationem sibi conciliarent: in ore nimirum habere soliti, *hæc arcana esse, neque a multis sciri posse; sed ab uno tantum e mille, et duobus e myriadibus*<sup>2</sup>; atque hominibus licet ignota, *Deo tamen cognita esse; et mysticam quandam rationem continere*<sup>3</sup>.

Hæc Basilidis figmenta ex Ægypto Romam migrasse constat. Nam in gemmis hisce Basilidi-anis, Romanorum interdum Deorum figuræ ex una parte, et vocabula ista abraxeæ ex altera; atque in nonnullis, Deorum simul Latinorum Ægyptiorumque symbola commixta cernimus<sup>4</sup>: ad quod Prudentius fane alludere videtur,

*Isis enim et Serapis et grandi simia cauda,  
Et Crocodilus, id est, quod Juno, Laverna, Priapus.  
Hos tu Nile Deos colis, et tu Tybris adoras*<sup>5</sup>.

De Basilide autem ita Sanctus Hieronymus,

<sup>1</sup> Metamorph. l. 2.

<sup>2</sup> Iren. Adv. Heres. l. 1. c. 23. it. Epiphan. Heres. 24. §. 5. it. Theodor. Heret. Fab. l. 1. c. 4.

<sup>3</sup> Vid. Jamblich. de Myster. §. 7. c. 4.

<sup>4</sup> Vid. J. Chifflet. Abrax. Prot. Tab. 21, &c.

<sup>5</sup> Contr. Symmach. l. 2. v. 868. *grandi Simia cauda*, Hereticorum eorum Deum, *Abraxam*, denotare putatur, quem sub ea forma in gemmis suis describere solebant. *Vid. Chifflet. Tab. 14.*

“ Qua-

“ Quadragesti, inquit, ferē anni sunt, quod Christi  
“ prædicatio fulget in mundo, ex quo innume-  
“ rabiles Heresēs tunicam illius considerunt. U-  
“ niversus pāne error de Chaldæo et Syro et  
“ Græco sermone processerat. Basilius magister  
“ luxuriæ et turpisimorum amplexum, post tot  
“ annos ita in Jovinianum, quasi in Euphorbum  
“ transformatus est, ut latina quoque lingua ha-  
“ beret heresim suam”.

Hac autem Basiliidis ætate, magicas hasce va-  
nitates non Romæ tantum, sed apud omnes fere  
gentes summo in honore fuisse legimus. De quo  
præclarum sane Plinii testimonium huc adducere  
libet. “ Hæc, inquit, fraudulentissima artium,  
“ plurimum in toto terrarum orbe, plurimisque  
“ seculis valuit. Auctoritatem ei maximam fu-  
“ isse nemo miretur, quandoquidem sola artium  
“ tres alias imperiosissimas humanæ mentis in-  
“ unam se redigit: natam primum e medicina  
“ nemo dubitat; ac specie salutari irrepsisse, ve-  
“ lut altiorem sanctioremque medicinam: ita  
“ blandissimis, desideratissimisque promissis addi-  
“ diffe vires religionis, ad quas maxime etiam-  
“ num caligat humanum genus: atque ut hoc  
“ quoque suggererit, miscuisse artes mathemati-

Advers. Jovinian. l. 2. Oper. Vol. 4. par. 2. p. 227.

“ cas ; nullo non avido futura de fese sciendi,  
 “ atque ea e cœlo verissime peti credente. Ita  
 “ possessis hominum sensibus triplici vinculo, in  
 “ tantum fastigii adolevit, ut hodieque etiam in  
 “ magna parte gentium prævaleat, et in oriente  
 “ Regum Regibus imperet<sup>1</sup>.

At vero de anulis hisce magicis, qui morbos, Dæmones, et noxia quælibet avertere credebantur, crebram ab antiquis mentionem factam inventimus. Apud Aristophanem, Sycophanti cuidam judicium minitanti, Justus respondit, *Ego te non flocci facio, nam gesto hunc anulum, ab Eudamo drachma emptum.* Ubi Scholia festes, Eudamum istum, *Pharmacoplam, vel aurificem esse ait, qui anulos physicos vendebat, contra Dæmones, serpentes, invidiam, atque alia ejusmodi noxia*<sup>2</sup>. De iisdem anulis, Antiphanis item, Comici veteris, versus quosdam in hunc sensum ab Athenæo citatos legimus ; *mali jam nihil habeo, et ne habeam precor : at si quid ventrem mihi aut umbilicum cruciet, anulum teneo, drachma emptum a Phertato*<sup>3</sup>.

<sup>1</sup> Hist. Nat. l. 30. c. 1.

<sup>2</sup> Οὐδὲν προτιμῶ σε, Φορῶ γὰρ πριάμεν.

Τὸν δακτύλιον τονδὲ πᾶρ, Ἐυδάμης δραχμῆς.

In Plut. 884.

<sup>3</sup> Οὐ γὰρ κακὸν ἔχω, μηδὲ ἔχοιμ. εἰὰν δὲ ἄρα  
Στρέφη με περὶ τὴν γαστέρα, ή τὸν ὥμφαλον,  
Παρὰ Φερτάτε δακτύλιον ἐσ, μοι δραχμῆς.

l. 3. c. 35.

Jo-

Josephus, multos a Dæmonibus correptos, ab Eleasaro quodam Judæo, coram Vespasiano Imperatore, sanatos se vidisse scribit; admoto nimis Dæmoniaci naribus *anulo quodam medicato*, et Solomonis nomine, carminibusque nonnullis ab Eleasaro recitatis, *Dæmones illico per nares hominum extractos esse*, declarat<sup>1</sup>. In has autem hominum vafrorum præstigias, fictasque anulorum vires, Lucianus more suo illudens, *velim modo*, ait, *Mercurius mihi det anulos, qui hujusmodi vim habeant, primum, ut semper valeam et corpore sano sim, neque vulneribus, neque malo ulli obnoxius, &c<sup>2</sup>*. Atque alio loco, de *Dæmoniacis, a Syro quodam e Palæstina* palam sanatis, loquens, se talia millies conspexisse dicit, neque visu eo terri, postquam *Arabs anulum sibi dedisset, ex ferro de cruce factum, carmenque docuisse, ex multis nominibus constans*<sup>3</sup>.

Anulus autem noster, non ille quidem de ferreis, aut vulgaribus istis drachma emptis, sed ex gemma integra, seu lapide Chalcedonio, cæruleo et pellucido, effectus est. Qui mole licet prægrandis, at præ circuli tamen exiguate, non-

<sup>1</sup> Antiquitat. I. 8. c. 2.

<sup>2</sup> In Navig. seu Votis. p. 511. Edit. Var. T. 2.

<sup>3</sup> Id in Philopseud. p. 338.

nisi a puerulo aut muliercula gestari posset. Et enim Romanos, ea magnitudine anulos, qui vel pondere ipso molesti essent, gestare solitos cognovimus: jam nonnulli, inquit Plinius, *pondera eorum ostentant*<sup>1</sup>. Atque hinc anulos æstivos hibernosque eos habuisse, pro temporum scilicet diversitate, diversæ molis ac ponderis, a Juvenale indicari videtur.

*Ventilet æstivum digitis sudantibus aurum,  
Nec sufferre queat majoris pondera gemmæ<sup>2</sup>.*

Singulis hisce gemmis virtutes quasdam physicas et proprias ab antiquis tributas legimus; quæ ad morbos pellendos, corporisque aut animi vires augendas valere putabantur. Jaspis viridis, e collo suspensa, *stomachum firmare, ac calculos urinamque propellere traditur*<sup>3</sup>. Adamas autem,

<sup>1</sup> Hist. N. l. 33. i. Huc etiam spectat Martialis istud, de Dactylotheaca Epig. l. 14. 123.

*Sæpe gravis digitis elabitur anulus unctis;  
Tuta mea fiet sed tua gemma fide.*

<sup>2</sup> Juven. Sat. l. 28. Sunt tamen qui anulos hosce æstivos, non ex ponderis sed materiae differentia explicandos esse putant. Quippe qui ex istiusmodi gemmis effecti essent, de quibus Plinius loquitur, Heliotropiis nempe, Asteriis, Mitharibus aut Iridibus; quæ æstate potissimum nitescere, viresque suas ostentare, et cum soli opponerentur, magna colorum varetate admirationem sui excitare solerent. Vid. J. Kirchman. de anulis c. 17. it. Plin. Hist. N. l. 37. ix, x.

<sup>3</sup> Vid. Anselm de Boot. Gemmar. Hist. l. 2. c. 102.

*venena irrita reddere, metusque vanos depellere*<sup>1</sup>.  
Chalcedonium vero, Marbodæus, Poeta vetus,  
ita describit.

*Chalcedon lapis est hebeti pallore refulgens,  
Inter Hyacinthum medioximus atque Beryllum,  
Qui, si pertusus, digito colloqe feratur,  
Is, qui portat eum, perhibetur vincere causas*<sup>2</sup>

Has denique gemmas, vel in anulis aureis inseratas, vel ipsas interdum, perinde ac Chalcedonium nostrum, perforatas, atque in anulorum formam conversas, et Græci et Romani, more quodam ab Ægypto deducto, in sinistræ manus digito, qui minimo proximus est, gestare solebant. Quippe ab Ægyptiis, uti Gellius scribit, “com-  
“pertum erat, nervum quendam tenuissimum ab  
“eo uno digito ad cor hominis pervenire; ac prop-  
“terea non inscitum visum esse, eum potissimum  
“digitum tali honore decorandum, qui continens et  
“quasi connexus esset cum cordis principatu”<sup>3</sup>.

Atqui hæc rei explicandæ ratio, certissimis me-  
dicorum experimentis, vana prorsus ac futilis esse  
convincitur. Aliam vero, ac magis eam quidem

<sup>1</sup> Plin. ib. c. 4.

<sup>2</sup> Vid. Marbod. de Gemmis Poema ad Gorlæi Dactylioth. a Jac.  
Gronov. adjunctum. Lugd. B. 1695.

verisimilem, ab Ateio Capitone traditam, Macrobius commemorat. "Veteres, inquit, non or-  
" natus sed signandi causa anulum secum circumfe-  
" rebant---imprimebatur autem sculptura mate-  
" riæ anuli, sive ex ferro sive ex auro foret: et  
" gestabatur ut quisque vellet, quacunque manu,  
" quolibet digito. Postea usus luxuriantis æta-  
" tis signaturas pretiosis gemmis cœpit insculpere:  
" et certatim hæc omnes imitatio laceffivit, ut de  
" augmento pretii, quo sculpendos lapides para-  
" sent, gloriarentur. Hinc factum est, ut usus  
" anulorum exemptus dextræ, quæ multum ne-  
" gotiorum gerit, in lævam relegaretur, quæ o-  
" tiosior est; ne crebro motu et officio manus dex-  
" træ, pretiosi lapides frangerentur. Electus  
" autem in ipsa læva manu, digitus minimo proxi-  
" mus, quasi aptior ceteris, cui commendaretur  
" anuli pretiositas. Nam----et minus officii ge-  
" rit, et ideo servando anulo magis accommoda-  
" tus est."

<sup>2</sup> Macrob. Sat. l. 7. c. 13.

T A-

## T A B U L A IV.

**H**ÆC Olla Vitrea, forma sane eleganti, in urna marmorea inclusa, ossiumque combustorum reliquiis plena, reperta est. Quippe vascula hujusmodi omnia, quibus defunctorum cineres aut ossa condita erant, in inscriptionibus antiquis Ollæ vocantur; addito tamen interdum epitheto, Ossuariæ, vel Cinerariae<sup>1</sup>. Harum pars maxima fictilis, permultæ vero e marmoribus pretiosis, sculptili opere ornatis, et nonnullæ ex alabastro etiam orientali formatæ erant: de vitreis autem, nulla, opinor, a scriptoribus antiquis mentio facta est: quas tamen, non tam ob pretium, quam fragilitatem, rarissimas fuisse credendum est; apud populum præfertim, quem, in sepulchrorum apparatu, posteritatis memoriam, et nominis quasi perpetuitatem, omnium gentium maxime spectasse cognovimus.

At præter Ollam nostram, alias duas, tresve ad summum, e vitro pariter conflatas, a rerum antiquarum peritis descriptas, atque in lucem edi-

<sup>1</sup> Vid. Gruter. Inscript. De Ollis. it. Monument. Libertor. Liviæ Augustæ a Gorio Edit. Florent. 1727. Fol.

tas animadvertisi<sup>1</sup>: quarum una, pari fere forma ac magnitudine, atque in urna etiam fictili inclusa, in monumento Libertorum Liviae Augustæ, Romæ haud dudum reperta fuit; cuius quidem figuram, vir eruditus, Franc. Gorius, in monumenti istius descriptione, delineatam edidit<sup>2</sup>: sed nullam prorsus, perinde ac nostram, pictis hominum imaginibus, coloribusque aureis ornatam, vel ipse unquam vidi, vel ab alio quovis visam esse, audivi.

<sup>1</sup> Vid. Beger. Thesaur. Brandeb. Tom. 3. p. 470.

<sup>2</sup> Vitreum Vasculum, Dioton, sive cum duabus ansis, operculo munatum exhibemus: quod sane perelegans est, altitudine unius palmi Romani, quod in fictili olla inclusum erat. Vid. Gorium ibid. Tab. 17. p. 49.



## T A B U L A V.

**I**N fundo Ollæ nostræ, mortui imago aureis coloribus picta est, qui, quatenus ex vultu ejus, ossiumque reliquiis intra ollam repertis atque adhuc conservatis, conjicere liceat, haud annum ætatis vicesimum attigisset. Imago vero ipsa fronde pampinea, foliis racemisque florente, tanquam circulo, circumducta est: quo quidem ornatu Urnas veterum sepulchrales sæpe decoratas videmus; atque eo fere modo, quo in Sarcophagis interdum marmoreis, mortuorum imagines sculptili opere fictas, atque orbiculari tabella inclusas reperimus<sup>1</sup>.

## S E C T. II.

**I**N ambitu Ollæ, figuræ istiusmodi pinguntur, quæ ad sepulchrorum ritus, mortuorumque statum pertinere credebantur. Duæ imprimis Cupressi, arbor Diti sacra; atque ad mortuorum domos, ut Plinius ait, *funebri signo posita*<sup>2</sup>. De quo ritu Festus, quia *haec arbor*, inquit, *excisa non re-*

<sup>1</sup> Vid. Monument. Libert. Liv. Aug. Tab. 8, 9, 10, 13. &c.

<sup>2</sup> Hist. N. l. 16. 33.

naſcitur.

*nascitur, in tutela Ditis patris esse putabatur<sup>1</sup>.* Servius eam ad mortuorum januas idcirco positam dicit, *ne quis imprudens funestam domum rem divinam facturus introiret<sup>2</sup>.* Atque hinc in Urnis, Lucernisque sepulchralibus, Cupressi saepe figuram, ex utroque vasculi latere, eodem modo atque ad mortuorum fores poni consuerat, positam videmus<sup>3</sup>: Neque tamen ad omnium, sed ad divitum præcipue domos collocari solere, ex Claudiani loco quodam significari videtur.

*Et non plebeios luctus testata Cupressus<sup>4</sup>.*

Hæ vero Cupressi cum ad mortuorum fores dies aliquot<sup>5</sup> mansissent, in pompa demum funebri portatae, atque una cum mortui cadavere in rogum conjectæ erant; propter gravem ut Varro scribit, *Ustrinæ odorem, ne eo offendatur populi circumstantis corona<sup>6</sup>.* Hinc illud Horatii,

<sup>1</sup> In voce Cupressus.

<sup>2</sup> Ad Æneid. 4. v. 506.

<sup>3</sup> Vid. Boissard. Tom. 6. p. 62. it. Lucern. Antich. Da Pet. Sant. Bartoli Fig. xi. 13. it. in hac nostra collectione Tab. 8. Fig. 3.

<sup>4</sup> 1. 3. v. 442.

<sup>5</sup> Mortuus, ut Servius ait, *domi erat septem diebus, octavo incendebatur, nono sepeliebatur.* Ad Æneid. 6. v. 152.

<sup>6</sup> Varro, a Servio citatus ad Æneid. 6. v. 216.

*Linquenda tellus et domus et placens  
Uxor: neque harum, quas colis arborum  
Te praeter invisas Cupressos  
Ulla brevem Dominum sequetur<sup>1</sup>.*

## S E C T III.

**I**NTER Cupressos istas, ex una vasculi parte, duas figuræ alatas, alteram Cupidinis, alteram opinor Psyches, depictas cernimus. Quas quidem easdem, diverso licet gestu ac positura, in Sarco-phagis, Ollisque antiquorum marmoreis persæpe insculptas observavi<sup>2</sup>. Psyche, persona prorsus symbolica est, et Papilionis semper alis instructa; qua quidem, perinde ac Papilione ipso, veteres animam humanam a corpore sejunctam, denotare solitos accepimus. Nihil enim ad naturam ejus immortalem exprimendam aptius esse ducebant, quam animal istud aerium ac volatile, quod per varias formas ad vitam usque novam morien-

<sup>1</sup> Od. l. 2. 14. Hinc Cupressus nunquam fere sine epitheto quodam funesto a Poetis memoratur; atque *atra*, *feralis*, *funerea*, *invisa*, *deplorata*, appellatur.

<sup>2</sup> Vid. Spon. Miscell. p. 7, 8. Admirand. Rom. Antiqu. 66, 67. it. Montfauc. Antiq. Vol. I. l. 3. c. 25.

do transire animadvertisserent<sup>1</sup>. Psyches igitur figuram, in Olla nostra expressam, non nisi defuncti animam e corpore evolantem, ac cum Cupidine sive amore, quasi summo suo bono, sese conjungere nitentem, denotare puto<sup>2</sup>.

Cupido vero ad aram quandam astare, et thure odoribusque Deos Manes placare videtur. Quippe aras ad mortuorum sepulchra exstrui solitas esse, ex innumeris fere Auctorum Inscriptionumque veterum testimoniis colligere licet<sup>3</sup>.

<sup>1</sup> Vox græca  $\Psi\chi\eta$ , Psyche, et animam humanam et papilionem simul significabat. [Vid. Aristot. Hist. Anim. l. 5. c. 19. et Hesych. in voce] quæ quidem ambigua vocis hujus significatio, causa fortasse fuit, quamobrem animalculum istud pro animæ deinceps symbolo sumptum esset.

<sup>2</sup> Hæc rei interpretatio a Platone confirmari videtur; qui animis puris et perfectis alas tribuit, quibus ad cœlestia semper vehuntur; quum alæ vero iste defluxerint, tum ad terrena præcipites ferri ait. [Oper. T. 3. p. 246 in Phædro.] Dein alio loco scribit, animum quum corporis et sensuum ministerio ad aliquid contemplandum utitur, tum trahi a corpore ad ea, quæ nunquam in eodem statu permanent; atque ipsum errare et tumultuari et tanquam ebrium vertigine corripi: quum vero a corpore sejunctus, per seipsum contemplatur, tum ad purum iftud immortale, quod semper existit et in eodem statu permanet, contendit, et tanquam ei cognatus cum illo semper versatur. [in Phædon. T. 1. p. 79. Atque hæc animi tumultuantis atque ebrii imago, in Inscriptione quadam sepulchrali expressa esse videtur, in qua M. Porcius Hæredibus mandat—ut meus Ebrius Papilio Volitet &c. Vid. Observaz. Sopr. Alcun. Framment. di Vetro. a Phil. Buonarott. p. 197.

<sup>3</sup> Vid. Card. Norr. Cenotaph. Pisan. Dissert. 3. p. 608. Gruter. Inscript. p. 527. 4. 528. 1. 549. 1. &c..

*Divinique ossa Parentis  
Condidimus terra, mæstasque sacravimus aras<sup>1</sup>.  
Ante sepulchrales infelix astitit aras<sup>2</sup>.*

In his autem aris, *thus atque odores Diis Manibus* plerumque incendere solebant: ad quem quidem morem Plinius alludens, *Arabia*, inquit, *felix appellatur, falsa et ingrata cognominis, quæ hoc acceptum superis ferat, cum plus ex eo Inferis debeat*<sup>3</sup>.

## S E C T. IV.

**E**X adversa Ollæ parte, inter easdem Cupressos, tres hominum figuræ pictæ sunt, quæ pompæ funebris speciem quandam exhibere videntur. Mimus chorum dicit, qui Cupressum item manibus sublatis ad rogum ferre, ac ridiculo quodam gestu saltare videtur. Etenim Mimorum Ludionumque genus omne ad nobilium divitumque funera adhibitum esse legimus. In funere Vespasiani, *Archimimum quendam, personam Imperatoris egisse*, atque ut mos erat, *facta et dic-*

<sup>1</sup> Virg. Æneid. 5. 47.

<sup>2</sup> Ovid. Met. 8. 480.

<sup>3</sup> Hist. N. l. 12. 18.

*ta vivi, gestu ac voce imitatam esse, a Suetonio traditur<sup>1</sup>.*

Mimum sequitur mulier, lancem seu ferculum, thure forsitan aromatibusque plenum, ferens. Magnam enim odorum omnium copiam, ab amicis et propinquis collatam, in lancibus ferri, atque in rogum conjici solere notissimum est.

---- *Congesta cremantur  
Thurea dona, dapes<sup>2</sup>----*

quem quidem luxum Propertius a funere suo prohibet,

*Desit odoriferis ordo mihi lancibus<sup>3</sup>----*

“ In funere J. Cæsar, præferentibus munera,  
“ inquit Suetonius, præscriptum erat, ut omisso  
“ ordine, quibus quisque vellet itineribus urbis,  
“ in campum portaret<sup>4</sup>.

<sup>1</sup> In Vespaf. c. 19.

<sup>2</sup> Virg. Æn. 6. 224.

<sup>3</sup> L. 2. 14. de hoc ritu item Statius,

*Quis carmine digno  
Exequias et dona malæ feralia pompæ  
Perlegat? omne illic stipatum examine longo  
Ver Arabum, Cilicumque fluit, floresque Sabæi  
Indorumque arsura seges, præreptaque Templis  
Thura:*

<sup>4</sup> In J. Cæs. c. 84.

Sed

## T A B U L A V.

91

Sed cœnam quoque feralem, in pompa funebri portari solitam constat.

- - - - *Exigua feralis cœna patella<sup>1</sup>.*

Hanc cœnam, silicernium vocabant, et funere peracto, ad sepulchrum celebrare solebant<sup>2</sup>. Horum igitur rituum, unum alterumve, vel cœnam scilicet vel odores lance ferendi, ab hac muliebri figura indicatum puto.

Alia figura restat, facie, ut videmus, aversa, quasi ignem pyræ subditura; quod capite semper averso, tanquam ab invitis fieri dicitur.

- - - - *Subiectam more parentum*

*Aversi tenuere facem<sup>3</sup>.*

Sed quid homo ipse in manibus teneat, quidve omnino agat, ob colores ibi paullulum detritos,

<sup>1</sup> Juven. Sat. 5. 85. de hoc etiam ritu Persius,

*Sed cœnam funeris Hæres*

*Negliget iratus, quod rem curtaveris; urnæ*

*Offa inodora dabit,* —————— S. 6. 35.

Vasculum item, quo cœna ferebatur, Plinius, *ferculum funeris*, vocat. Hist. N. x. x.

<sup>2</sup> Funus exequiati laute, ad sepulchrum, antiquo more, Silicernium confecimus, id est περιδειπνον, in quo pransi discedentes dicimūs, alias alii Vale—[Var. Fragm. e Meleagro, a Nonio citat.] Sequebantur epulæ, inquit Cicero, quas inibant propinqui coronati. De Legib. 2. 25.

<sup>3</sup> Virg. Æn. 6. 223.

haud satis perspicuum est. Ex gestu sane, tibicinem eum potius esse conjicerem; nam et tibiam et tubam ad funera adhibitam esse liquet: tibia vero puerorum, tuba majorum natu et nobiliorum præsertim exequiis propria fuisse videtur.

*Tibia cui teneros suetum producere manes*

*Lege Phrygum mæsta<sup>1</sup>—*

*Nec mea tunc longa spatietur imagine pompa,*

*Nec Tuba sit fati vana querela mei<sup>2</sup>.*

At vero Ollam nostram ossium combustorum reliquiis plenam esse dixi: quippe, rogo extinto, Offa mortui a matre præsertim aut propinquis, lugubri veste indutis, legi atque in Olla condi solebant.

<sup>1</sup> Stat. Theb. 6. 120. it. Ov. Fast. 6. 657.

<sup>2</sup> Propert. 2. 13. Qui tubis tibiisve ad funera caneabant, τύμ-βαντες græce, fiticines latine dicebantur. Quippe qui apud fitos, hoc est, vita functos caneabant: quos propriam quandam tubæ speciem, ceteris longiorem ac latiorem habuissent, ex Gellio discimus. [Noct. Att. lib. 20. c. 2. Vid. Hieron. Mag. Miscell. 1. 1. 1. it. Kirchman de Funerib. l. 2. 5.] Hæc nobilium funera quia a Præcone indici publice solebant, indictiva vocabantur. [Vid. Cic. de Legib. 2. 24.] inductionis autem istius formulam, apud Gutherium de Jure Manium videre licet. l. 1. c. 19.

*Abstineas mors atra precor: non hic mihi mater,  
Quæ legat in mœstos offa perusta sinus<sup>1</sup>.*

Hinc Seneca ad Helviam, modo in eundem sinum, inquit, ex quo tres nepotes emiseras, offa trium nepotum recepisti<sup>2</sup>.

Figuras denique hæcse pingendi modum quod attinet, non arte illæ quidem encaustica, neque ea sane diligentia absolutæ sunt, qua mulieris ac pueruli imagines, supra descriptæ; sed in ipsa tantum vitri superficie, coloribus aureis penicillo leviter ductis, formatæ apparent.

<sup>3</sup> Tibull. Eleg. I. 1. 3. v. 5. de eodem ritu Virgilius,

*Postquam collapsi cineres et flamma quievit,  
Reliquias vino, et bibulam lavere favillam,  
Offaque lecta cado texit Chorinæus abeno.* Æn. 6. 226.

Ritus ipse Offilegium dicebatur, a Græcis item Οστεολογία. Diod. Sic. l.  
4. p. 243. Ed. Han.

<sup>4</sup> De Consolat. ad Helv. c. 2.



T A.

## T A B U L A VI.

**V**ascula jam quatuor lacrymatoria, ut vulgo dicuntur, hic descripta videmus: duo videlicet vitrea, et duo item fictilia; quæ hac plerumque forma in Romanorum veterum sepulchris, juxta Ollas ossuarias posita reperiuntur. Etenim in pompis funebris mulieres quædam, quæ Præficæ vocabantur, quæque lacrymas pro libitu fundendi artem quandam usu didicerant, ad mortuos deflendos pretio conductæ erant. *Præficæ, inquit Festus, ad lamentandum mortuum conductæ, dant ceteris modum plangendi, quasi in hoc ipsum prefectæ<sup>1</sup>.*

Præficarum igitur harum, item ac propinquorum lacrymis colligendis, atque in sepulchro condendis, hæc vascula parata esse creduntur. Quæ quidem opinio, primum ex Præficarum munere confirmari putatur; deinde ex vasculo-rum horum forma, ore videlicet patulo, lachry-

<sup>1</sup> Quod Præficæ vero nomen in desuetudinem abiisset, a Varrone indicari videtur. Hæc mulier, inquit ille, vocitata olim Præfica, usque ad secundum Punicum bellum. [Fragment. de Vit. Pop. Rom. l. 3.] attamen mos ipse mansit, ut ab Horatio discimus,

*Ut qui conducti plorant in funere, dicunt,  
Et faciunt prope plura dolentibus ex animo, sic— Art. Poet. 431.  
mis*

mis excipiendis apto; colloque oblongo, quo manu commodius teneantur; tum ex urnarum sepulchralium operculis, quorum pars media in cyathi saepe formam excavata, foraminibusque distincta est, ut lacrymæ istæ in suppositos mortuorum cineres defluere facile possent; denique ex verborum formula, in tumulorum saepe inscriptionibus usurpata, *lacrymas ponere, cum lacrymis ponere, et tumulum lacrymis plenum dare*<sup>2</sup>. Atque has potissimum ob causas, omnes rerum antiquarum interpretes, hujusmodi vascula, uno prorsus ore lacrymatoria, seu ad lacrymas, appellant.

Hæc vero hominum doctissimorum sententia, speciosa licet et probabilis, mihi tamen nullo modo vera esse videtur. Evidem mulieres in funeribus veterum ad plorandum adhibitas lubens agnosco: at vero de lacrymis in phialas fundendis, atque in tumulum condendis, ne verbum quidem a veteribus traditum; neque de vasculis ipsis, aut lacrymas colligendi consuetudine, mentionem omnino ullam factam, reperio: neque in pomparum funebrium descriptionibus, ubi

<sup>2</sup> Fabrett. Inscript. p. 63. Beger. Thesaur. Brand. Tom. 3. p. 464. Causeus. Mus. Rom. p. 108. Monument. Libertor. Liviæ Aug. p. 48. &c.

plorantium imagines exsculptæ interdum cernuntur, ullum istiusmodi vasculum in mulierum usquam manibus visum memini<sup>1</sup>.

Præterea, in Christianorum priscorum sepulchris, hæc eadem vascula, et vitrea et fictilia, reperta esse constat: quorum figuræ haud paucas Aringhus in lucem edidit; eaque non lacrymis condendis, apud primævos istos, quibus mori lucrum credebatur, sed aquæ lustralis aspersioni parata esse, declarat<sup>2</sup>. Quippe in priscorum Christianorum funeribus, neque Præficarum munus, neque vanam eam luctus ostentationem adhibitam esse, verisimile est, sed dolorem solummodo talem, qualem natura exigit; quem ratio simul et religio coercent, quemque vitæ futuræ

<sup>1</sup> Vasculum ejusdem fere generis ac formæ, atque unicum quidem, quod in Romæ veteris monumentis exsculptum unquam vidi, in sacrificio quodam Priapi supra memorato, cernitur: e quo sacerdos liquorem quandam odoratum forsitan, in Priapi fascinum floribus ornatum, fundere videtur. Boissard. V. 1. par. 2.

<sup>2</sup> Aringh. Rom. Subterr. Vol. 1. p. 502. Bonannius item, Jesuita eruditissimus, “ Notandum est, inquit, similia vasa saepius etiam inveniri in sepulchris Christianorum, quæ tamen lacrymas continuuisse, non est credendum. Mus. Kircher. p. 115.

*Jam maesta quiesce querela,  
Lacrymas suspendite matres,  
Nullus sua pignora plangat,  
Mors hæc reparatio vitæ est.*

Prudent. Hymn. x. circa exequias. v. 125.

spes in gaudium quodammodo convertit. Sanctus Cyprianus, “ fratres mortuos desiderari debere ait, non plangi----neque occasionem dandam esse Gentilibus, ut nos merito ac jure reprehendant, quod quos vivere apud Deum dicimus, ut extinctos, ut perditos lugeamus<sup>1</sup>. ” Sanctus item Hieronymus, de Paullæ Romanæ morte loquens, “ non ulu- latus, inquit, non planctus, ut inter seculi homines fieri solet, sed psalmorum linguis diversis examina concrepabant<sup>2</sup>. ” In balneorum quoque antiquorum ruderibus, ejusdem formæ ac moduli vascula, reperta nonnunquam cognovimus<sup>3</sup>: quæ non nisi odoribus, unguentisque conservandis inserviisse, haud cuipiam dubium esse potest. In quem quidem usum et hæc nostra, et ejusdem generis reliqua omnia, quæ vel in Gentilium, vel Christianorum sepulchris reperiantur, parata fuisse existimo; perinde ac ista quoque, de quibus, proximo loco, jam pauca quædam dicturus sum.

<sup>1</sup> Cypr. de Mortalitat.

<sup>2</sup> Epist. 86. Oper. T. 4. par. 2. p. 687. Edit. Bened.

<sup>3</sup> Bonann. Mus. Kircher. Tab. 51. 7, 8. p. 184.

## T A B U L A VII.

**H**Æc quatuor vascula, e vitro candidissimo confecta, atque in sepulchro antiquo reperta, unguentis, ut modo dixi, odoribusque in tumulum inferendis inserviisse, ex eorum forma et magnitudine perspicuum est. Mortuorum enim propinquos, certis quibusdam diebus, sepulchra eorum adire, cineresque floribus, thure, ac odoribus respurgere, et vascula, quibus ista intulissent, cum odorum residuo aliquo in tumulo relinquere solitos, constat: de qua quidem consuetudine, frequens admodum cum in libris tum monumentis veterum mentio occurrit.

*Mista bibunt molles lacrymis unguenta favillæ<sup>1</sup>.  
Afferet huc unguenta mihi, fertisque sepulchrum  
Ornabit custos, ad mea busta sedens<sup>2</sup>.*

Ficcoronius urnam quandam grandem paucis abhinc annis Romæ repartam commemorat, supra quam viginti quatuor vascula fictilia, Ollulæ,  
pa-

<sup>1</sup> Ovid. Fast. 3. 561.

<sup>2</sup> Propert. l. 3. 15. De odoribus item hisce, in marmoribus sepulchralibus mentio frequens occurrit.

## TABULA VII.

99

patellæ, pocilla, pulchre elaborata, posita erant; quæ unguentis odoribusque variis in tumulum inferendis comparata fuissent, censet<sup>1</sup>. Vasculi quoque vitrei in alio sepulchro reperti meminit, in quo liquoris etiam residuum aliquod invenisset<sup>2</sup>. Gorius etiam Florentinus, sagax ille quidem fidusque rerum antiquarum interpres, *liquores interdum in vasculis his sepulchralibus compertos esse*, scribit, quos odoratos olim fuissent arbitratur<sup>3</sup>.

D. M.	I.	2.
GEMINIAE. P. FIL.		C. LAELIO. C. F. IV.
MAXIMAE	—	—
STATVTA	—	—
ODORAMENTA.	—	—
EX. H-S. $\infty$ $\infty$ $\infty$ $\infty$		FVSCA. MATER.
PRIMA. MATER.	AD. LVCTVM. ET GEMITVM. RELICTA.	
MISERRIMA.	CVM. LACHRIMIS. ET OPOBALSA	
FILIAE. CARISSIMAE.	MO. VDVM.	
ANN. XVIII.	HOC. SEPULCHRO. CONDIDIT	

Gruter. p. 1122. 12.

Muse. Kircher. p. 115.

Montfauconius, Inscriptionis secundæ auctoritate inductus, liquidi genus quoddam *e lacrymis et opobalsamo commixtum*, in *phialas istas lacrymatorias*, ad mortuos respergendos condi solere, declarat. [Antiq. Vol. 5. l. 3. c. 7.] Sed nihil profecto aliud Inscriptio ipsa indicare videtur, ac matrem largo fletu atque unguentis cadaver filii humectasse.

<sup>1</sup> Della Bolla d'Oro. p. 58, 59.<sup>2</sup> Ibid. p. 66.<sup>3</sup> Vid. Monument. Libertor. Liv. Aug. p. 49. it. Gruter. Inscript. p. 927. 5.

Sed permulta sane ejusdem generis vascula, e  
vitro pariter conflata, atque ex Christianorum  
veterum sepulchris eruta, in lucem edidit Arin-  
ghus; quæ, quia rubro fortasse, seu sanguineo  
colore tincta reperiuntur, Martyrum ibi olim se-  
pultorum indicia jam a Papistis certissima esse  
creduntur<sup>1</sup>. At vero hujusmodi quoque omnia,  
unguentis odoribusque condendis destinata esse,  
haud dubium est: quem quidem morem a Gen-  
tilibus ad Christianos, vel priscis ipsis seculis,  
traductum esse cognovimus. Tertullianus enim,  
plus odoramentorum a Christianis profundi sole-  
re queritur, quam ab Ethnicis ipsis.  
 “ Thura,  
 “ inquit, plane non emimus. Si Arabiæ que-  
 “ rantur, sciant, pluris et carioris merces suas  
 “ Christianis sepeliendis profligari, quam Diis  
 “ fumigandis<sup>2</sup>. ” De hoc item ritu Prudentius,

*Nos tecta fovebimus offa  
 Violis et fronde frequenti,  
 Titulumque et frigida saxa  
 Liquido spargemus odore.  
 Aspersaque myrrha Sabæo  
 Corpus medicamine servat<sup>3</sup>.*

<sup>1</sup> Aringh. Rom. Subterr. Vol. I. p. 496.

<sup>2</sup> Apologet. c. 42.

<sup>3</sup> Cathemerin. Hymn. x. v. 177. it. v. 59.

## T A B U L A VIII.

**D**E Lucernis jam sepulchralibus, quarum  
tres fictiles, et unam quoque æneam, e  
sepulchris veterum erutas, hic delineatas damus,  
nonnihil dicendum est. Nam etsi hoc argumen-  
tum a viris eruditis exhaustum plane videatur,  
qui innumeræ fere Lucernarum harum figuræ e  
museis suis descriptas ediderunt, de nostris tamen,  
quatenus proprium saltem aliquid, aut notatu  
dignum præbeant, pauca etiam quædam differen-  
da esse, duxi.

Lucernæ equidem, et in omnibus veterum se-  
pulchris positas esse, et in omnibus pariter, quæ  
vel hodie etiam fodiendo aut casu aliquo Romæ  
detegantur, repertas esse, notissimum est. Ete-  
nim Romani, ut supra dictum est, certis quibusdam  
diebus, mortuis justa facere, inferiasque  
Diis Manibus, et sacra quædam gentilitia in tu-  
mulum inferre confueverunt. Hinc Aræ in sepul-  
chris conditæ, urnæque ipsæ sepulchrales, ara-  
rum sæpe forma exstructæ, atque ararum nomi-  
ne vocatæ<sup>1</sup>: atque hinc in sepulchrorum titulis,

<sup>1</sup> Fabrett. Inscript. p. 107, 108, 719. it. Monument. Libertor. Liv.  
Aug. p. 42.

*itus, aditus, ambitus* ad sacra ista facienda dari memorantur<sup>1</sup>.

In sepulchrorum autem eorum cameris, subterraneis plerumque et tenebricosis, ad ritus eos peragendos, lucernis opus fuisse, necesse est: atque hinc in marmoribus sepulchralibus, de Lucernis et Lychnuchis pensilibus in sepulchris positis, mentionem interdum factam invenimus<sup>2</sup>: et libertatem etiam servis, ea conditione donatam, ut *in monumento, alternis mensibus, lucernam accenderent*<sup>3</sup>.

De Lucernis nostris, Prima, nullis licet figuris aut sculptura ornata, forma tamen eleganti et perbella, atque ex ære conflata est.

## S E C T. II.

**S**ecunda, Cupidinis Hirco insidentis effigiem exhibet; cui haud aliam unquam similem me vidisse memini. In picturis equidem sepul-

<sup>1</sup> Fabrett. p. 265, 293, &c. it. Gruter. 855. 3.

<sup>2</sup> Monument. Libert. p. 50, 51. it. Gruter. 1143.

<sup>3</sup> Guther. de Jur. Manium. l. 2. c. xi. Gorius Florentinus, qui de monumento *Libertorum et servorum* Liviae Augustæ, Romæ haud dudum reperto, librum per pulchrum edidit, ad singula monumenti istius *Columbaria, Lucernas singulas* olim appensas fuisse, dicit. Vid. Monument. ibid.

chralibus

chralibus, Cupidines, Geniosve alatos, cum Hircis fese exercentes ludentesque animadverti; pu-  
erorumque lusus varios, in sepulchris veterum,  
et coloribus pictos, et e marmore factos vidi<sup>1</sup>.  
Tamen quid istiusmodi figmenta sibi velint, quid-  
ve nobis indicent, mihi sane nequaquam liquet:  
quorum pleraque fortasse non nisi loci ornandi  
causa, pro artificis arbitrio excogitata erant.  
Cum vero Hircum, apud omnes fere gentes, tan-  
quam lasciviæ ac libidinis symbolum, habitum  
esse constet, haud scio, an hac Cupidinis Hirco  
insidentis imagine admoneamur, eos videlicet om-  
nes, qui amoris lascivi ac libidinosi impulsu agan-  
tur, ad mortem immaturam præcipites ferri.

## S E C T. III.

**T**ertia, Cupressis hinc et inde exsculptis,  
decorata est; quas in aliis item Lucernis,  
perinde ac Ollis sarcophagisque eodem saepe mo-  
do expressas esse dixi, quo ritus scilicet iste, su-  
pra memoratus, arborem eam ad mortuorum fo-  
res ponendi indicetur<sup>2</sup>.

<sup>1</sup> Vid. Sepolch. Nason. Append. Tab. 3. it. Ollas, sarcophagosque a Boissardo et Montfauconio delineatos—

<sup>2</sup> Vid. Lucern. Antich. Da. P. Bartoli. Par. 1. Tab. xi, 13. it Boif-  
fard et Montfauc.

## S E C T.

## S E C T. IV.

**Q**uarta vero, ex Agni effigie, qua insignitur, ad Christianorum veterum usum aliquem pertinuisse, apparet. Etenim priscis ipsis Ecclesiæ temporibus, Christi imago sub agni specie ac symbolo pingi solebat: nec ante Constantini magni ævum, ulla ejus ad crucem affixi effigies, ut Aringhus, auctor sane pius et eruditus, declarat, Gentilium unquam oculis oblata fuit; ne probrum inde aliquod in religionem Christianam derivatum foret, “ Quapropter eorum temporum imbecillitati, uti ait, caute et pro animi viribus prospicientes, crucem duntaxat, suppressa Christi imagine, fingebant----et agnum inter dum sub ipsa cruce consistentem affabre pingebant. De quo etiam Paulinus,

*Sub cruce sanguinea niveo stat Christus in Agno, Agnus, ut innocua injusto datur hostia letho<sup>1</sup>.*

In cuius rei testimonium picturam item vetustissimam, e Coemeterio antiquo, Aringhus profert, in quo *Agnus crucem baculo affixam, vexilli ad instar, gerens depingitur*<sup>2</sup>. Duosque præterea

<sup>1</sup> Aringh. Rom. Subterr. Vol. 2. p. 557.

<sup>2</sup> Ibid. p. 559.

alios,

alios, e Cœmeterio Callisti, agnos affabre pictos exhibet, quorum uterque baculum pastorale, cum vasculo quodam appenso, gestat<sup>1</sup>: quibus Christi persona, tanquam Pastor bonus, *agnusque ab origine mundi occisus*, symbolice significari intelligitur. Agni vero typus, in Lucerna nostra, perinde ac in aliis quibusdam expressus, ex istis Apostoli verbis desumptus plane videtur; *Lucerna ejus est Agnus*<sup>2</sup>.

Quod hæ vero Lucernæ a Christianis æque ac Gentilibus ad sepulchrorum ritus celebrandos adhibitæ essent, ab omnibus traditum accepimus. Aringhus, innumerabiles fere, vel in uno Sancti Callisti Cœmeterio, Romæ repertas esse, testantur; quarum figuræ etiam permultas harum rerum studiosis contemplandas exhibit<sup>3</sup>: atque oleum earum, e martyrum sepulchris desumptum, miracula quædam edidisse, morbosque sanasse, scriptorum veterum testimonio confirmat<sup>4</sup>. Lucernas denique istas in eundem finem a Christianis, ac a Gentilibus antea usurpatas esse, perspicuum est; scilicet, ut in Cœmeteriis suis tenebricosis, pia quædam officia, seu sacra anniversa-

<sup>1</sup> Id. V. 1. 557.

<sup>3</sup> Vol. I. p. 510.

<sup>2</sup> Apocal. c. xxi. v. 23.

<sup>4</sup> Ibid. p. 89.

ria defunctis præstarent; vigiliaisque præsertim, pro temporum istorum consuetudine, ad Martyrum tumulos agerent. Ubi nonnulli etiam, ut Sanctus Ambrosius queritur, “ pocula secum deferre, “ atque in vesperam usque bibere solebant, ne-“ que aliter se exaudiri posse credebant---O stu-“ titiam hominum, inquit, qui ebrietatem sacri-“ ficium putant: quique æstiment illis ebrieta-“ tem placere, qui jejunio passionem sustinere “ dedicerunt<sup>1</sup>. ”

## SECT. V.

**I**N sepulchris item veterum, Ollisque ossuariis, res ejusmodi omnes, quæ defunctis, cum vi-  
verent, in deliciis fuissent, quasque ornatus præ-  
sertim gratia gestassent, una cum cineribus eo-  
rum condi solitas cognovimus; puerorum sci-  
licet *crepundia*, *Bullas*, *anulos aureos*; mulierum  
*inaures*, *monilia*, &c. quæ propinquorum pietas,  
parentumque maxime erga liberos caritas, in  
mortuorum honorem Diis Manibus dicare sole-  
bant. Quam quidem consuetudinem, et si a nul-  
lo, quod sciam, scriptore antiquo memoratam,

\* De Elia et Jejun. c. 17.

Romæ tamen universim fere obtinuisse constat; uti rebus ipsis, quæ ex sepulchrorum veterum ruinis quotidie effodiuntur, aperte demonstratur.

Ficcoronius, in ruinis istis perscrutandis omnium sene versatissimus, se anulos permultos aureos, et gemmis quidem insignitos, una cum ossibus et puerorum, et virorum etiam ac foeminarum, in Ollis reconditos invenisse scribit<sup>1</sup>. De quo genere duos istos in hac Tabula descriptos, a puerulis olim gestatos, atque in sepulchris eorum repertos ab eo accepi; quorum alter Deæ Cybeles imaginem, ex auro ipso exsculptam; alter vero Cupidinis, Delphini dorso insidentis, figuram, in Jaspite rubra, in anuli orbiculum inserta, insculptam exhibit.

Hanc eandem Cupidinis figuram, Delphinum froeno ac flagello regentis, in gemmis monumentisque antiquis saepissime insculptum videmus<sup>2</sup>. Quam quidem plerique, Amoris in utrumque elementum, in maria scilicet perinde ac terras imperium, denotare censent; secundum vetus istud de consimili quadam imagine Epigramma.

<sup>1</sup> In libro Della Bolla D'Oro &c. p. 54, 57, 58, 60, 64.

<sup>2</sup> Vid. Gemm. Antich. Da Domenico De Rossi. Vol. 3. Tab. 16, 17, 18.

Οὐδὲ μάτην παλάμας κατέχει Δελφῖνα οὐ αὔθος,  
Τῇ μὲν γὰρ γαῖαν, τῇδε θάλασσαν ἔχει<sup>1</sup>.  
*Nec fructu manibus florem ac Delphina coercet,*  
*Illa etenim terras, hac tenet oceanum.*

Nonnulli autem nihil aliud figuris hisce significari existimant, ac singularem piscis hujus erga hominum genus benevolentiam; puerorumque præcipue amores, quibus Delphini flagrare credebantur; quorumque exempla quædam insignia ac mirifica a veteribus memoriæ prodita sunt<sup>2</sup>.

Ex anuli nostri forma, lapidisque infigendi ratione, colligere licet, quam in gemmis in anulos inferendis, imperiti ac rudes, vel florentissimis Reipublicæ temporibus, artifices isti Romani, præ nostrorum hominum sollertia fuerint. Etenim anuli orbiculum ab ima parte gradatim amplificare solebant; quoad pars ejus summa, qua

<sup>1</sup> Antholog. l. 4. c. 12.—Hæc rei interpretatio ab Euripidis loco quodam, a Clemente Alexandrino citato, confirmatur.

Ἐρεις γὰρ αὐδρᾶς ἢ μόνις ἐπέρχεται  
Οὐδὲ αὖ γυνάμας, αἱλλὰ καὶ θεῶν σῶν  
Ψυχᾶς ταράσσει, καὶ πὶ πόντον ἐρχεται.

*Anor enim non viros tantum neque farninas etiam aggreditur; sed et superorum quoque animos commovet, atque ad infera maris descendit.*—Strom. lib. 6. p. 745. Edit. Oxon.

<sup>2</sup> Plin. Hist. Nat. l. 9. c. 8. A Gellius l. 7, 8. Plutarch. de industr. Animal.

gemma includenda erat, quæ Pala dicebatur, magnitudinem gemmæ, quantacunque fuerit, intra orbiculi cavitatem excipere poterat: unde anulos sæpenumero, ob gemmarum magnitudinem et pondus, deformes molestosque fuisse, necesse est<sup>1</sup>. Horum ego nonnullos usque ad hæc tempora conservatos vidi, atque unum quidem cui S. Pompeii caput, una cum sculptoris nomine, in Sarda eximie insculptum erat: cuius etiam figura ectypa, inter præstantiores sculpturæ veteris reliquias, a Dominico Rossi Romano in lucem edita est<sup>2</sup>.

Anulos hosce morientibus olim religione quadam detrahi solitos a veteribus traditum est<sup>3</sup>: Quod haud ob aliam fortasse causam factum erat, quam ut cadaver, anulis detraictis, lavari commodius, unguis posset, vel ne a Pollinctoribus furtim abriperentur: nam ex iis, quæ supra dixi, appareat eosdem mortuis postea resti-

<sup>1</sup> Ficcoronius, se anulos interdum aureos in sepulchris antiquis inventisse dicit, quorum alii sex, alii decem Zecchinos, (hoc est, monetae Anglicæ tres circiter aut quinque guineas) auri pondere exequarunt. [L. L. p. 64, 67.] Hinc Isidorus, multi, inquit, *Romanorum pro gravitate anulum in digito gestare abstinuerunt*. [Orig. l. 19. c. 32.] Jam alii, inquit Plinius, *pondera eorum ostentant*. l. 33. 1.

<sup>2</sup> Gemm. Antich. Vol. 1. Tab. 6.

<sup>3</sup> Plin. Hist. Nat. 33. 1. Vid. Kirchman. de anulis. c. 22. qui de hoc argumento libellum summa eruditione refertum edidit.

tutos,

tutos, atque in sepulchris plerumque conditos fuisse; nisi quod in rogum interdum, ut a Properatio indicatur, conjecti, combustique essent.

*Et solitum digito Berillon adederat ignis<sup>1</sup>.*

## S E C T VI.

**I**Naures etiam, uti dixi, una cum cineribus, in sepulchris Ollisque ossuariis, condi solere certissimum est: quarum quidem unam, e sepulchro veteri erutam, mihiique Romæ donatam, in hac etiam Tabula delineatam cernimus. De inauribus, frequens sane apud scriptores antiquos mentio occurrit; quos de mulierum suarum luxu, sumptuque in auribus ornandis immanni, querentes sœpe invenimus. “Quare ux-“ or tua, inquit Seneca, locupletis domus cen-“ sum auribus gerit<sup>2</sup>? neque in alia parte, ait“ Plinius, fœminis majus impendium, margari-“ tis dependentibus<sup>3</sup>: ac rursus; quo magis“ admirari subit, unionem in maris rubri pro-“ fundo, smaragdum in ima tellure quæri.“ Ad hoc excogitata sunt aurium vulnera:“ nimirum quoniam parum erat, collo crini-

<sup>1</sup> Propert. l. 4. El. 7. <sup>2</sup> De Vit. beat. c. 17. <sup>3</sup> Hist. Nat. l. xi, c. 37.

2 busque

## T A B U L A VIII.

III

“busque gestari, nisi infoderentur etiam cor-  
“pori<sup>1</sup>. ”

In hac nostra in auri, lapillum quendam rubrum et pellucidum, sive Rubinus fuerit, sive vitrum solummodo rubro colore tinctum, in auro insertum videmus; atque in vitro ipso, Gallum Gallinaceum opere encaustico affabre depictum; margaritamque inde, qua inaurium maxime decus ac pretium constituebatur, ex aurea catenula pendentem: quæ quidem verum illud esse ostendit, quod de hoc Margaritarum genere Plinius scribit; *senecta nimirum eas flavescere, rugisque torpescere; nec nisi juventa vigorem illum, qui quæritur obtinere<sup>2</sup>.*

Margaritis autem, sive unionibus, ut vocabantur, inaures fere omnes ornatiores, instructas esse liquet; quas, ob rei similitudinem, *baccas* etiam a poetis appellatas legimus.

*Nec sit marita, quæro tundioribus  
onusta baccis ambulet<sup>3</sup>.*

*Aure leves baccæ, redimicula pectore pendent<sup>4</sup>.*

Alia

<sup>1</sup> Ibid. l. 12. Proœm. quæ hoc loco a Plinio, *aurium vulnera*, a Juvenale, *molles in aure fenestræ*, vocantur. Sat. 1. 104.

<sup>2</sup> Ibid. l. 9. 35.

<sup>3</sup> Hor. Epop. 8.

<sup>4</sup> Ovid. Met. l. x. 264. Quia baccæ autem istæ guttarum etiam formam

Alia tamen erat, et pretiosior illa quidem, unionum species, quos Elenchos vocabant: “fa-  
“stigiata, uti Plinius ait, longitudine et alaba-  
“strorum figura, in pleniores orbem definen-  
“tes; quorum binos aut ternos auribus sus-  
“pendere, ceu sono quoque et collisu ipso mar-  
“garitarum gauderent, fœminarum gloriam esse  
“dicit<sup>1</sup>. ”

formam præ se ferebant, inaures ipsas a priscis scriptoribus, græca vo-  
ce, *Stalagmia*, dictas invenimus; eodem scilicet sensu, ac a nostris hodie  
Drops; *distillantes enim hiberno gelu stirias, stalagmias*, vocabant. Plin.  
l. 34. 12. uti a Cæcilio apud Festum, [in voce]

*Jam ex aure ejus Stalagmium domi habeo.*

Atque a Plauto itidem; Menæch. Act. 3. Sc. 3.

*Amabo, mi Menæchme, inaures da mibi  
Faciundas, pondo duum nummum Stalagmia.*

Hæc duorum nummūm, parvuli sane pretii, Stalagmia, ænea certe  
fuerunt cuiusquidem generis inaurem, in Museo Sanctæ Genevievæ Pari-  
siensis, descriptam videmus; anulum scilicet ænum, ex quo in aurem  
inserito, tres baccæ, five guttæ vitreæ dependent. p. 33. c. 15. at bac-  
cas etiam ipsas interdum æneas fuisse, ex Ovidio discimus

— — — — — *parilique ex ære nitebant  
Auribus in geminis circum cava tempora baccæ.* Met. x. 115.

De hoc autem argumento, consule Gasp. Bartholinum de Inaurib. qui  
omnia sane, quæ ad illud illustrandum pertinent, in opusculum suum  
eruditum accurate congessest.

<sup>1</sup> Hist. Nat. l. 9. 35.

*Nil*

*Nil non permittit mulier sibi; turpe putat nil,  
Cum virides gemmas collo circumdedit, et cum  
Auribus extensis magnos commisit elenchos<sup>1</sup>.*

De his etiam Seneca, “ video uniones, inquit,  
“ non singulos singulis auribus comparatos;  
“ jam enim exercitatae aures oneri ferendo sunt:  
“ junguntur inter se, et insuper alii binis super-  
“ ponuntur. Non satis muliebris infania viros  
“ subjicerat, nisi bina ac terna patrimonia au-  
“ ribus singulis pependissent<sup>2</sup>. ”

Hos igitur uniones sive elenchos, qui nostris  
jam temporibus plane jacent, a Romanis ta-  
men summo in pretio habitos, et gemmis fere  
omnibus antelatos esse appetet. *Principium*,  
inquit Plinius, *culmenque omnium rerum pretii*  
*margaritae tenent. Indicus maxime has mittit*  
*oceanus----dos earum omnis in candore, magnitu-*

<sup>1</sup> Juven. Sat. 1. 456. Hos elenchos, uti a Plinio describuntur, *fa-*  
*stigiata longitudine et in pleniorem orbem desinentes*, nonnisi Pyri formam  
habuisse constat. De quo quidem genere, Ficcoronius, se Inaures du-  
as aureas in urna quadam invenisse scribit, e quibus duo *Smaragdi in Py-*  
*rorum speciem conformati dependebant*. In libro della Bolla d'Oro &c.  
p. 60. *Due Orecchini d'Oro, legatevi due Smeraldi fatti a pera.*—

<sup>2</sup> De Benef. 7. 9. Ex hoc inaurium luxu, inter Domus Augustae  
ministeria, AVRICVLAE ORNATRICES in Inscriptionibus antiquis re-  
censiari videmus. Quibus inaurium scilicet custodiam curamque om-  
nem commissam esse verisimile est. Vid. Grut. p. 579. 2, 3.

dine, orbe, labore, pondere<sup>1</sup>: quæ vero in his rebus omnibus præstabant, immensi pretii æstimabantur. Hinc celebris ista historiola de margarita ex aure Metellæ detracta, ab Horatio et Plinio celebrata.

*Filius Æsopi detractam ex aure Metellæ,  
Scilicet ut decies solidum exforberet, aceto  
Diluit insignem baccam<sup>2</sup>.*

Vitellius etiam, in Germaniam a Galba missus, et rei familiaris inopia laborans, unionem ab aure matris detractum ad itineris impensas pignoravisse traditur<sup>3</sup>. Atque Alexander Severus, quum Regis exteri Legatus quidam uxori suæ uniones duos, magni ponderis et inusitatæ mensuræ, obtulisset, vendi eos jussit. Qui quum pretium non invenirent, ne exemplum malum a regina nasceretur, si eo uteretur, quod emi non posset, inauribus Veneris eos dicavit<sup>4</sup>.

<sup>1</sup> Hist. Nat. 9. 35.

<sup>2</sup> Sat. l. 2. 3. 239. Decies solidum, Baccæ hujus pretium, octo millia librarum Anglicarum et paullo plus valuisse putatur.

<sup>3</sup> Sueton. in Vit. c. 7.

<sup>4</sup> Lamprid. c. 15.

Haud

Haud tamen credendum est, veteres istos in luctu ita dementes fuisse, ut inaures illas insigniores, in defunctorum tumulos abjicerent, sed vulgares potius quasdam et quotidianas; quales illæ sane omnes esse apparent, quas ex variis eruditorum museis a Montfauconio collectas, ac delineatas videmus<sup>1</sup>: quarum nulla profecto, aut opere, aut materia aut pretio, huic nostræ anteferenda videtur.

<sup>1</sup> Vid. Antiqu. Vol. 3. l. 2. c. 3.



T A B U L A IX.

**P**RIMA Tabulæ hujus figura operculum libelli veteris eburneum exhibit : hujusmodi vero libelli, Pugillares appellabantur ; quos quidem Romani, sive litteris sive negotiis dediti essent, secum circumferre solebant, ut quicquid sibi, vel meditantibus vel agentibus, notatu dignum occurreret, illud statim perscribere atque notare possent : nam ad notas breves excipendas, pugillares potissimum adhibitos esse, constat.

*Puer notarum præpetum  
Sollers minister, advola.  
Bipatens Pugillar expedi,  
Cui multa fandi copia,  
Punctis peracta singulis<sup>1</sup>. &c.*

*Venor aliquando, inquit Plinius, sed non sine pugillaribus<sup>2</sup> ; nam inter venandum, dum socii ejus apros persequebantur, ipse, ut ad Tacitum scribit, ad retia sedebat ; non venabulum aut lanceam, sed stylum et pugillares in proximo tenens, mediansque aliquid ac enotans, ut si manus vacuas, plenas tamen ceras reportaret<sup>3</sup>.*

<sup>1</sup> Auson. Epigr. 146.

<sup>2</sup> Epist. 1. 9. 36.

<sup>3</sup> Ib. 1. 1. 6.

Pugillarium horum folia ex rebus variis effec-ta fuerunt: maxima pars, *e laminis ligneis, cera illitis*, in quibus stylo scribebatur; nonnulla tam-enex ebore, membranis, aut plumbo. De Citreis item, membraneis atque eburneis, epigrammata quædam Martialis extant. Plumbei vero in Sarcophago antiquo reperti effigiem, huic nostræ haud absimilem, a doctissimo Bonanno descrip-tam cernimus; cui septem laminæ, seu folia plumbea, litteris referta erant: sed quia nullus omnino sensus ex litteris istis elici poterat, li-brum ipsum ad Talismanorum classem referen-dum, atque *ad Manes fortasse placandos, Dæ-monesve fugandos in Sarcophago isto reconditum esse*, vir ille eruditus censet<sup>1</sup>.

Noster autem pugillaris an ob eandem cau-sam in sepulchro conditus fuerit, haud facile dixe-rim; sed in Familiæ Passienæ sepulchro, juxta viam Appiam, anno 1710, Romæ repertus fuit. Folia ei quidem membranea erant, sed ita lacera penitus ac vetustate absumpta, ut nihil inde aliud colligi posset, ac quod litteræ in eis olim perscriptæ, latinæ essent. Pugillaris ejusdemmodi figuram, in monumento mulieris sepulchrali insculptam, apud Fabrettum videre licet; ex qua scilicet vir

<sup>1</sup> Museum Kircher. p. 180. Tab. 60.

doctus, mulierem istam *notarum describendarum studio ac sollertia præstisſe*, indicatum esse putat<sup>1</sup>. In inscriptione quoque antiqua apud Gruterum, T. quidam Tarfenius, inter alia multa, Municipibus Reginis testamento donata, *Pugillares membranaceos, operculis eboreis, legasse dicitur*<sup>2</sup>.

## S E C T. II.

**S**ecunda figura, ex aere conflata, Tibicinis speciem quandam singularem, atque ex omnibus, quas vidi, Tibicinum Imagunculis, unicam plane, præ se fert. Qui hujusmodi Tibiis canebant, vel græco nomine Ascaulai, vel Utricularii, a scriptoribus Romanis vocantur<sup>3</sup>. Has autem Tibias, et si raro admodum a veteribus memoratas, quippe quæ plebeculæ potissimum in pretio fuerint, antiquissimas tamen esse, Cæsarumque saltem temporibus, ad ludos et convivia adhiberi solitas accepimus. Quippe Nero, ut

\* Vid. Fabrett. Inscript. p. 206.

<sup>2</sup> Vid. Gruter. p. 174. 7.

<sup>3</sup> Martial. I. x. 3. Utriculi, sive Tibiae Utricularis figuræ et Pignorius et Montfauconius ediderunt: sed Tibicinis Utricularii Imagunculam, neque in rerum antiquarum collectionibus recensitam, neque in libris unquam descriptam animadverti. Vid. Pign. de Servis. p. 82. Montf. Supplém. Vol. 3. I. 8. c. 2.

Suetonius scribit, cum Musicorum genus omne, in sua quemque arte ac instrumento, cantando superare studeret, *sub exitu vite palam voverat, se, ludis publicis, proditurum etiam Utricularium*<sup>1</sup>.

Tibicinis nostri os, persona scenica tectum, vestitusque mimicus, haud artis suæ proprius, sed ad risum jocumque plane accommodatus, hominem ex illo γελωποιῷ Ludionum, Morionumve grege fuisse ostendit, qui ad hilaritatem in conviviis excitandam a divitibus adhiberi solebant. Luxus hujus originem Livius ab Asia devicta dedit; *tunc Psaltriæ, inquit, Sambuci-striaeque et convivalia Ludionum oblectamenta ad-dita epulis*<sup>2</sup>. De quibus epularum oblectamenti, exstat Epistola quædam Plinii ad Genitorem suum, quæ ab argumento nostro haud aliena videtur.

“ Accepi tuas litteras, quibus quereris, tædio  
“ tibi fuisse quamvis lautissimam coenam, quia  
“ Scurræ, Cinædi, Moriones mensis inerrabant.

<sup>1</sup> Suet. Ner. c. 54. Inscriptionem antiquam L. IVLIO SECUNDO VTRICVLARIO dicatam apud Gutherium legimus: de Jur. Manium. l. 2. c. 12.] Atque apud Gruterum, de VTRICVLARIORVM etiam Corporibus seu Collegiis, in Coloniis constitutis, Inscriptiones quædam extant, quæ tamen non ad Tibicinum nostrorum gregem, sed ad Nautarum seu Piscatorum genus quoddam referendæ sunt, quorum lintres seu naviculæ, Utriculi etiam vocabantur. [Vid. Grut. p. 547, 649. 448.]

<sup>2</sup> Lib. 39. c. 6.

" Vis tu remittere aliquid ex rugis? Evidem  
 " nihil tale habeo, habentes tamen fero. Cur  
 " ergo non habeo? quia nequaquam me ut in-  
 " expectatum festivum delectat, si quid molle  
 " a Cinædo, petulans a Scurra, stultum a Mo-  
 " rione profertur. Non rationem sed stomachum  
 " tibi narro. Atque adeo quam multos  
 " putas esse, quos æque ea, quibus ego et tu  
 " capimur et ducimur, partim ut inepta, par-  
 " tim ut molestissima offendant? quam multi,  
 " cum lector, aut lyristes, aut Comoedus induc-  
 " tus est, calceos poscunt, aut non minori cum  
 " tædio recubant, quam tu ista, (sic enim appelle-  
 " las) prodigia perpeccus es? Demus igitur alienis  
 " oblationibus veniam, ut nostris impetremus.  
 Vale<sup>1.</sup>"  
et oboe d'as cap

Alexander Severus, ut a Lampridio scriptum  
 legimus, *Nanos et Nanas, et Moriones et Vocales exoletos, et omnia acroamata et Pantomimos,*  
*quæ Eliogabali ad mensam ministeria fuissent, populo donavit*<sup>2</sup>. Martialis autem Morionem quen-  
 dam describens, *acuto capite, auribusque longis, ad hanc Tibicinis nostri figuram fere alludere videtur.*

<sup>1.</sup> Epist. I. 9. 17.

<sup>2.</sup> In Alex. Sev. c. 34.

Hunc

*Hunc vero acuto capite, et auribus longis,  
Quæ sic moventur, ut solent Asellorum,  
Quis Morionis filium neget Gyrthæ<sup>1</sup>?*

In hac autem γελωποιῶν classe, de Mimaulis etiam mentionem factam animadverti: quo nomine mimorum genus quoddam denotari videtur, qui vel ad tibiam gestus agere, vel tibia simul canere et gesticulari solebant: atque de hoc genere figuræ quasdam Scenicas, fistula canentes, et gestu simul ridiculo saltantes, in marmoribus interdum antiquis, exsculptas invenimus<sup>2</sup>.

Hoc denique Ludionum genus omne, quo partes suas, in conviviis, ludisque publicis, commodius ageret, salesque et dieteria in vulgus liberius spargeret, personæ cooperimento tectum prodiisse constat. Per multas sene personarum harum figuræ, e veterum monumentis desumptas, a viris eruditis in lucem editas videmus; quarum pleræque eadem plane forma, ac Utricularii nostri persona, esse apparent: qualesque a Varrone et Luciano, *Personæ istæ antiquæ* describuntur; *distortis scilicet oribus deformes, ac immane quiddam hiantes, quasi spectatores devo-*

<sup>1</sup> Epig. l. 6. 39.

<sup>2</sup> Vid. Dempster. Etrur. Antiq. T. I. p. 413.

raturæ<sup>1</sup>: atque hinc infantibus eas puerulisque terrori semper fuisse legimus.

*Cum personæ pallentis hiatum  
In gremio matris formidat rusticus infans<sup>2</sup>.*

## S E C T. III.

**T**ertia ista, ex ære itidem Imaguncula, servi ad mensam ministrantis, seu Pocillatoris antiqui effigiem exhibet; eo prorsus habitu, quo Servuli divitum Triclinarii, cum a scriptoribus descripti, tum in marmoribus ficti reperiuntur. Pueri scilicet formosi et delicatuli, pulchre calamistrati, tunicisque nitidis, ad genua usque succincti.

----      ----      *ut omnes*  
*Præcincti recte pueri, comptique ministrent<sup>3</sup>.*

Immanem nempe Romanorum veterum luxum, in servorum istiusmodi numero ac delectu, scrip-

<sup>1</sup> Varr. de ling. lat. l. 6. it. Lucian. Dial. de Saltatione.

<sup>2</sup> Juven. Sat. 3. 175.

<sup>3</sup> Hor. Sat. l. 2. 8. v. 70.

*Astabat Domini mensis pulcherrimus ille  
Marmorea fundens nigra Falerna manu.*

Martial. l. 8. 56.

tores

tores fere omnes commemorant, ac nonnulli graviter reprehendunt. Apuleius cœnam Fotidis describens, "Diribitores, inquit, plusculi, splen-  
 "dide amicti, fercula copiosa, puellæ scitulæ  
 "ministrantes; pueri calamistrati, pulchre in-  
 "dusiati, gemmas formatas in pocula vini vetu-  
 "sti frequenter offerentes". convivia mehercu-  
 "le horum, inquit Seneca, non posuerim inter  
 "vacantia tempora, cum videam quam solliciti  
 "argentum ordinent; quam diligenter exoleto-  
 "rum suorum tunicas succingant;----Quanta  
 "celeritate, signo dato, glabri ad ministeria dis-  
 "currant."<sup>2</sup> Alio etiam loco, "Quæris, in-  
 "quit, quam paribus ministeriis et levibus affe-  
 "ratur cibus?----ambitiosa non est fames---et si  
 "pertinere ad te judicas, quam erinitus puer,  
 "et quam perlucidum tibi poculum porrigat,  
 "non sitis."

Philo vero Judæus, dum in mollem istum ac delicatulum servorum, in Tricliniis ministranti-  
 um, gregem invehitur, hunc ipsum Pocillatoris nostri ornatum depingere pæne videtur. "Ad sunt,  
 "inquit, Servi ministrantes, pulcherrimi illi quidem

Metamorph. l. 2. p. 52.

Sen. De Brev. Vit. c. 12.

<sup>3</sup> Id. Epist. 119.

" et formosissimi; quasi non tam ministrandi,  
 " quam convivas aspectu suo delectandi gratia,  
 " adhibiti. Ex his minores natu pueri vinum  
 " fundunt, maiores aquam afferunt; loti, gla-  
 " brique, vultu fucato, capillisque in cincinnu-  
 " los eleganter plexis. Comam enim alunt, vel  
 " omnino intonsi, vel a fronte tantum præfec-  
 " tis in orbem crinibus. Tenuissimas, candi-  
 " dasque præcincti tunicas, anteriore parte ad  
 " genua demissas, posteriore aliquantulum infra  
 " poplites, utramque partem tæniis duplicatis,  
 " secundum commissuras tunicæ, adstringen-  
 " tes: finus ex lateribus in altum tollentes seu  
 " ventilantes, ac tunicæ latera dilatantes ad  
 " munera attenti convivas observant. Adsunt  
 " etiam alii adolescentes, vix prima lanugine ef-  
 " florescentes, amatorum nuper suorum deliciæ,  
 " atque ad ministeria graviora diligenter admo-  
 " dum exercitati: Dominorum opulentiae, uti  
 " illi quidem, qui eis utuntur, existimant, ut  
 " vero sese res habet, stultiæ ostentatio<sup>1</sup>.

Ex hoc Servorum grege, Pueros Alexandri-  
 nos, Romanis omnium maxime in deliciis fuisse  
 constat. Quippe qui natura dicaces, jocisque et  
 salibus dediti erant, artibusque etiam istis, qui-

<sup>1</sup> Phil. de Vit. Contemplat. Oper. Vol. 2. p. 479. Edit. Londini.

bus convivæ inter coenandum delectari solent, cantandi præsertim et saltandi plerumque instructi.  
“ Tandem ergo discubuimus, inquit Petronius,  
“ pueris Alexandrinis aquam in manus  
“ nivatam infundentibus, aliisque insequentibus  
“ ad pedes; ac paronychia cum ingenti subtilitate tollentibus. Ac ne in hoc quidem tam  
“ molesto tacebant officio, sed obiter canta-  
“ bant'. &c.”

Horum puerorum Mercator quidam celebris, Augusti ætate, Thoranius floruit, Imperatori ipsi familiaris<sup>2</sup>: de quo Plinius hanc historiolam narrat;  
“ Thoranius, inquit, M. Antonio jam Triumviro,  
“ eximios forma pueros, alterum in Asia genitum, alterum trans Alpes, ut geminos vendidit;  
“ tanta unitas erat. Postquam deinde, sermone puerorum detecta fraude, a furente in crepitus Antonio est; inter alia magnitudinem pretii conquerenti (nam ducentis mercatus erat festertiis) respondit versutus ingenii Mango, ob id ipsum se tanti vendidisse; quoniam non es-

<sup>1</sup> Petron. Arbit. p. 96. it. p. 121. De mancipiis, hisce item Statius, [Silv. l. 5. 5.—v. 66.

*Non ego mercatus Pharia de puppe loquaces  
Delicias, doctumve sui convicia Nili  
Infantem, linguaque simul, salibusque protervum.*

<sup>2</sup> Adultas ætate virgines denudarent et perspicerent, tanquam Thranio Mangone vendente. Sueton. Aug. c. 69.

“ fet

“ set mira similitudo in ullis eodem utero editis;  
 “ diversarum quidem gentium natales tam con-  
 “ cordi figura reperiri, super omnem esse taxa-  
 “ tionem.” Alius ejusdem Thoranii jocus in  
 Augustum ipsum illudentis, a Macrobio traditur.  
 “ Augustus nimirum delectatus inter coenam Sym-  
 “ phoniacis Thoranii, frumento eos donaverat;  
 “ cum in alia acroamata<sup>2</sup> nummis fuisset liberalis:  
 “ eosdem igitur postea quærenti inter coenam Cæ-  
 “ fari, Thoranius sic excusavit; *ad molam sunt<sup>3</sup>.*”

Pocillator noster altera manu lancem, altera  
 poculum in effigiem cornu formatum tenet, cu-  
 jus ima tamen pars in animalis cuiusdam speci-  
 em definit. Etenim pocula, ab antiquissimis  
 temporibus, ex animalium cornibus effecta esse  
 legimus: cuius quidem generis nonnulla etiam  
 hodie in curiosorum armariis reperiuntur: neque  
 alia omnino, Pocillatores hosce, quorum Ima-  
 gunculas mihi videre contigit, manibus unquam  
 tenuisse animadverti<sup>4</sup>. Hinc Bacchus ipse ab

<sup>2</sup> Hist. N. 1. 7. c. 12.

<sup>3</sup> Acroama, vox græca est, latinitate donata, quæ lepidi aut festi-  
vi aliquid, quod in conviviis recitari aut cantari solebat; significat; nec  
non homines interdum ipsos qui recitabant, cantabantve: hinc Ne-  
pos in vitâ Attici, *Nemo*, inquit, *in convivio ejus aliud acroama audivit,*  
*quam anagnosten.*

<sup>4</sup> Macrob. Sat. 2. c. 4.

<sup>4</sup> Vid. Montf. Suppl. Vol. 3. l. 3. c. 2. it. Mus. Etrusc. p. 190,  
196. it. Caufæi Mus. Roman. p. 67. Fig. 39. it. Pignor. de Ser-  
vis. p. 68.

antiquis corniger fingebaratur; non, ut Festus ait, quod homines nimio vino fruces fiant; sed, ut Athenæus, quod e cornibus bibere solerent<sup>1</sup>. Quem quidem bibendi morem, apud Græcos obtinuisse ex Xenophonte discimus, qui se socioisque suos ab expeditione Persica reversos apud *Paphlagones*, *Thracesque vinum e cornibus largiter bibisse*, commemorat<sup>2</sup>. Philippus item Macedo, cum benigne aliquos excipere vellet, e cornu illis propinasse fertur. Sed poculorum horum labra, argento aurove plerumque cooperta, ac cornua item ipsa ex argento interdum solido conflata esse dicuntur: quorum fabricam usumque Athenæus, qui M. Aurelii temporibus floruit, usque ad suam ætatem manfisse, scribit<sup>3</sup>.

Quod cornua vero a Romanis pariter ac Græcis ad bibendum adhibita fuerint, in conviviis præsertim eis, quibus hilarius epulari, largiusque bibere propositum esset, ex his ipsis Pocillatorum Icunculis, quæ magno sane numero adhuc ex-

<sup>1</sup>—Accedant capiti cornua, Bacchus eris.—[Ov. Ep. Sapph ad Phaon.] vid. Fest. in voce Cornua. it. Athen. Deipnos. l. xi. p. 476. Hinc κερατοι, vinum scilicet in cornu miscere, et κρατηρ, quasi κερατηρ, originem duxisse putantur.

<sup>2</sup> Xenoph. in Expedit. Cyri. l. 6. p. 444. & l. 7. p. 550. Edit. Oxon.

<sup>3</sup> Vid. Athenæum. ibid. Hieron. Mercurialis, animalium cornua a veteribus propterea bibendum usurpata esse existimat, quod contra venenum vim quandam habuisse crederentur——De Venen. l. 1. 17. it. Var. lect. 1. 24. tant.

tant, perspicuum est. Sanctus Ambrosius, de seculi sui ebriositate querens, militumque præcipue compotationes temulentas describens, “Cor-  
“ nu, inquit, in medio, vini plenum: non præli-  
“ aris sed epularis instrumentum buccinæ, quod  
“ discubentes in certamen accendat---primum  
“ minoribus poculis præluditur---ubi res calere  
“ coepit, poscunt majoribus poculis---mensura  
“ proponitur, certatur sub judice, sub lege de-  
“ cernitur.<sup>1</sup>” Atque alio deinde loco, “Hos,  
“ homines, an utres verius æstimaverim? --- per  
“ cornua etiam fluentia in fauces hominum vina  
“ decurrunt, et si quis respiraverit, commissum  
“ flagitium, soluta acies, loco motus habetur<sup>2</sup>. ”

Poculum igitur ejusmodi, quod Pocillator nos-  
ter dextra in altum sublata tenet, ad veterem  
istum bibendi morem alludere, poculorumque  
eorum genus indicare, quod ad Symposia potissi-  
mum exhilaranda, convivasque inebriantos, tan-  
quam cumuli loco adhiberi solebat: quumque  
lex ea data erat, quam Cicero commemorat, ut  
aut biberent aut discederent<sup>3</sup>.

<sup>1</sup> Ambros. de Elia et Jejun. c. 13.

<sup>2</sup> Ibid. c. 17.

<sup>3</sup> In Verr. l. 1. Verres, ut Cicero ait, qui populi Romani legibus  
nunquam paruisse, tamen legibus eis, quæ in poculis ponebantur, dili-  
genter parebat. Has bibendi leges Plinius enumerat, atque inter alias,  
*optima fide non respirasse in hauriendo; neque expuisse; nihilque ad eli-  
endum in pavimentum sonum ex vino reliquisse.* Hist. N. l. 14. c. 22.

## T A B U L A X.

**A**VIS imaginem perpulchram, atque opere antiquo ex ære fictam, Tabula hæc delineatam exhibet: quæ in basi itidem ænea, sive ara potius, quasi ad cultum quendam divinum consecrata, insiftit: quam quidem aram, ex nonnullis auri particulis in superficie ejus adhuc reftantibus, deauratam olim fuisse, constat. Imago vero ipsa, Ibis, opinor, Ægyptiæ germanam figuram indicat: quam tamen a diversis auctoribus, diversa interdum forma descriptam animadverti.

Cicero eam, *avem excelsam esse* ait, *cruribus rigidis, corneo proceroque rostro*<sup>1</sup>; Strabo, *formæ et mole corporis, Ciconiæ persimilem*<sup>2</sup>. Atque ex horum testimoniis, generatim enuntiatis, scriptores nonnulli, atque illi quidem eruditissimi, Ciconiæ eam vel Grui prorsus similem depingunt; rostro scilicet oblongo, neque incurvato; et capite glabro, neque cirro ullo aut crista ornato<sup>3</sup>.

<sup>1</sup> De Nat. Deor. l. 1. 210. Edit. Lamb.

<sup>2</sup> L. 17. p. 1179. B. Edit. Amstel. 1707.

<sup>3</sup> Pignorius. Meus. Isiac. p. 76. Fig. 29. Kircher. Obelisc. Pamph. l. 2. p. 130.

At vero Herodotus, qui avem ipsam in Ægypto sœpiissime viderat, *crura ei sane gruina, at rostrum maxima ex parte aduncum tribuit*<sup>1</sup>. Plinius etiam *rostri ejus aduncitatem*, præcipue commemorat<sup>2</sup>: atque in obelisco deinde Pamphilio, a Caracalla olim ex Ægypto Romam traducto, hanc avem capite aliquoties cirrato, insculptam cernimus<sup>3</sup>. Quæ sane omnia figuram nostram, uti dixi, ad Ibum plane referendam esse ostendunt.

Duas autem Ibium species in Ægypto fuisse, traditur<sup>4</sup>: unam, partim albam, partimque nigram; alteram penitus nigram: atque hanc cum serpentibus præcipue bellum geffisse ac magno propterea in honore fuisse accepimus. “ Fama est, inquit Herodotus, serpentes quosdam alatos, vere ineunte, ex Arabia in Ægyptum versus volare, Ibes vero ad ingressum eis occurringentes, aditu prohibere, omnesque interime-re<sup>5</sup>. Ipsi inquit Cicero qui irridentur Ægyp-

<sup>1</sup> Σκέλεω δέ φορέι γεράνις, πρόσωπον δέ ἐς ταμάλισα ἐπίγυρπον. lib. 2.  
p. 118. Edit. Lond.

<sup>2</sup> Hist. N. l. 8. c. 27.

<sup>3</sup> Vid. Obelisc. Pamphil. a Kirchero delineat. p. 489.

<sup>4</sup> Herod. ibid. Aristot. Hist. Animal. l. 9. c. 27. Plin. l. x. c. 30.  
*Ibis circa Pelusium nigra est, ceteris locis omnibus candida*—quod ab Aristotele Plinius transtulit.

<sup>5</sup> Herod. ib. p. 117.

“ tii nullam belluam, nisi ob aliquam utilitatem,  
“ quam ab ea caperent, consecraverunt. Ibes  
“ maximam vim serpentum conficiunt; avertunt  
“ pestem ab Ægypto, cum volucres angues, ex  
“ vastitate Libyæ vento Africo invectas, interficiunt,  
“ atque consumunt<sup>1</sup>. ” Hoc idem a Plinio  
quoque confirmatur; qui contra *serpentum horum adventum*, *Ægyptios Ibes suas*, tanquam numina quædam, *invocare solitos declarat*<sup>2</sup>.

At vero non ob Serpentes modo consumptos, sed ob alia etiam, et majora illa quidem beneficia, Ibis divinis honoribus cultam legimus. Quippe Mercurius, corpore ejus vestitus, *Ægyptum peragrasse, artiumque variarum inventionem docuisse* dicitur<sup>3</sup>. Hinc litterarum quarundam formæ ab alitis hujus membris ac gestibus deductæ esse, hominesque clysteris præfertim usum ab ea primum didicisse, feruntur. Nam cum Ægyptii, ut Plutarchus ait, “ Ibis, aquam marinam in “ alvum per rostrum injicere, et sese purgare vi- “ derint, idem illi quoque facere didicerunt: Sacer- “ dotes etiam, cum sese lustrarent, ea semper aqua

<sup>1</sup> De Nat. Deor. l. 1. p. 210.

<sup>2</sup> L. x. c. 28.

<sup>3</sup> Vid. Kircher. Obel. Pam. p. 234.

“ utebantur, e qua Ibes bibere solebant, quia nul-  
 “ lam unquam insalubrem noxiāmve illæ adire  
 “ visæ sunt<sup>1</sup>. ”

Ob hæc, inquam, beneficia Ibis, una cum ce-  
 teris Ægypti animalibus, consecrata fuit. Nam  
 cum “ Ægyptus, ut Herodotus tradit, bestiis  
 “ non multum abundaret, omnes in ea repertæ,  
 “ legibus sacræ constituebantur. His igitur be-  
 “ stiis, qui in urbibus præcipue degebant, vota  
 “ facere, atque alimenta præbere solebant; et  
 “ siquam earum aliquis volens necaverat, morte  
 “ mulctabatur; sin nolens, ea poena, quam Sa-  
 “ cerdotes juberent: quisquis vero Ibim aut ac-  
 “ cipitrem, sive volens, sive nolens interfecisset,  
 “ eum morte puniri necesse erat<sup>2</sup>. ”

Hanc Ægyptiorum superstitionem, tanquam  
 mirabile quoddam insaniæ ac vecordiæ indicium,  
 Cicero sæpenumero commemorat. “ Ægypti-  
 orum morem quis ignorat? inquit, quorum  
 imbutæ mentes pravitatis erroribus, quamvis

<sup>1</sup> De So'ert. Animal. p. 974. C. Hoc idem etiam Cicero indicat, ubi alvo se Ibes Ægyptias curasse, dicit. [Nat. Deor. l. 2. p. 233.] Plinius autem apertius, simile quiddam, inquit, et volucris in eadem Ægypto monstravit, quæ vocatur Ibis; rostri aduncitate per eam partem se perlucens, qua reddi ciborum onera maxime salubre est. [l. 8. c. 27.] Vid. Ælian. de Nat. Animal. l. 2. c. 35. & l. 7. 45.

<sup>2</sup> Herod. l. 2. p. 115.

“ carnificinam prius subirent, quam Ibim aut  
“ Aspidem, aut Felem, aut Canem, aut Cro-  
“ codilum violent. Quorum etiam si impru-  
“ dentes quidpiam fecerint, poenam nullam re-  
“ cuserint.” Atque alio loco; “ at vero ne fan-  
“ do quidem auditum est, Crocodilum, aut Ibim,  
“ aut Felem violatam ab Ægyptio.”

Ibes igitur, cum tanta religione in Ægypto  
cultæ, ac publice altæ essent, cumque huma-  
no quasi convictu atque urbibus fruerentur, ci-  
cures demum, mansuetasque fieri necesse erat:  
neque mirum ideo illud videri debet, quod a Stra-  
bone memoriæ proditum est; eas nempe in “ A-  
“ lexandriæ, Urbis refertissimæ, vicis triviisque  
“ tam frequentes reperiri, ut molestiam pariter  
“ ac utilitatem civibus darent; utilitatem, quia  
“ et serpentes, et macellorum etiam fordes omnes  
“ devorabant; molestiam vero, quia omnivoræ  
“ atque immundæ, neque a mundis alienisque  
“ contaminandis facile prohibendæ erant.<sup>3</sup>”

Alia sane permulta de Ibe tradita reperio, at  
nimis illa quidem fabulosa, quam ut fidem ul-  
lam mereri videantur. Illud tamen haud prætere-

<sup>3</sup> Tusc. Quæst. l. 5. p. 189.

<sup>2</sup> Nat. D. l. 1. p. 207.

<sup>3</sup> Strab. l. 17. p. 1179.

undum, quod ab Aeliano scriptum legimus; hanc avem Ægypti propriam esse, neque extra ejus fines unquam evolasse; et si ab aliquo inde exportata esset, sibi ipsi mortem semper fame conscivisse<sup>1</sup>.

Jam vero si quærat quispiam, quam demum ob causam, usumve hæc nostra figura ficta olim fuerit; ab Ægyptio sane aliquo Romæ degente, vel a Romano fortasse, Ægyptiorum superstitioni ritibusque addicte, eam olim comparatam esse conjicerem, ut in Larario suo, inter Deos cubiculares colendam poneret. Nam ad cultum quandam religiosum et domesticum eam consecratam esse, basis ejus, uti dixi, deaurata indicare videtur: atque hanc adeo Ibis nostræ effigiem, perinde ac alia ista Ægypti portenta, in quæ Juvenalis invehitur, auream olim stetisse verisimile est.

*Quis nescit, Volusi Bithynice, qualia demens  
Ægyptus portenta colat? Crocodilon adorat  
Pars hæc: illa pavet saturam serpentibus Ibim.  
Effigies sacri nitet aurea Cercopitheci<sup>2</sup>.*

<sup>1</sup> Hist. Animal. l. 2. c. 38. Hinc in Numismatibus antiquis, Hadriani præsertim Imperatoris, Ibim saepe, tanquam Ægypti ipsius symbolum insculptum videmus. Vid. Vaill. et Havercamp. in Hadr. Numis.

<sup>2</sup> Sat. 15. 1.

## T A B U L A XI.

**A**Sculapii et Telesphori imagines, e marmore factas, ac quales in numismatibus, monumentisque antiquis persæpe exhibentur, sibi invicem hic adjunctas, cernimus. Æsculapius, medicinæ Deus, tanquam humani generis servator, salutisque dator, a veteribus invocatus erat<sup>2</sup>. Vultu ille quidem senili, Jovique simillimus depingitur, neque ab eo fere, nisi symbolorum diversitate, dignoscendus. Minucius eum bene barbatum vocat, Apollinis *licet semper adolescentis filium*<sup>2</sup>. Atque hinc vafer iste Syracusarum Tyrannus, ut a Cicerone scriptum legimus, *barbam ejus auream, de templis demi jussit*, neque enim convenire, barbatum esse filium, cum in omnibus fanis, Pater imberbis esset<sup>3</sup>.

Hoc fere amictu semper indutus fingitur; pal-

<sup>2</sup> Æsculapius iste, quem prædicatis, Deus præstans, Sanctus Deus, salutis dator, Valetudinum pessimarum Propulsator. &c. Arnob. con. Gent. l. 7. juxt. fin.

In Numismat. Antonini Pii, ΣΩΤΗΡΙ ΑΣΚΛΗΠΙΩ. Servatori Æsculapio. it. in nummis Coorum. &c. Vid. Spanheim. 217. it. Gruter. Inscript. p. 68, 69. &c.

<sup>3</sup> Octav. p. 180. Edit. Varr.

<sup>3</sup> De Nat. Deor. l. 3.

lio nimirum talari, at in sinus ita collecto, atque in humerum lævum injecto, ut pectus, brachiumque item dextrum nudum appareat. Atque hunc amictum viri docti eundem esse credunt, ac quem Poetæ veteres *Pæonium* appellant, medicisque quasi proprium attribuunt.

---- Ille retorto  
*Pæonium in morem senior succinctus amictu,*  
*Multa manu medica, Phæbique potentibus herbis*  
*Nequicquam trepidat<sup>1</sup>.* ----

---- ritu se cingit uterque  
*Pæonio<sup>2</sup>* ----

Brachium autem Dei pectusque nudum, fidem eam atque integritatem, dextramque ad opem usque ferendam paratam denotant, quibus medicorum maxime laus continetur.

--- *Hunc medicus multum celer atque fidelis*  
*Excitat<sup>3</sup>.* ---

<sup>1</sup> Virg. Æn. 12. 400.

<sup>2</sup> Stat. Sylv. 1. 4. 107.

*Intortos de more accinctus amictus.*

Sil. Ital. l. 5,

<sup>3</sup> Hor. Sat. 1. 2. 3. 147.

*Corporis auxilium medico cōmitte fiaeli.* in Dist. Caton. adscript. Cicero item de Asclapone medico, mihi inquit, tum ipsa scientia, tum fidelitate—satisfecit. Ep. Fam. 13. 20.

Quinetiam in numismatibus, marmoribusque antiquis, Dei hujus signa, in baculum a serpente circumPLICATUM innixa fere omnia videmus. *Diceres*, inquit Apuleius, *Dei medici baculo, quod ramulis semiamputatis nodosum gerit, serpentem generosum lubricis amplexibus inhærere*<sup>1</sup>. Atque hoc idem baculum, casu licet aliquo jam abruptum, ad nostram tamen imaginem adjunctum olim esse liquet; cuius altera extremitas in foramen, quod in basi marmorea adhuc vacuum restat, inserta fuisset; altera vero inter brachium imaginis latusque dextrum, ad axillam usque pertinuisset. Nonnulli serpentem, qui pelle vetusta deposita novam quotannis induit, tanquam sanitatis et juventutis symbolum, *Æsculapio tributum existimant*; quo Dei hujus ope, homines morbis levari ac juventuti quodammodo restitui, significaretur<sup>2</sup>. Plinius autem serpentem, *Æsculapio idcirco dicatum esse scribit, quia multa ei remedia inesse credebantur*<sup>3</sup>. Quod a Statio item indicari videtur,

<sup>1</sup> Metam. I. 1. juxt. init.

<sup>2</sup> *Anguibus exuitur tenui cum pelle vetustas.* Ov. Art. Am. 3. 78.

"Οτι καθάπερ ἐκεῖνοι ἀποδύεται τὸ γῆρας ὑπεις ἡ Ιατρικὴ τῶν νοσῶν ἐλευθεροῦ.  
Theodore. Serm. 8. de Martyr. Vol. 4. p. 596.

<sup>3</sup> Hist. N. I. 29. 4.

*Maximus ægris  
Auxiliator adest, et festinantia sistens  
Fata; salutifero mitis Deus incubat angui<sup>1</sup>.*

At vero Æsculapium ipsum sub serpentis olim specie cultum esse, et sub ea forma Romam, circa annum Urbis CCCCLXII, cum pestilentia gravi urbs laboraret, Epidauro primum advectum acceptimus; neque citius ad urbem accessisse, quam de navi sponte dilapsum, in insulam Tyberinam transnavisse, ac pestilentiam, cuius causa quæsus fuerat, restinxisse<sup>2</sup>.

*Scinditur in geminas partes circumfluus amnis.*

*Insula nomen habet —*

*Huc se de Latia pinu Phœbeius anguis*

*Contulit<sup>3</sup> — —*

Hinc Ædes illi statim magna religione in Insula consecrata est: atque Insula deinceps ipsa in navis formam redacta: qualem eam interdum in

<sup>1</sup> Stat. Sylv. 3. iv. 23.

<sup>2</sup> Val. Max. 1. 8. Hic serpentis adventus in Numismate Antonini Pii pulchre descriptus cernitur apud Montfauconium. Suppl. Vol. 1. l. 5. c. 1. Tab. 26.

<sup>3</sup> Ovid. Metam. l. 15. 739.

urbis antiquæ tabulis delineatam cernimus<sup>1</sup>. Attamen Dei ipsius simulacra, cum e marmore facta, tum coloribus picta, non serpentis postea specie, sed eo plane habitu, quem supra diximus, in Templis passim dicari cœperunt<sup>2</sup>.

In his Æsculapii fanis, ægroti cubare, ac somniorum ab eo immisorum monitu, morborum suorum remedia perdiscere solebant<sup>3</sup>: quod monumenta sane permulta, ob morbos ejus ope levatos, ei publice dicata, atque hodie etiam extantia, testantur<sup>4</sup>. Hinc Templa ejus donis referta legimus, quæ remediorum salutarium mercedem, ut Livius ait, *regri sacraverant Deo*<sup>5</sup>. Atque ex *bis somniis, visisque nocturnis*, diuturno usu atque observatione comprobatis, *artem ipsam Medicam* constitutam esse, Jamblichus declarat<sup>6</sup>. Quippe ægrorum, Dei hujus ope sanatorum, no-

<sup>1</sup> Vid. Jac. Laur. Antiq. Urb. Splend. p. 31. Marlian. Urb. Topogr. l. 5. p. 107.

<sup>2</sup> Plin. Hist. l. 34. 8. 35. xi.

<sup>3</sup> An Æsculapius potest præscribere per somnum curationem valetudinis, Neptunus Gubernantibus non potest? Cic. de Div. 2.

*Οὔτως ἐν Ασκληπίῳ μὲν τὰ νοσήματα τοῖς θεῖοις ὀνείροις παύεται.*

Jamblich. de Myster. § 2. c. 3.

<sup>4</sup> Gruter. Inscript. p. 68. &c.

<sup>5</sup> Lib. 45. 28. Consul Apollini, Æsculapio—dona vovere, et dare signa inaurata jussus. Id. lib. 40. 37.

<sup>6</sup> Jamblich. Ibid.

mīna et morbi et curationis ratio, in Tabulis mārmoreis a sacerdotibus descripta atque in Tempis ejus suspensa erant: quarum quidem tabularum fragmentum quoddam memorabile, in Insula ipsa Tyberina repertum, Gruterus edidit; in quo cæcis duobus, curatione quadam a Deo præscripta, *visum redditum esse, populo inspectante ac gratulante, significatur*<sup>1</sup>. Hæc autem remedia, in Templo Dei, conspectui omnium proposita, Hippocrates ipse, ut Plinius ait, *exscripsisse traditur, et Templo jam cremato, instituisse medicinam eam, quæ Clinice vocatur*<sup>2</sup>.

In hanc igitur Æsculapii Insulam, Romani mancipia sua ægra, morbisque affecta exponere, atque omni alia ope destituta, Dei tutelæ committere consueverunt; donec Claudius Imperator, quo tam immanem dominorum erga servos crudelitatem cohiberet, edicto sanxit, “ut omnes qui exponerentur, liberi essent, nec redirent in ditionem domini, si convaluissent: et si quis necare quem mallet, quam exponere, is cædis crimine teneretur<sup>3</sup>.”

<sup>1</sup> Gruter. p. 71. Ex hac Tabula, ut Montfauconius ait, vel Dæmonum in morbis infligendis ac pellendis potestatem, vel Sacerdotum Gentilium fraudes ac præstigias colligere licet. Vid. Antiqu. Vol. 2. par. 1. l. 4. c. 6.

<sup>2</sup> Hist. N. l. 29. c. 1.

<sup>3</sup> Sueton. in Claud. c. 25.

At-

Attamen Æsculapium, non ægros profecto quoslibet, sed dignos tantum probosque sanasse, scelestis vero, neque somnia, neque opem omnino ullam dedisse, legimus<sup>1</sup>: quod quidem illi, cum a Christianis, tum a Gentilibus interdum ipsis exprobatum est: etenim Arnobius, Christianorum more, cultum ejus irridens, *cum medendi, inquit, artibus præsit, cur plurima morborum ac valetudinum genera ad sanitatem perduci nequeunt?* Ac Leno etiam quidam apud Plautum, qui in fano ejus ægrotus cubaverat, ita demum querens egreditur.

*Migrare certum est, jam nunc e fano foras,  
Quando Æsculapi ita sentio sententiam,  
Ut qui me nihil faciat, nec salvom velit:  
Valetudo decrevit, accrescit labor<sup>3</sup>.*

Telesphorus denique, qui Æsculapio, ut supra dixi, comes persæpe adjungitur, convalescentium Deus habitus est; cuius munus proprium erat, ut nomen ejus indicat, morbis jam libera-  
tos et convalescentes, ad perfectam sanitatem per-

<sup>1</sup> Exempla hujus rei varia a Philostrato commemorantur. lib. i. c.

9. x.

<sup>2</sup> Con. Gent. l. 4. circa med.

<sup>3</sup> Circul. Act. 2. Scen. 1.

ducere.

ducere. Hunc autem a Nicæenibus potissimum et Pergamenis, una cum Æsculapio, tanquam Deum Tutelarem, cultum, accepimus; ab aliis vero quibusdam civitatibus, Eumeniona et Aescium dictum. Forma ille semper puerili, ac pallio penitus coopertus fingitur; cui cucullus etiam plerumque annexus est, quo caput ejus omne, facie tantum excepta tegitur<sup>1</sup>: atque sub hac eum specie, in monumentis nummisque antiquis sæpiissime exhibitum, et Æsculapio adjunctum videmus<sup>2</sup>. Forma autem ejus puerilis, palliumque penitus clausum, infirmum istum debilemque convalescentium statum denotare; ac multa adhuc cautione opus eis esse, ad perfectam sanitatem recuperandam, significare videtur.

<sup>1</sup> In nostra tamen Telephori imagine, quod in aliis ejus figuris haud unquam animadverti, cucullus iste de capite prorsus in humeros rejectus est.

<sup>2</sup> In Numismate quodam Antonini Pii, Nicææ percusso, græce inscriptum legimus, Deo Telephoro Nicænium. [Morell. Spec. p. 52.] in Numismate item L. Veri, eum rursus a Nicæenibus una cum Æsculapio exhibitum cernimus. Atque in Numismatibus item Commodi ac Caracallæ, a Pergamenis. Vid. Offervaz. sopr. alcun. Medaglion Antich. Da Buonarott. Tab. 4. 5. Tab. 6. 2. Tab. 7. 9. item de variis Telephori nominibus, vid. Pausan. lib. 2. c. 7.

## T A B U L A XII.

**F**iguram hanc æneam, quæ Apollinis, Bacchive speciem, at nullis Deorum illorum symbolis instructam, præ se ferre videtur, Antinoi effigiem esse existimo. Antinoum enim, Hadriani delicias, eximia forma adolescentem, e Bithynia oriundum, in Divorum numerum a Principe isto relatum cognovimus---“ Antinoum suum, inquit Spartianus, dum per Nilum navigat, perdidit; quem muliebriter flevit: de quo varia fama est: aliis, eum devotum pro Hadriano, afferentibus; aliis, quod et forma ejus ostentat, et nimia voluptas Hadriani: et Græci quidem, volente Hadriano, eum consercraverunt, oracula per eum dari afferentes; quæ Hadrianus ipse composuisse jactatur.” Hadrianus certe Templa ei statim, statuasque dicari jussit; urbemque juxta eum locum, in quo mortuus est, Antinoi nomine instauravit<sup>2</sup>. Hinc in Inscriptione quadam antiqua adhuc extante,

<sup>1</sup> Vid. Ælium Spartan. in Hadr. c. 14.<sup>2</sup> Dio. p. 793.

Deorum Ægyptiorum Sunthronus appellatur<sup>1</sup>: qui eosdem scilicet honores, cultumque apud gentem istam, ac ceteri eorum Dii, obtinuerat.

At non in Ægypto tantum, sed per totum ferre terrarum orbem divinos Antinoo honores tributos esse legimus. Quippe cum Hadrianus Imperii Romani provincias peragraret, Civitates istæ omnes, in quibus commoratus est, inter se se quasi certasse feruntur, quænam Antinoi maxime cultum memoriamque celebrarent; Deorum sibi quæque propriorum honores atque insignia ac formam etiam ei tribuentes; quibus eum quidem, in Civitatumistarum nummis, adhuc extantibus, instructum saepe videmus<sup>2</sup>.

Mantinea autem, ut Pausanias tradit, præter Templum ei dicatum, initia etiam quædam anniversaria, ludosque quinquennales in honorem ejus instituit; domumque præterea in Gymnasio, et fiëtis, et pictis item ejus imaginibus egregie instruxit; quæ Bacchi potissimum insignibus ornatae erant<sup>3</sup>.

—ANTINO<sub>Ω</sub>I  
ΣΥΝΕΡΠΟΝ<sub>Ω</sub>I Τ<sub>Ω</sub>N  
ΕΝ ΑΙΓΥΠΤ<sub>Ω</sub>I ΘΕ<sub>Ω</sub>N  
Μ. ΟΤΑΠΙΟΣ ΑΠΟΛΛΟΝΙΟΣ

ΠΡΟΦΗΤΗC

Gruter. p. 86. 1.

<sup>1</sup> Vid. Vaillant. Selectior. Numism. Max. Mod. p. 19. it. Buonarrotti Offervaz. sopra alcun. Medaglion. Tab. 2. p. 25.

<sup>2</sup> Pausan. l. 8. c. 9. p. 617.

Tarsus item, Ciliciæ Metropolis, in nummis suis, in honorem Antinoi percussis, Apollinis ei symbola, cum ipso Novi Pythii titulo, attribuit<sup>r</sup>. Atque sub Apollinis maxime forma illum a plerisque civitatibus, cultum esse liquet. Cui quidem Deo, simulacra Antinoi omnia, quæ mihi videre contigit, quorumque plurima adhuc restant, et habitu corporis, et facie ipsa quam simillima apparent.

At vero insanum hunc Antinoi cultum, ab ortu licet tam infami profectum, non Hadriano solum vivente, sed, quod mirandum magis est, post mortem ejus diu floruisse, atque a Sanctis Ecclesiæ patribus, gentilibus saepe exprobatum esse legimus. *Noctes Antinoi sacræ*, inquit Clemens, *etiam hodie ab hominibus celebrantur: quas is, qui cum puero vigilaverat, turpes esse cognovit. Quid mihi eum inter Deos refers, qui stupris honorem istum meruit?* Hieronymus etiam Hegesippum ita querentem inducit; “ Tumu-

<sup>r</sup> Vid. Buonarott. ibid. p. 36. Nam ex omnibus antiquorum Deis, nonnisi hos duos eximia quadam oris venustate, perpetuaque juventute insignitos legimus.

*Solis æterna est Phœbo, Bacchoque juventa,  
Nam decet intonsus crinis utrumque Deum.* Tibul. l. 1. 4.

*Tibi enim inconsumpta Juventus,  
Tu puer æternus* — — — — Ov. Met. l. 4. 17. de Baccho.  
T<sup>1</sup> los

“ los mortuis, templaque fecerunt, sicut hodie  
 “ usque videmus: e quibus est et Antinous, ser-  
 “ vus Hadriani Cæsaris, cui et gymnicus agon  
 “ exercetur Antinoius, Civitatemque ex ejus no-  
 “ mine condidit, et statuit Prophetas in templo<sup>1</sup>.  
 “ Prudentius denique in cultum ejus ita inve-  
 “ hitur.”

*Quid loquar Antinoum cœlesti sede locatum?  
 Illum delicias nunc Divi Principis; illum  
 Purpureo in gremio spoliatum sorte virili,  
 Hadrianique Dei Ganymedem; non cyathos Diis  
 Porgere, sed medio recubantem cum Jove ful-  
 chro<sup>2</sup>?*

Figuræ hujus basis opere item antiquo, atque  
 egregio exsculpta est; at vero a Montfauconio  
 dudum, e Museo Cardinalis Gualtieri descripta,  
 ac Deæ Vestæ imagini adjuncta cernitur<sup>3</sup>. Quam  
 quidem post mortem Cardinalis, a Vestæ Icun-  
 cula ista, casu nescio quo, sejunctam atque in  
 Angliam advectam, ipse pretio emendam, atque  
 ad Antinoi nostri effigiem accommodandam cura-

<sup>1</sup>: Clem. Alex. Cohort. ad Gent. p. 43. Edit. Oxon. et Hieron. de Viris Illustrib. in Hegeſippo. item Euseb. Hist. Eccl. l. 4. c. 8.

<sup>2</sup>: Con. Sym. l. 1. 271.

<sup>3</sup>: Supplem. Vol. 1. l. 2. c. 5. Tab. 6. p. 38..

vi. At neque Vestæ, uti Montfauconius existimat, neque ulli omnino simulacro, eam basis olim vicem subiisse constat, sed lucernæ potius seu Candelabri imam partem fuisse; ut ex foramine quodam amplo ac rotundo colligere licet, quod in parte ejus superiore jam vacuum restat, nec nisi ad vasculi cujusdam stipitem truncumve excipiendum, paratum esse appetet<sup>1</sup>.

Tripodis autem forma, quam basis nostra gerit, eam ad templorum usum aliquem pertinuisse ostendit; in quibus mensas, arulasque etiam tripodes consecrari cognovimus. Sed et sculptura etiam quiddam notatu dignum præbet. Monstrorum nempe species quædam singularis, neque alias fere visa, ex singulis ejus angulis exsculpta prominet; quæ, cetera quidem, sphingibus plane simillima sunt, nisi quod facies illis foeminea semper seu puellaris, nostris autem, virilis tributa est. At nescio equidem, an Sphinges etiam mares

<sup>1</sup> Fort. Licetus, basim quandam triangularem, insigni sculptura ornatam, neque huic nostræ simillimam exhibet, e qua, columella quædam, cui lucernæ duæ hinc inde appensæ sunt in altum exsurgit: *in apice vero cujusque anguli, ut Licetus ipse basim describens ait, Sphinges infident miræ tres; capite barbati Sileni, collo prorsus humano, alis, ventre, caudaque draconis.* Atque ad ejusmodi fortasse Candelabrum lucernamve, basim itidem nostram adjunctam olim fuisse, conjicere licet. Vid. Licet. de Lucern. l. 6. c. 14. p. 667. it. Montfauc. Vol. 5. l. 2. c. 9. Tab. 44.

a Veteribus interdum fingi solerent: quod nonnulli sane, ex Philemonis loco quodam, ab Athenæo citato, indicari crediderunt; ubi homo quidam de Coquo suo, ænigmatice semper loquente, querens, se non Coquum sed Sphingem marem in domum suam introduxisse dicit<sup>1</sup>.

Istud tamen utcunque fuerit, ego profecto, ex monstrorum nostrorum alis, mammis, pedibusque leoninis, quæ Sphingibus certe propria sunt, artificem nonnisi Sphingum imagines exhibere voluisse arbitror: quas quidem Veteres istos ante Templa collocare, atque in Vasculis quoque sacris persæpe insculpere solitos cognovimus; quo res nimirum divinas mysticas esse, atque *ænigmatum involucris a profanis tegendas, significant*<sup>2</sup>,

<sup>1</sup> Athen. l. 14. c. 22. p. 659.

<sup>2</sup> Clem. Alex. Strom. l. 5. p. 664, 671. &c.



T A-

## T A B U L A XIII.

**B**acchi Imagunculam æneam hic delineatam habemus; de cuius symbolis, muneribusque, cum a scriptoribus antiquis tantopere decentata, atque omnibus cognita sint, plura hoc loco differere, lectori certe fastidiosum effet.

Altera vero ista Icuncula, Hermarum forma, ex ære facta, explanatione forsitan aliqua egere videatur; quippe cui nullam omnino similem, vel in libris descriptam, vel in Museis asservatam vi-di. Calathus iste seu modius, quem capiti impositum gerit, Serapidis fere proprius habetur; neque alii cuivis Deo, nisi rarissime attributus: facies autem imberbis ac juvenilis, Phœbum potius, Bacchumve, quam Serapim præ se ferre videtur, qui barbatus plerumque, Jovique aut Æsculapio simillimus fingi solet<sup>1</sup>. Cum vero Serapim Deorum fere omnium vicem Ægyptiis suis supplevisse, atque Apollinis potissimum, Solisve mune-

<sup>1</sup> Vid. Dei hujus imagines a Montfauconio collectas. *Antiqu.* Vol. 2. Par. 2. l. 1. c. x. Tab. 40—N.B. Inter Deos istos, qui Hermarum interdum forma fingi solebant, Sponius, Hermanubim, exhibuit. Hunc igitur nostrum quidni Hermeserapim appellemus?

ra præstitisse constet<sup>1</sup>, haud alienum censeri potest, ut vultu ille quoque juvenili nonnunquam fingeretur; qualem illum quidem in lucernis veterum, gemmisque anularibus exhibitum animadvertis<sup>2</sup>.

At præter calathum, quo Serapis semper instructus est, radiis eum quoque, aureisve, quas vocant, Solis comis, ornatum aliquando videamus<sup>3</sup>. Atqui figura item nostra diadema seu coronam gestat, punctis quibusdam, sed jam attritis distinctam, quæ radiorum fortasse speciem olim exhibere potuissent: hoc autem utcunque fuerit, at calathus certe non nisi fæcunditatis atque abundantiae symbolum esse intelligitur, quam Serapidis præcipue numen per terrarum orbem diffundere credebatur.

*Principes Dei, inquit Varro, sunt Cælum et*

<sup>1</sup> Alexandria—Serapin atque Isin cultu pæne attonitæ venerationis observat; omnem tamen illam venerationem Soli se sub illius nomine testatur impendere, vel dum capiti ejus calathum infigunt &c. Macrob. Sat. 1. 20—Serapim multi Æsculapium;—quidam Osirim; plerique Jovem;—plurimi Ditem Patrem. Tacit. Hist. l. 4. 84. it. Diod. Sic. l. 1. c. 2.

<sup>2</sup> Vid. Fort. Licet. De Antiquor. Lucern. l. 6. c. 13. p. 1178. Vid. it. Montfauc. ib. & Gorlæi Dactyloth. Tab. 30.

<sup>3</sup> Vid. Montfauc. ibid. et Chifflet. de Gemmis Abraxeis. Tab 26.

## TABULA XIII.

151

*Terra; iidem qui in Ægypto, Serapis et Isis<sup>1</sup>.* Serapidis autem cultus Romam nonnisi fero, et postremis Reipublicæ temporibus traductus esse appareat. Quumque Fana ejus nonnulla *privatum intra urbem exstructa esse*, indicatum esset, Senatus ea demoliri, nec nisi extra pomoerium ædificari, jussit<sup>2</sup>: hinc meretrix quædam apud Catullum homines quosdam lecticarios sibi commodandos petit, qui ad Serapim eam deferrent<sup>3</sup>: nam ad ædes extra pomoerium positas, iter mulieri sane longinquum fuerit, necesse est. Hæc autem sacra, quum intra urbem rursus grassari, atque aperte celebrari cœpissent, Agrippa urbis Præfectus repressit, et *ne quis in Suburbano etiam, intra quingentos passus, ea perageret, edicto vetuit*<sup>4</sup>. Tiberius denique *ritus hosce Ægyptiacos, una cum Judaicis etiam, penitus compescuisse*<sup>5</sup> dicitur.

Haec tenus quidem Ægyptiorum Deos, Romanis nonnisi invidiosos, suspectosque esse videamus; sed haud magno deinceps temporis intervallo, intra urbem ipsam receptos, Templisque

<sup>1</sup> De Ling. lat. l. 4. Si Dii sunt illi quos colimus, cur non in eodem genere Serapim, Ifimque numeremus? — Cic. Nat. D. 3. 19.

<sup>2</sup> Dio. l. 40. p. 142. E.

<sup>3</sup> Catul. Epigr. x.

<sup>4</sup> Dio. l. 54. p. 525. B.

<sup>5</sup> Sueton. in Vit. c. 36..

CON-

consecratos reperimus. De quorum numero Serapis Vespasiani potissimum auctoritate, Romanis commendatus esse videtur; qui Dei nimurum hujus ope ac monitu, *visum cæco cuidam Alexandriæ, pro concione palam restituisse fertur*<sup>1</sup>. Atque hinc in filiorum ejus, Titi et Domitiani, nummis, Dei hujus effigiem, perinde ac in anulis antiquorum nonnullis, in sculptum videmus<sup>2</sup>: ad quem quidem morem Plinius, qui eadem ætate floruit, alludens, *Statuas Ægyptiorum numinum a viris quoque in digitis portari, queritur*<sup>3</sup>.

Templum ejus in Circo deinde Flaminio possum, atque ab Imperatoribus ornatum<sup>4</sup>, Serapimque ipsum, Dei magni Invictique nomine invocatum legimus; ut Inscriptiones permultæ, ob beneficia accepta, morbosque sanatos, ei dicatae testantur<sup>5</sup>. Hunc enim, perinde ac Æsculapium, tanquam Deum Medicum, Salutisque datorem, a Veteribus cultum esse liquet. “ Quid

<sup>1</sup> Suet. in Vespaf. c. 7. Cæci hujus, claudique etiam a Vespasio sanati historiam Tacitus quidem fusius narrat; additque demum; *Utrumque, qui interfuerere, nunc quoque memorant, postquam nullum mendacio pretium.* Hist. l. 4. c. 81.

<sup>2</sup> Mus. Romam. p. 105. it. Gorlæi Dactyl.

<sup>3</sup> l. 33. 3.

<sup>4</sup> Isium et Serapium decenter ornavit. &c. Lamprid. de Alexand. Sev. c. 26.

<sup>5</sup> Vid. Gruter. Inscript. Vol. I. p. 84. 8: 85. 3, 4, 8.—

“convenit, inquit Cicero, ægros a conjectore  
 “somniorum potius quam a Medico petere Me-  
 “dicinam? An Æsculapius, an Serapis potest  
 “præscribere per somnium curationem valetudi-  
 “nis, Neptunus gubernantibus non potest <sup>1</sup>? ”  
 Varro etiam, Ciceronis æqualis, (quorum ætate,  
 Serapim nondum in honore Romæ constitutum  
 diximus) in cultum ejus illudens, hoc distichon  
 composuit.

*Hospes quid miras nummo curare Serapim?  
 Quid? quasi non curet tantidem Aristoteles<sup>2</sup>.*

Jam vero, quum hæ Deorum Imagines inculæ, ex  
 ære aut marmore fictæ, et numero tere infinitæ,  
 e Romanorum veterum supellecstile ad hæc usque  
 tempora conservatæ sint; si quærat tandem ali-  
 quis, cuinam usui inservierint; et cur simula-  
 chra tam exilia tanto olim in numero ac pretio  
 fuerint? Ratio sane facilis atque expedita est.  
 In singulis nempe ædibus, nobilium præsertim ac  
 divitum, Lararium fuit, seu Sacrarium quoddam  
 domesticum, minutulis hisce statuis refertum;  
 quibus sacra quædam privata aut gentilitia facere,

<sup>1</sup> De Divinat. l. 2. 59.

<sup>2</sup> In Eumenid. apud Non. Marcell. de Propriet. Serm. c. 7. 105. in  
 voce miras, pro miraris.—

thus adolere, cultumque prorsus divinum tribuere solebant. “ Apud Heium Mamertinum, ut Cicero scribit, sacrarium erat magna cum dignitate a majoribus traditum, perantiquum: in quo signa pulcherrima quatuor, summo artificio, summa nobilitate----unum Cupidinis e marmore, Praxitelis; alterum, Herculis egregie factum ex ære, Myronis opus: item ante hosce Deos erant arulæ, quæ sacrarii reliquias significare possent. Erant ænea præterea signa duo, non maxima, sed eximia venustate, virginali habitu atque vestitu,--- Canephoræ ipsæ vocabantur---quarum artificem Polycletum esse dicebant---hæc omnia signa ab Heio de Sacrario Verres abstulit.”

Quinetiam in cubiculis quoque, Deos hoscedomesticos, Laresque interdum collocabant; et Cubiculares ideo appellabant. Atque hinc inter domûs Augustæ officia, servos, qui curæ Larum Cubiculi præfuerere, commemoratos invenimus<sup>2</sup>: e qua quidem Deorum classe, “ Nero, ut

“ Sue-

<sup>2</sup> In Verr. 4. 2.

<sup>2</sup> Suet. in Domitan. 17. Ad harum autem imaginum cultum et custodiam, Collegium etiam seu sacerdotium, Cæsarum temporibus institutum fuisse, Fabrettus docet, quod *Collegium magnum Larum et Imaginum*, in Inscriptionibus antiquis appellatur. [de Colum. Traj. p. 205.] in

“ Suetonius ait, Icunculam quandam puellarem,  
 “ pro summo numine, trinis in die sacrificiis,  
 “ coluit; volebatque credi, se monitione ejus fu-  
 “ tura prænoscere<sup>1</sup>. Galba quoque simulachrum  
 “ Fortunæ æneum, cubitali majus, in parte ædi-  
 “ um suarum consecrassæ, ac menstruis supplica-  
 “ tionibus, et pervilgio anniversario coluisse tra-  
 “ ditur<sup>2</sup>. ” Atqui hæc eadem Fortuna, non nisi  
 ex auro postea ab Imperatoribus, in cubiculis su-  
 is consecrata erat; quam Antoninus, jam mori-  
 turus, ad M. Aurelium, successorem suum,  
 transferri jussit<sup>3</sup>. Neque hoc tamen a principi-  
 bus solummodo, sed a Philosophis quoque facti-  
 tum legimus. Etenim Asclepiades quidam Cy-  
 nicus, Juliani Imperatoris amicus, argenteum  
 quoddam Deæ Cœlestis pigmentum, quocunque ibat,  
 secum efferre, accensisque cereis in cubiculo vene-  
 rari solitus fertur<sup>4</sup>.

Inter Deos hosce domesticos, defunctorum  
 etiam quorundam imagines, qui virtutis, ingenii,

in quarum una, *Signum Libertatis restitutæ*, sub Galba Imperatore,  
*Imaginum Domus Auguftæ Cultoribus*, positum dicitur. Boissar. Tom.

5. P. 12.

<sup>1</sup> In Ner. c. 56.

<sup>2</sup> Suet. in Gallb. c. 4.

<sup>3</sup> Vid. Capitln. in Antonin. P. c. 12. & M. Aurel. c. 7.

<sup>4</sup> Amm. Marcellin. l. 22. 13.

aut rerum gestarum gloria floruisse, in cubiculis collocari, colique solitas cognovimus. Suetonius, se Augusti *Imagunculam æream Hadriano Imperatori dono dedisse scribit, quam Princeps iste inter cubiculares postea coluit*<sup>1</sup>. Vitellius autem, quo Claudium adulando demereretur, *libertorum ejus, Narcissi et Pallantis, imagines inter Lares consecravit*<sup>2</sup>. Sanctus Augustinus, *Marcellinam quandam, Carpocratis Heretici discipulam, imagines Jesu, et Paulli, et Homeri, et Pythagoræ, adorando incensumque ponendo, coluisse dicit*<sup>3</sup>: neque aliter fere Alexander Severus, in Larario suo, et *Apollonium, et Christum, et Abraham et Orpheum et hujuscemodi Deos habuisse traditur*<sup>4</sup>.

At non domi solummodo, atque in Larariis, Imperatores olim simulacra ista colere, sed in itineribus etiam bellicisque expeditionibus secum efferre solebant. Etenim Herculis Icuncula quædam, men-

<sup>1</sup> In Aug. c. 7.

<sup>2</sup> Suet. in Vitell. c. 2.

<sup>3</sup> De Hæresib. § 7.

<sup>4</sup> Lamprid. in Alex. Serv. c. 29. Item Plinius Junior, de Titinio Capitone; *mirum est, inquit, qua religione, quo studio imagines Brutorum, Cassiorum, Catonum domi, ubi potest, habeat.* [Epist. I. 1. 17.] ita quoque Alexander Severus, *Virgilii imaginem cum Ciceronis simulacro, in secundo Larario habuit, ubi et Achillis et magnorum virorum, &c.* Lamprid. ib. c. 31.

sura haud pedali, Lysippi opus, a Martiale et Statio celebratur, quod Alexandro magno, et Hannibali et Syllæ deinceps in bellis suis omnibus comes fuisset<sup>1</sup>. At Syllam, Apollinis potius Imagunculam auream, Delphis ablatam, in sinu circumtulisse legimus; eamque in præliis suis, militumque in conspectu, *amplecti et orare solitum, ut promissa maturaret*<sup>2</sup>.

Ex hoc igitur simulacrorum usu cultuque, quem jam exposui, haud mirum videri potest, quod tantus eorum numerus, ex urbis antiquæ ruinis erutus, atque ad hæc usque tempora conservatus sit; quum omnes fere et Principum et privatorum domos, tum ornatus, tum religionis. potissimum causa, eis refertas esse constet.

<sup>1</sup> — *Non est fama recens, nec nostri gloria cœli  
Nobile Lysippi munus, opusque vides.  
Hoc habuit numen Pellei mensa Tyranni,  
Qui cito perdomito viator in orbe jacet.  
Hunc puer ad Lybicas juraverat Hannibal aras :  
Jusserat hic Syllam ponere regna trucem.  
Offensus variæ tumidis terroribus aulæ  
Privatos gaudet nunc habitare lares.* Mart. Ep. I. 9. 44..  
vid. item Stat. Sylv. 4. 6.

<sup>2</sup> Plutarch. in Vit. p. 471. B. it. Valer. Max. I. 1. c. 2.—J. Cæsar etiam, uti Dio tradit, *Venerem armatam, in anulo insculptam, gestabat, qua quidem, Tesseræ loco, in maximis præliis uti solebat;* I. 43, p. 235. A.

## S E C T. II.

**I**N Larariis autem istis, ædiumve privatarum facellis, arulæ semper quædam, ut supra dictum est, ante Imagunculas ipsas positæ fuere, in quibus thus odoresque Diis Laribus incendere, dapesve interdum, pro more, apponere solebant. Itaque figuram Tabulæ hujus tertiam, antiquo opere ex ære conflatam, ex arularum earum numero fuisse censeo. Basis enim ejus tripes, ad usum aliquem sacrum eam pertinuisse, indicat; vertexque rotundus ac concavus, ad nihil fere aliud, ac thuris pauxillum excipiendum, accommodatus esse appetet. Quod veteres autem, thure aut farre, aut vino, Laribus supplicare, coronasque interdum, festis diebus, offerre solerent, certissimum est.

*O parvi, nostrique Lares, quos thure minuto,  
Aut farre, aut tenui soleo exornare corona<sup>1</sup>.*

In Museo Etrusco, a Franc. Gorio in lucem edito, figuram quandam tripodem, huic nostræ haud

<sup>1</sup> Juven. Sat. 9. 137. Plautus etiam Larem ita loquentem introducit.

*Huic filia una est : ea mihi quotidie*

*Aut thure, aut vino, aut aliquâ semper supplicat ;*

*Dat mihi coronas.*

— — — Prolog. in Aulular.

abfi-

absimilem, descriptam cernimus, quam Vir ille eruditus, atque in rebus hisce versatissimus, Geniorum arulam esse declarat<sup>1</sup>: Genios autem istos, haud alias fere, ac Lares Penatesque ab antiquis habitos cognovimus<sup>2</sup>.

Arulæ nostræ forma plane perbella est; basiſque sculptili opere affabre ornata: cuius quidem ad exemplar, mensarum ſæpe, sellarum, lectulorumque pedes, vel hodie etiam fabricatos vide-mus. Quippe ex hujusmodi veterum monumen-tis, ac ſupelleſtilis antiquæ reliquiis, noſtrorum temporum opifices, qui in artibus suis famam ullam nomenque consecuti ſunt, operum ſuorum modulos plerumque ſumpſiſſe cognovimus; lau-demque eos maximam ſemper adeptos eſſe, qui prifcos illos quam diligentiflme eſſent imitati.

\* Tab. 166. ejusdem etiam formæ Arulas in Romanorum Imperatorum nummis ſæpe incſculptas cernere licet.

2 Adhærent ergo ſingulis, et sub nomine Geniorum aut Penatium domos occupant. His ſacraria conſtituuntur; his quotidie libatur, ut Laribus. Laſt. Div. Justit. c. 28. Vid. it. Montfauc. Vol. 1. l. 2. c. 12.

## T A B U L A XIV.

**P**RIMA Tabulæ hujus figura, Bacchæ cujusdam, seu feminæ in Bacchi sacris initiatæ, imaginem præ se fert. Etenim Bacchus, cum ad Indos armis domandos proficisceretur, multas secum mulieres in exercitu duxisse traditur; quæ lymphatico quodam furore actæ, tripudiis carminibusque gesta ejus celebrabant, ac cultum ei divinum tribuebant. Quamobrem in perpetuam expeditionis istius memoriam, mulieres postea ad Bacchi semper sacra adhibitæ erant: quæ, quia in Orgiis istis, insanientium sese more agitare, ac gesticulari solerent, græco nomine Bacchæ ac Mænades dictæ sunt; velut Deus item ipse, ab earum comitatu, Bacchus<sup>1</sup>.

*Ubi capita Mænades vi jaciunt hederigeræ,  
Ubi sacra sancta acutis ululatibus agitant<sup>2</sup>.*

Bac-

<sup>1</sup> Diodor. Sic. l. 4. p. 211, 212. &c. Edit. Han. it. Suid. in voce—

<sup>2</sup> Catull. de Aty. 64. Hi Bacchantium chori, sive virorum, sive feminarum, Thiasi vocantur.

*Instituit Daphnis Thiasos inducere Baccho.*  
[Virg. Ecl. 5. 30.] hinc Bacchus apud Euripidem

Bacchæ vero nostræ caput corona hederacea redimitum cernimus: Quippe hæc Bacchantium propria erat, ac mitra interdum et diadema a veteribus appellatur; quam Bacchus omnium primus invenisse, et capiti suo imposuisse fertur<sup>1</sup>. Qui, ut Diodorus ait, ad repellendos capitis ex nimio potu dolores, *mitra caput cinxit, Regibusque inde diadematis gestandi exemplum dedit*<sup>2</sup>. Sed de Bacchi, et Bacchantium, atque ebriorum fane omnium coronis, frequens admodum apud Poetas mentio occurrit. De Baccho ita Ovidius;

*Bacche racemiferos hedera redimite capillos*<sup>3</sup>.

Tum de muliere Bacchi sacra celebrante;

*Cur hedera cincta est? hedera est gratissima Baccho*<sup>4</sup>.

Θίασος ἐμὸς, γυναικες, ἃς ἐν Βαρβάρων  
Εκόμισα παρέδρυς—

O Thiaso mi, mulieres, quas ex barbaris  
Eduxi comites—

in Bacch. v. 56.

Vid. it. Athenæum. l. 8. c. 16. p. 362. F. At vero Thiasos hosce, non Bacchi modo, sed aliorum item Deorum fuisse, neque aliud omnino ac Sodalitium seu Collegium, in Dei alicujus honorem institutum, sodaliumque ipsorum conventum significasse. Vir eruditus Ant. Van Dale demonstravit. Dissert. 9. c. 1.

<sup>1</sup> Plin. Hist. N. l. 16. 4.

<sup>2</sup> Diodor. Sic. ibid.

<sup>3</sup> Fast. 6. 43.

<sup>4</sup> Ib. 3. 765.

Propertius deinde, de ebriis quibuslibet.

*Sobrios ad lites: at cum est imposta corona,  
Clamabis capiti vina subesse meo<sup>1</sup>.*

Cur autem ex hedera potissimum coronæ istæ contextæ fuerint, rationes quasdam physicas a scriptoribus antiquis traditas accepimus; atque ab Athenæo præsertim in hunc sensum. “Bac-“ chi cultoribus, quorum capita ex nimio potu“ dolerent, remedio aliquo opus erat. Itaque“ vinculum sive fertum in eum finem promptissi-“ mum reperiebatur, natura ipsa viam indicante.“ Nam cum capitis quidam dolore affectus esset,“ et compressu deinde ejus levatus, tum vincu-“ lum doloris istius remedium esse intellexit.“ Hanc igitur medicinam inter potandum postea“ adhibentes, corona præcipue hederacea caput“ revinciebant; quia hedera et magna copia et“ omni loco spontanea nascitur; neque aspectu“ fane invenusta, foliisque virentibus ac corym-“ bis frontem opacans, et absque ullo odore in-“ commodo præterea refrigerans<sup>2</sup>.“

Sed aliam quoque rationem Plutarchus reddit;

<sup>1</sup> Propert. El. I. 4. 2. it. apud Plautum; *Quid, tu, ego video?*  
Pf. *Cum corona ebrium Pseudolum tuum.* Pseud. Act. 5. 2.

<sup>2</sup> Athen. I. 13. c. 5. p. 675. it. Plut. Sympos. 3. p. 647. A.

quippe " mulieres, inquit, Bacchicis furoribus  
 " correptæ, ad hederam recta feruntur, quam  
 " manibus statim arripientes ac devorantes, dis-  
 " cerpunt ; ita ut non fide omnino indigni esse  
 " videantur, qui hederæ spiritum quendam inef-  
 " se dicunt, qui insaniam furoremque excitat,  
 " mentesque hominum labefacit, et absque vini  
 " ope, ebrietate ac delectatione quadam eos po-  
 " tissimum afficit, qui ad concitationes ejusmodi  
 " fanaticas natura procliviores fint<sup>1</sup>." Hæc  
 Plutarchi sententia, a Plinio item confirmatur,  
 qui *hederæ succum, largius potum, mentem tur-*  
*bare, et caput purgare, nervisque nocere,* scri-  
 bit<sup>2</sup>. Atque ob hanc fortasse causam *hederam*,  
 inter *doctarum præmia frontium* recensitam, Po-  
 etisque præsertim pro corona datam legimus<sup>3</sup> :  
 propter ineptiæ scilicet, sive enthusiasmum

<sup>1</sup> Plutarch. Quæst. Rom. ad Fin.

<sup>2</sup> Lib. 24. c. x.

<sup>3</sup> Hor. Od. l. i. r. Cœlius item Valerianus, Medicus antiquus,  
 artis suæ experientia, ut credere licet, edoctus, hanc eandem vim He-  
 deræ attribuit ; *eamque cum bibitur, mentis errorem inducere*, declarat.

N.B. Hoc autem omne, quod de hederæ vi ineptiæ hoc loco  
 dictum est, a familiari meo multis, mihi nominibus carissimo, Gylielmo  
 Heberden M. D. Collegii Div. Johan. apud Cantabrigenses socio, ac-  
 cepti. Qui ad Artis Medicæ scientiam, qua quidem egregie præstat, lit-  
 teras eas omnes reconditiores, atque ea humanitatis studia adjunxit, quæ  
 hominem ingenuum ornare, suisque jucundum reddere queant.

quendam excitandi potestatem, quam, perinde ac laurus, habuisse reperta est.

Bacchi vero sacra, tam apud Græcos, quam Romanos, noctu plerumque celebrari solebant; ut Bacchus ipse apud Euripidem declarat.

*Νύκτωρ τὰ πολλὰ σεμνότητα ἔχει σκότος.*

*Noctu plerumque: tenebræ reverentiam creant.*

Cui Pentheus respondet,

*Τέτταρες γυναικαὶ δόλιον ἔστι οὐ σαθρόν.*

*Hoc mulieribus infidiosum est ac turpe<sup>1</sup>.*

Quod quidem Romæ olim verum esse comper-  
tum est: nam cum Consulibus indicatum esset,  
Orgia ista nocturna nonnisi stupris flagitiisque in-  
quinari, ac corruptelarum omnium, ut Livius ait,  
*officinam esse*; non modo ex urbe, sed ex Italia  
etiam omni exterminata fuerunt<sup>2</sup>. Quæ tamen,  
labante rursus disciplina, paucis post annis revo-  
cata, atque a mulieribus palam celebrata inveni-  
mus. At vero, ex ingenti Icuncularum harum  
numero, quæ, bacchantium habitu, usque ad hæc  
tempora conservata sunt, eas ad viventium simi-  
litudinem fictas esse, germanasque matronarum

<sup>1</sup> Euripid. Bacch. v. 486.

<sup>2</sup> Liv. l. 39. x.

quarundem, quæ Bacchi sese sacris addixerant, imagines fuisse, verisimile videtur.

At illud denique haud silentio prætereundum; Bacchæ nimirum nostræ imaginem *oculos argenteos* habere: quod tamen in aliis sæpe Imagunculis inveniri; neque ex argento tantum, sed e crystallo, gemmisque item pretiosis, oculos effici solere, harum rerum periti confirmant<sup>1</sup>. Plinius, *Leonem marmoreum* in Insula Cypro extitisse ait, *cui oculi ex smaragdis radiantibus inditi essent*<sup>2</sup>. Et Pausanias Minervæ simulachrum commemorat, cujus oculi cærulei erant<sup>3</sup>.

Hanc oculos conficiendi artem, opifices quidam proprii, atque a sculptoribus diversi, exercuisse videntur: de quorum grege M. Rapilium, in Inscriptione quadam antiqua celebratum legimus.

M. RAPILIVS. SERAPIO. HIC

AB. ARA. MARMOR.

OCVLOS. REPOSVIT. STATVIS.

QVOAD. VIXIT. BENE<sup>4</sup>.

<sup>1</sup> Offervaz. Istorich. Sopr. Alcun. Medaglion. Da Fil. Buonarotti. Pr. xii.

<sup>2</sup> Lib. 37. 5.

<sup>3</sup> Lib. 1. 14.

<sup>4</sup> Spon. Miscell. Sect. 6. p. 232. it. Inscript. Antiqu. Etrur. Vol. 1. p. 406.

Atque hinc ex Icunculis hisce, nonnullæ oculis penitus destitutæ, foraminibus jam vacuis relictae, reperiuntur; quibus oculi scilicet vel ob vetustatem delapsi, vel ob preium abrepti essent. At in nostra imagine, nil nisi album oculi argenteum fuisse appareat, cujus in medio foramen adhuc concavum restat, in quod gemma olim aliqua pupillæ loco inserta fuisset. Ex quo intelligere possumus, quantum artifices isti veteres operum suorum laudem ex oculorum acie pendere existimaverint, quantamque ideo in iis fingendis curam atque industriam posuerint.

## S E C T. II.

**F**igura secunda, Gladiatoris effigiem æneam nobis ostendit, sed ex quo Gladiatorum genere aut factione, haud facile dici potest. Nam etiamsi multæ hujusmodi figuræ in libris descriptæ ac pervulgatae fint, attamen nudæ plerumque, neque armis ullis, quibus factiones istæ maxime distinguebantur, instructæ apparent. Nudos eos quidem depugnare solitos, ab antiquis traditum est. *Homo, inquit Seneca, sacra res, jam per ludum jocumque occiditur: et quem erudiri ad inferenda accipiendaque vulnera nefas erat, is jam nudus*

*nudus inermisque producitur, satisque spectaculi  
in homine mors est<sup>1</sup>.*

Gladiatoris autem nostri caput vel galeæ specie quadam, vel pileo potius, libertatis symbolo, tectum est. Etenim galea, quam Gladiatorum plerisque communem esse scimus, non caput modo, sed faciem quoque penitus obtegisse videtur.

— — — — — *Nec Myrmillonis in armis,  
Nec Clypeo Gracchum pugnantem aut falce supina,  
Nec galea faciem abscondit<sup>2</sup> — — —*

Bonannius, qui duas quoque Gladiatorum figuras, ex ære fictas edidit, omnes ejusdemmodi Icunculas, Marti seu Herculi, ob victoriam aliquam partam, libertatemve concessam, ex voto donatas esse arbitratur<sup>3</sup>. Atque in hunc igitur finem Icunculam item nostram, effectam olim esse judicemus: neque enim ratio ulla probabilior inveniri facile poterit, quamobrem tantum earum numerum vel hodie extantem reperiamus. Ad quem quidem figuræ istas consecrandi morem Tertullianus quasi alludere videtur, cum melio-

<sup>1</sup> Sen. Epist. 95. vid. item Ep. 7.

<sup>2</sup> Juven. S. 8. 200. vid. item. Fabrett. Column. Trajan. c. 8. p. 258, 259. ubi Batonis, Gladiatoris galeam videre licet, et duos Genios pileum libertatis, victori cuidam Circensi deferentes.

<sup>3</sup> Museum. Kircher. p. 70.

rem *Homicidam, laudem suam consecratione pen-*  
*sare, scribit*<sup>1</sup>.

## S E C T III.

**A**Liæ duæ Icunculæ restant, mihi tamen haud ita cognitæ, ut quidquam de eis certi statuere audeam. At quoniam in argumento prorsus conjecturali versamur, alteram, cuius capiti æneo antiqui operis, thorax e marmore recens accommodatur, Germanici fortasse effigiem; alteram autem æneam, ex oris habitu, comarumque ornatu, vel Ægyptii alicujus, vel Etrusci potius Herois simulachrum esse conjicerem.

<sup>1</sup> De Resurrection. Carn: p. 390.



T A-

## T A B U L A XV.

**I**nstrumenta hujusmodi ænea, qualia in hac et sequenti Tabula delineata damus, anfis longiusculis, et sculptili opere ornata, quorumque exemplaria, in rerum antiquarum collectionibus, vel hodie etiam bene multa reperiuntur, ab eruditorum plerisque Pateræ vocantur<sup>1</sup>. At vero Pateram, nihil aliud ac poculi genus quoddam fuisse, perspicuum est; cuius quidem usus tam in conviviis, quam in sacrificiis, a scriptoribus fere omnibus celebratur. “ In poculis, inquit Varro, erant pateræ, eo quod pateant, latine ita dictæ. Hisce etiam nunc in publico convivio, antiquitatis retinendæ causa, cum magistri sunt, potio circumfertur; et in sacrificando, hoc poculo magistratus dat Deo vinum<sup>2</sup>. ” Macrobius item, “ Pateram, uti nomen ipsum

<sup>1</sup> Vid. Causæ Muse. Rom. Fabrett. Inscript. p. 538, 542. Cabinet de S. Genev. p. 20, &c.

<sup>2</sup> De ling. lat. l. 4. Cicero a Thucydide traditum scribit, Themistoclem, cum taurum immolavisset, excepisse sanguinem patera, et eo poto mortuum concidisse. [in Brut. 43. Ed. Lamb.] Isidorus item, Pateræ inquit sunt dictæ, vel quod in ipsis potare solemus, vel quod patentcs sunt, dispanis labris. Origin. l. 20. 5.

Y

“ indicio

“ indicio est, poculum planum ac patens esse,  
“ dicit<sup>1</sup>. ”

*Hic regina gravem gemmis auroque poposcit  
Implevitque mero pateram*

*Ille impiger hausit  
Spumantem pateram et pleno se proluit auro<sup>2</sup>.*

Ex his, aliisque veterum testimentiis appareat, pateras, Vascula quædam concava et capacia fuisse, quibus vinum vel in conviviis largiter bibere, vel in sacrificiis Diis libare, vel in cornua victimæ fundere, vel sanguinem ejus excipere solerent; ad quæ quidem munera, has nostras figuræ, ob superficiem planam atque æquabilem, inhabiles omnino atque inutiles esse, vel primo intuitu declarare licet. At vero germanam paterarum effigiem, in sculpturis numismatibusque antiquis, in quibus sacrificium aliquod solenne describitur, in sacrificiantis usque manu cernimus; rotundam scilicet, et concavam, neque ansa ulla aut manubrio instructam<sup>3</sup>.

<sup>1</sup> Saturn. I. 5. 21.

<sup>2</sup> Virg. Æn. I. 732.

*Supponunt alii cultros tepidumque cruentum*

*Excipiunt pateris* — *ibid.*

<sup>3</sup> Vid. Column. Trajan. Tab. 67, 74, 78. it. Du Choul. Relig. Vet. Rom. p. 96, 135, &c.

Itaque Begerus Causeum, ceterosque rerum antiquarum interpretes, jure reprehendit, qui figuram ejusmodi planas atque ansatas, paterarum nomine appellant; quas ille quidem, Isidori auctoritate, Apophoretas vocat; quibus poma seu bellaria quaelibet in conviviis, coenantibus dari solita, contendit<sup>1</sup>. At haec eadem instrumenta, Vir doctus Bonannius patellas vocat<sup>2</sup>; quibus epulas nimirum Diis Laribus apponere confuerunt.

*Et libate dapes; ut grati pignus honoris  
Nutriat incinctos missa patella Lares<sup>3</sup>.*

Hinc Varro a Nonio citatus, *Quocirca*, inquit, oportet bonum civem legibus parere, et Deos colere, atque in patellam dare μηρὸν νέας, paullulum carnis<sup>4</sup>. De his autem patellis, quod Diis appositum esset, comedere, tanquam hominis summe impii indicium a Cicerone commemoratur; at qui reperiemus, inquit, asotos, primum ita non religiosos, ut edant de patella<sup>5</sup>.

<sup>1</sup> Thesaur. Brandeb. Vol. 3. p. 424. <sup>2</sup> Muse. Kircher. p. 12. Tab. 5.

<sup>3</sup> Ovid. Fastor. l. 2. 633.

*Fert missos Vestae pura patella cibos.* ibid. l. 6. v. 310.

<sup>4</sup> Non. Marcell. c. 15. 6. Hinc Dii Lares, Patellarii dicti. Plaut. Cist. 2. 1. 46.

<sup>5</sup> De Finib. 2. 22.

Sed patellas item istas, perinde ac pateras, concavas fuisse, atque a nostris propterea diversas, certissimum est: quippe quæ oleribus obsoniisque interdum coquendis, atque in mensam etiam ponendis inserviisse dicuntur.

*Nec modica cœnare times olus omne patella<sup>1</sup>.*

Montfauconius igitur, in rebus antiquis omnium sane versatissimus, de instrumentorum nostrorum usu ac nomine, nihil omnino statui posse putat, donec e veterum monumentis, quiddam nondum visum eruatur, quod lucem aliquam majorem ad hanc litem dirimendam præbeat<sup>2</sup>.

At quocunque demum nomine hæc vascula appellanda sint, hoc saltem ex eorum forma perspicuum videtur, ea videlicet nonnisi ad aridum aliquid, vel in sacrificando Diis, vel in cœnando convivis, offerendum, inventa atque adhibita esse.

Quod vero ad res potissimum divinas olim pertinuissent, ex figuris in eis insculptis, conjicere

<sup>1</sup> Hor. Epist. I. 1. 5. v. 2.

*Quamvis lata gerat patella Rhombum*

*Rhombus latior est tamen patella.*

Mart. Epig. 13. 81.

Plinius item pulmentarium in patellis decoctum commemorat. [Hist. N. I. 13. 8. ad fin.] Atque apud Varronem legimus, multifariam in patellis coquere cæpe. in Fragm. p. 71.

<sup>2</sup> Antiqu. Vol. 2. I. 3. c. 5. §. 4.

licet; quæ Deorum fere fabellas, imaginesque eas exhibent, quibus vascula potissimum sacra ornari solita accepimus. "Apud Siculos, inquit Cicero, ante Verrem Prætorem, domus erat nulla paullo locupletior, qua in domo hæc non essent, etiamsi præterea nihil esset argenti: patella grandis cum sigillis ac simulachris Deorum; patera, qua mulieres ad res divinas uterentur; Thuribulum: hæc autem omnia antiquo opere et summo artificio facta<sup>1</sup>." Jam ex hoc loco, *Pateræ istæ, quibus mulieres ute- rentur*, a reliquis omnibus, ad communem usum adhibitis, distingui videntur: neque alienum sane existimari potest, genus quoddam paterarum ornatius, leviusque mulierum præcipue usui dicatum fuisse; e quibus vini modo pauxillulum fundere, ad libationes rite faciendas sufficeret: et si talis paterarum distinctio, a nemine, quod sciam, memorata, revera tamen extitisse inveniretur, conjicerem fane, instrumenta hæc nostra de paterarum earum classe fuisse, quæ foeminarum propriæ haberentur. Nam etiamsi nulla eorum figura vel in marmoribus vel numismatibus unquam visa sit, in quibus sacrificium aliquod a vi-

<sup>1</sup> In Verr. lib. 4. 21.

ris celebratum exprimitur; in Priapi tamen sacrificio supra memorato, atque a mulieribus confecto, vasculi speciem quandam, his nostris haud absimilem, mulieris cujusdam in manu cernimus, quæ de Sacerdotum numero esse apparet<sup>1</sup>. Atqui hoc tanquam incertum penitus, nec nisi conjectura quadam extemporali fultum, aliis diligentius investigandum relinquo.

## S E C T. II.

**I**N hac patera, mulieris Cygno insidentis effigies insculpta est; quæ dextra collum avis amplectitur, finistra speculum orbiculare tenet: quod ad Ledæ certe historiolam, a Poetis fere omnibus decantatam, referendum arbitror. De qua quidem fabella, Helena, Ledæ filia, ad Paridem ita scribens, ab Ovidio inducitur.

*Dat mihi Leda Jovem Cygno decepta parentem,  
Quæ falsam gremio credula fovit avem<sup>2</sup>.*

<sup>1</sup> Vid. Boissard. Vol. 1. par. 2. it. Montfauc. Vol. 1. par. 2. lib. 1. c. 28. Tab. 83. 9.

<sup>2</sup> Ovid. Epist. Helen. ad Parid. v. 55.

Leda

Ledam autem ipsam, in speculo sese contemplantem, ac forma oris eximia, qua Jovem ipsum subegerat, quasi exultantem videmus<sup>1</sup>.

*Seu pendent nivea pulli cervice capilli,  
Leda fuit nigra conspicienda coma<sup>2</sup>.*

<sup>1</sup> Id. Amor. l. 2. El. 4. v. 41.



## T A B U L A XVI.

**F**iguræ in hac patera insculptæ, et vetustate, et vasculi ipsius effractione quadam, ita mutilatæ ac pæne obliteratedæ sunt, ut haud jam dignosci aut describi facile queant. Tres tamen hominum vel Deorum potius imagines cernimus; quarum duæ, ora sibi mutuo obversæ, atque eodem plane gestu, altero nimirum pede in terram, altero supra amphoram posito, inter se se quasi colloquentes finguntur. Hisce duabus imaginibus, tertia item media interjecta est, figura scilicet muliebris sedens, cuius ima tantum pars jam restat, reliqua penitus deleta: hanc vero Minervam esse conjicio, ex clypei specie quadam ei adjuncta, quæ os Gorgonis præ se ferre videntur. Atque in aliis etiam hujusmodi pateris, Heroum interdum Deorumque figuræ, hac eadem positura, inter se se colloquentes animadvertisse.

Sculpturæ denique genus præstantiamque quod attinet: illa quidem, in his nostris, perinde ac

<sup>1</sup> Vid. Montfauc. Antiqu. Vol. 2. l. 3. c. 5. it. Causæi Mus. Roman. p. 84. Tab. 20. &c.

in omnibus, quæ vidi, ejusdemmodi instrumentis, nonnisi levi admodum opere, in summa æris superficie exarata est; ubi omnis artificis cura in eo posita appareat, ut lineæ modo extremæ rerum ipsarum formam aliquam rudem, ac similitudinem præ se ferrent.



## TABULA XVII.

**H**Astæ antiquæ spiculum sive cuspidem ænemam in hac Tabula descriptam cernimus, una cum instrumentis duobus fabrilibus, ex ære pariter conflatis: quæ primo quidem aspectu antiquissima certe, nec nisi eorum temporum fuisse diceremus, quibus ferrum vel nondum cognitum, vel, quod magis mirum est, nonnisi raro usurpatum; quibusque Romanorum etiam gladii, quales illi quidem ex urbis veteris ruinis jam saepe effossi dicuntur, ex ære quoque conflati erant.

*Nam prior æris erat quam ferri cognitus usus<sup>1</sup>.*

At vero Ennius, vel priscis ipsis Reipublicæ seculis, enses, hastas, atque arma fere omnia, ferrea fuisse testatur.

*Hastati spargunt hastas, fit ferreus imber<sup>2</sup>.*

*Tum Clypei resonant et ferri stridet acumen<sup>3</sup>.*

Lucretius quoque eam ipsam ferri indurandi artem, qua vel hodie utimur, tanquam communem atque omnibus cognitam, commemorat.

<sup>1</sup> Lucret. 5. 1286. <sup>2</sup> Vid. Enn. Fragmen. p. 81. Edit. Amstel. 1707.

<sup>3</sup> Ib. p. 95. vid. it. p. 80, 50, 56, &c.

*Humor aquæ porro ferrum condurat ab igni.<sup>1</sup>*

Atque hac demum arte inventa, enses ferreos in æneorum locum successisse, atque instrumenta omnia, quibus ex ære antea usi essent, abjecta, et cum ferreis commutata esse declarat.

*Inde minutatim processit ferreus ensis,  
Versaque in opprobrium species est falcis ahenea,  
Et ferro cæpere solum proscindere terræ<sup>2</sup>.*

Virgilius item, et enses, et hastas quoque ferreas plurimis locis memorat.---

*Bina manu lato crispans hastilia ferro<sup>3</sup>.  
Haud secus instrudi ferro, quam si aspera Martis  
Pugna vocet<sup>4</sup>—*

Vitruvius denique, qui Augusti ætate floruisse dicitur, *Machinam istam bellicam, quæ aries dicitur, rostrum de ferro duro, perinde ac naves etiam longas, habuisse, scribit<sup>5</sup>.* Quod ab ipsis arietum, naviumque rostris, adhuc extantibus, quorum nonnulla ipse vidi, confirmatur.

Cum ferri igitur usus temporibus istis cognitus ac familiaris fuisse appareat, illud profecto

<sup>1</sup> l. 6. 968.    <sup>2</sup> l. 5. 1292.    <sup>3</sup> Æn. 12. 165.    <sup>4</sup> Ib. 124.

<sup>5</sup> Lib. x. c. 21. vid. etiam Amm. Marcell. l. 23. c. 4.

mirum videtur, quod ad armorum eorum fabri-  
cam, quorum vis virtusque omnis ex metalli  
duritie, mucronisque subtilitate pendent, æs ta-  
men adhiberetur: nam ita sese rem habuisse, hæc  
nostra instrumenta, atque alia ejusdem generis  
permulta, in libris passim descripta, demonstrant:  
quæ quidem omnia post ferrum inventum ex  
ære fabricata esse, promiscuumque diu cum fer-  
ro ipso usum obtinuisse, certissimum est. Vir-  
gilius enim, quem de ferro, tanquam pugnæ ac  
Martí proprio, loquentem modo induximus,  
haftas tamen, ensesque ac proras etiam navium,  
æratas vocat.

*Æratæque micant peltæ, micat æreus ensis<sup>1</sup>.  
Quot prius æratæ steterant ad littora proræ<sup>2</sup>.*

Attamen hujusmodi omnia, commentatorum ple-  
rosque tanquam poetice dicta, interpretari scio,  
et æs, vocem metallis omnibus communem esse,  
nec nisi de ferro in istis locis intelligi debere,  
contendunt<sup>3</sup>. Sed gladii ipsi ænei, hastarumque  
et sagittarum cuspides ex ære quoque conflatæ, qua-  
rum ingens plane numerus ex urbis antiquæ ru-

<sup>1</sup> Æn. 7. 743.

<sup>2</sup> ib. 9. 122. it. 463.

<sup>3</sup> Vid. Notas Lud. de la Cerdá in Virg. Æn. x. 482. it. Fabrett.  
Col. Traj. 109.

deribus

deribus ad hanc usque ætatem conservatus est, interpretationem istam prorsus refellunt<sup>1</sup>, promiscuumque æris ac ferri usum per multa secula durasse confirmant. Quæ quidem utraque a Cicerone, tanquam belli instrumenta, et Marti propria, commemorantur<sup>2</sup>.

Plutarchus, Aristotele auctore, tradit, *vulnera illa, quæ spiculis gladii æneis infliguntur, minorem efficere dolorem, faciliusque sanari posse quam quæ ferreis; propterea quod æs virtutem quandam medicinalem in se habeat, quam in vulnera ipso statim deponit*<sup>3</sup>. Si ob hanc igitur rationem, vanam licet ac futilem, veteres istos, humanitatis sensu commotos, arma ænea usur-

<sup>1</sup> Vid. Montfauc. Antiqu. Vol. 4. l. 2. c. 7.

<sup>2</sup> Jam æs atque ferrum, duelli instrumenta non fani. Leg 2. 18.

<sup>3</sup> Plut. Sypos. 3. c. ult. De hac vulnerum medicina ab æris rubigine petenda, celebris quædam fabella, a Poetis fere omnibus decantata, apud antiquos ferebatur. Telephus enim, Mysiae rex, cum ab Achille graviter vulneratus esset, nec remedium ullum invenire posset, ab Oraculo hoc responsum accepit, *ut ab eo, a quo vulnus acceperat, sanaretur*. Ab Achille igitur opem petiit, qui hastæ ejus rubiginem, qua eum feriisset, ad vulnus adhibens, illud statim sanavit.

*Ego Telephon hastæ*

*Pugnantem domui, vietum orantemque refeci.* Ov. Met. 13. 171.

*Mysus et Hæmonia juvenis qua cuspide vulnus*

*Senserat, bac ipsa cuspide sensit opem.*

Propert. 2. 1.

*Et sic, inquit Plinius, Telebum proditur sanasse Achilles, siue id ærea siue ferrea cuspide fecit. Ita certe depingitur eam decutiens gladio.*

Hist. N. 34. 15.

I

passe

passe arbitramur; cur fabrorum tamen sculptorumque instrumenta ex ære etiam fecerint, mihi sane permirum, nec ullo modo explicabile videtur.

De Hastæ nostræ ætate, aut ubinam demum terrarum reperta fuerit, nihil equidem habeo, quod liquet. Sin conjecturis indulgere liceat, cum præacutam eam, usque simul rubigine attritam videmus, haud scio, an in camporum eorum aliquo, ubi de Romæ ipsius fato decertatum esset, Pharsalico nimirum, Mutinensi, aut Philiplico, inventam esse dicamus; secundum celebre istud Virgilii vaticinium;

*Scilicet et tempus veniet, quo finibus illis  
Agricola, incurvo terram molitus aratro,  
Exesa inveniet scabra rubigine pila<sup>1</sup>.*

### S E C T. II.

**F**iguræ secundæ, aliam item consimilem, ac plane parem, a Comite Mascardo Veronensi, descriptam observavi; quam auctor iste nobilis, jaculi seu sagittæ, qualis e catapulta olim emitte soleret, cuspidem fuisse dicit<sup>2</sup>. Mont-

<sup>1</sup> Georg. 1. 493.

<sup>2</sup> Vid. Museo Di Ludov. Moscardo. p. 305.

fauconius

fauconius autem, qui tres quatuorve ejusdem generis ac formæ e diversis museis protulit, eas nonnisi sculptorum instrumenta esse declarat, quibus scilicet, ad lapides in formas quaslibet fingendos, utebantur<sup>1</sup>.

## S E C T. III.

**F**Igura tertia sculptoris certe instrumentum fuit; ac celebrioris fortasse cujusdam, quatenus ex instrumenti ipsius ornatu, ac sculptili opere, conjectare liceat. Mucronem ejus, rubigine paullulum detersa, auri penitus nitorem exæquare reperii: Plinius nempe, “æs auro quondam argentoque confusum esse dicit, ac tria ejus genera recenset: Candidum, argento nitore quam proxime accedens, in quo illa mixtura prævaluit: alterum, in quo auri fulva natura: tertium, in quo æqualis omnium temperies fuit<sup>2</sup>. ” Strabo etiam lapidem commemorat, “qui combustus in ferrum transit: et in camino deinde cum terra quadam excoctus pseudargyrum stillat: cui ubi æs additum est, temperamentum fit, quod nonnulli orichalchum vocant<sup>3</sup>:” quod orichalchum vero istud auri

<sup>1</sup> Montfauc. Antiqu. Vol. 3. l. 5. c. 1. Tab. 60. <sup>2</sup> Hist. N. 34. 2.

<sup>3</sup> L. 13. p. 908. Edit. Amstel. 1707.

plane:

plane pulchritudinem exæquaverit, neque alterum fere ab altero dignosci potuerit, ex Cicerone intelligimus, qui de hac ipsa re quæstionem instituit, *siquis aurum vendens orichalcum se putet vendere, indicetne ei vir bonus, aurum illud esse? an emat denario quod sit mille denarium*<sup>1</sup>. Quamobrem ex orichalcho fortasse, seu temperatura istiusmodi aliqua, instrumentum nostrum conflatum esse puto.

<sup>1</sup> Cicer. Offic. l. 3. 23. Isidorus de Aurichalco loquens, *fit autem, inquit, ex ære et igne multo, ac medicamentis perducitur ad aureum colorem: nomenque ex lingua Latina et Græca compositum dicit.* [l. 16. c. 19.] sed errare prorsus videtur, nam Orichalcum ab antiquis scriptum, atque a Græco penitus fonte derivatum esse, constat. [vid. Festum in voce et Fabri notas. it. Plinii Hist. Nat. 34. 2.] Atqui ex his veterum testimoniiis colligere licet, istud aeris temperamentum, quod jam auri plane nitorem exæquat, quodque Pinchbackii, Opificis Londinen sis, nomine celebratum est, non horum temporum inventum esse, sed antiquis in usu communi fuisse.



T A-

## T A B U L A XVIII.

**J**AM vero nummorum, quos omnium primos a Romanis ex ære signatos accepimus, seriem quandam hic descriptam damus. Quorum quidem plerosque Romæ dudum ipse collegeram, nonnullos autem, ibi quoque repertos, a viro mihi amicissimo, et cum ingenii acumine, tum litteris omnibus politioribus ornatissimo, Daniele Wray, S. R. S. dono accepi.

Æris signandi originem, a scriptoribus fere omnibus ad fabulas, Janumque referri invenio. Athenæus a Dracone Corcyraeo memoriæ proditum scribit, “ Janum e Græcia in Italiam mi-  
“ grasse, montemque ibi juxta Tyberim occu-  
“ passe, Janiculum postea ab eo dictum : ac in-  
“ ter alia, in vitæ humanæ commodum, ab eo  
“ excogitata, coronas et rates, et navigia inve-  
“ nisse ; omniumque primum, nummos præ-  
“ fertim æneos signasse ; in cuius beneficij  
“ memoriam, multas deinde Græciæ, Italiæ,  
“ ac Siciliæ urbes, in nummis suis, ex altera  
“ parte Janum bicipitem, ex altera, ratem vel  
A a “ navem,

“ navem, vel coronam insculpsisse.” Alii vero rem paullo aliter tradunt; “ Saturnum scilicet, “ a Jove filio expulsum, ad Janum confugisse; “ qui eum benigne admodum excepit, atque in “ regni societatem admisit; et quo adventus “ ejus memoriam in posteros propagaret, æra, “ ex altera parte, capitis sui, ex altera navis ef- “ figie signavit<sup>2</sup>. ”

<sup>1</sup> Deipn. I. 15. c. 13. p. 692. Quod vero ab Athæno hoc loco de nummis istis traditur, a Siciliæ ac Magnæ Græciæ nummis antiquis, adhuc extantibus, plane confirmatur; in quibus, ex altera parte, Jani bicipitis, ex altera, coronæ vel navis sœpe effigiem videmus. Vid. Sicil. de Phil. Parut. p. 142, 143.

<sup>2</sup> Macrobi. Sat. 1.7. p. 217. Lactant. Div. Instit. c. 13. Plut. Quæst. Rom. 274.

Atque hanc quidem famam ad Ovidii certe ætatem mansisse, constat; qui Janum de hac ipsa re secum colloquentem, et quærenti sibi, cur in nummis hisce, Imago biceps, navisque insculptæ fuerint, rem <sup>ig</sup>a exponentem inducit,

Multa quidem didici. Sed cur navalis in ære  
 Altera signata est, altera forma biceps?  
 Noscere me duplici posses in imagine, dixit,  
 Ni vetus ipsa dies extenuaret opus.  
 Causa ratis supereft. Thuscum rate venit in amnum,  
 Ante pererrato Falcifer orbe Deus.  
 Hac ego Saturnum memini tellure receptum,  
 Cælitibus regnis ab Iove pulsus erat.  
 Inde diu genti manxit Saturnia nomen,  
 Dicta quoque est Latium terra, latente Deo.  
 At bona posteritas puppim servavit in ære,  
 Hospitis adventum testificata Dei.

Atqui hæc profe<sup>c</sup>to de Jano Rege, apud prif-  
cos eos fama constans ferebatur; eum videlicet  
in Etruria diu ac feliciter regnasse, atque ob  
multa deinde beneficia, in hominum genus col-  
lata, omnium mortalium primum, in Deorum  
numerum relatum esse.

*Publica quem primum vota precesque vocant*<sup>1</sup>.

Forma autem ejus biceps nihil aliud denotare vi-  
detur, ac circumspectionem istam et follertiam,  
quæ ex præteriorum memoria, futurorumque  
prudentia oritur; quamque Homerus, seni cui-  
vis cauto ac provido attribuit, ὁς ἀμα πρόστω ἡ  
·πίστω λεύστει. Qui a fronte pariter atque a tergo  
prospicit<sup>2</sup>.

At vero Romæ quisnam æra primus signave-  
rit, haud satis compertum habemus. Suidas,  
Tranquilli auctoritate, ad Numam rem defert; at-  
que æs ita signatum, de nomine ejus, nummum  
vocari ait, quum ante id tempus, coriorum tan-  
tum segmenta, aut testas, nummorum loco ad-

Mart. Epig. I. x. 28. Principem in sacrificando Janum esse volue-  
runt. Cic. Nat. Deor. 2. 27.

<sup>2</sup> Iliad. 3. 109. Quali etiam prudentia Plinius, Mauricum fuisse di-  
cit, multis experimentis eruditum, et qui futura posset, ex præteritis  
providere. Epist. I. 1. 5.

hibuissent<sup>1</sup>. Plinius autem, quem jam omnes fere sequuntur, *Servium Tullium æs primum signasse scribit*, quo rudi antea usi essent, signatum vero nota pecudum esse, unde pecunia appellata<sup>2</sup>. Attamen hac pecudum nota, quam boum oviumve effigiem esse dicit<sup>3</sup>, non nisi majorum ponderum nummos signatos fuisse censeo; eos nimirum, quos cum mercibus istis commutare possent, quibuscum boves antea, ovesve commutare solebant. Æris enim lamina durarum librarum, as dupondius vel dupondium vocabatur; trium librarum, Tressis; quatuor, Quadrassis; et sic usque ad Centussim, seu centum assium pondus, quem nummorum æneorum maximum fuisse, ex Varrone discimus<sup>4</sup>. De hac autem nummorum classe, duos omnino Quadrasses, bovis effigie signatos, vel in curiosorum Museis asservatos, vel in libris descriptos vidi<sup>5</sup>. In asse vero librali, ejusve partibus, quorum plura adhuc exemplaria restant, nullam unquam bovis ovisve effigiem, unica tantum excepta, insculptam animadverti<sup>6</sup>.

<sup>1</sup> Suid. in voce Assarion.

<sup>2</sup> Hist. Nat. 33. 3.

<sup>3</sup> Ibid. 18. 3.

<sup>4</sup> Quo majus æris vocabulum non est. De ling. lat. l. 4.

<sup>5</sup> Vid. Montfauc. Antiqu. Vol. 3. par. 1. c. 9. Tab. 27.

<sup>6</sup> Vid. Cabin. S. Genev. Paris. a Molineto edit.

S E C T.

## SECT. I.

**P**rimus iste nummus, germana Affis libralis imago est: ejus prorsus generis, quod Romæ olim, vel a Numa, vel Servio Rege, omnium primum signatum esse liquet. Ex quo idem illud, quod ab aliis Italiæ ac Siciliæ civitatibus factum esse, supra memoravimus, Reges quoque Romanos fecisse, Janique memoriam in nummis suis celebrasse, videmus. Cujus forma biceps ex altera Affis nostri parte, ex altera, Mercurii caput signatum est: quem quidem Deum, tanquam lucri auctorem, commercique præsidem, priscos istos invocasse cognovimus.

*Te quicunque suas profitetur vendere merces,  
Thure dato, tribuas ut sibi lucra, rogat<sup>2</sup>.*

Istud vero, five falx, seu quodvis aliud instru-

<sup>2</sup> Ovid. Fast. 5. 671.

— grates habeo —

Simul Mercurio, qui me in mercimoniis

Juvit, lucrisque quadruplicavit rem meam. Plut. Stich. 3. 1.

Inscriptio item antiqua extat apud Gruterum. p. 55. 1.

MERCVRIO. NEGOTIATORI

SACRVM.

NVMISIVS ALBINVS

EX VOTO.

mentum

mentum fuerit, quod juxta Mercurii caput ex-sculptum prominet, nihil aliud esse a viris doctis putatur, ac nota quædam, qua æris signandi artifices, officinam quisque suam, nam quatuor Romæ institutæ dicuntur, pro arbitrio distingue-re consueverunt.

Affem antiquorum libralem, uncias æris duodecim, et pondere et pretio exæquasse, notissimum est: cuius partes primariæ, in communi maxime usu tritæ, saepiusque idcirco a scriptoribus memoratæ, hæ sunt; Semissis, five pars dimidia, sex unciarum; Triens, seu pars tertia, quatuor unciarum; Quadrans, seu pars quarta, trium unciarum; Sextans, seu pars sexta duarum unciarum; Uncia denique five Stips uncialis, pars duodecima. Quorum quidem nummorum omnium, sextante tantum excepto, exemplaria jam per pulchra quædam lectori contemplanda damus.

## S E C T II.

**S**Ecundus nummus, semissis est, ut littera, S, nota ejusdem propria, utrinque insculpta indicat. Ex altera parte, capite senili, laureato, vel Jovis Capitolini, vel Servii fortasse Regis, æris signandi auctoris; ex altera, navis effigie signatur.

S E C T.

## S E C T . III.

**T**ertius item, Semissis est, sed rubigine haud parum attritus, et cui littera, S, vetustate jam fere evanuit. Hic autem Pegasi effigie utrinque signatus est: cuius quidem ratio haud explicatu facilis videtur, ni cum Begero, Pegafum, tanquam Corinthi symbolum, ad Tarquinii Prisci, Corintho oriundi, originem celebrandam, a Servio ejus successore et privigno adhibitum censeamus<sup>1</sup>. Quippe Pegafum in Syracufarum item nummis; quæ Corinthi colonia fuit, persæpe signatum cernimus; perinde ac in Familiarum etiam Romanarum nonnullis, in quibus litteræ, C O R, interdum inscriptæ, eos ad Corinthum respectum aliquem habere, et vel ab Achaiæ Prætore, vel alio quovis magistratu, Corinthi cum imperio degente, percussos esse, indicant<sup>2</sup>.

<sup>1</sup> Vid. Thesaur. Brandeb. Vol. 3. p. 80.

<sup>2</sup> Vid. Sicil. di Phil. Paruta, descritt. con Medagl. p. 48. &c. it. Morell. Thesaur. in Famil. Bellia et Cæcilia. Tab. 2. Nuim. A. iv. B. c.

## S E C T. IV.

**Q**uartus, Triens est; tertia pars Assis, quatuor uncias complectens, totidemque punctis notatus. Nam singulæ Assis partes istiusmodi punctis, unciarum numerum denotantibus, inter se distingui solebant. Hic autem Triens, ex utraque parte, capitis equini effigie signatur; quod quidem signum, in aliis quoque Romano-rum nummis nonnunquam animadverti; a priscis istis idcirco fortasse adhibitum, ut bellicam eam virtutem, animumque ferocem indicarent, quibus populus Romanus omnes gentes superaturus esset: ob quam etiam causam, urbis ipsius fundator, Romulus, equos ad bellum aluisse, ludosque equestres instituisse traditur<sup>1</sup>.

*Hac Quirinus  
Martis equis Acheronta fugit<sup>2</sup>.*

Atque hinc equum, tanquam Marti dicatum, ac

<sup>1</sup> Equiria, ludi, quos Romulus Marti instituit, per equorum cursum.  
Fest. it. Ovid. Fast. 2. 859.

<sup>2</sup> Hor. Od. 1. 3. 3.

T A B U L A XVIII. 193

bello utilem, et bellatoris etiam nomine a Poetis latinis celebratum legimus.

*Bello armantur equi, bellum hæc armenta minantur<sup>1</sup>.*

S E C T. V.

**Q**uintus, Quadrantem, seu quartam assis partem exhibet, trium unciarum nummum, tribusque ideo punctis notatum: is autem manu aperta, fidei videlicet, in mercibus nummisque permutandis, symbolo, ex utraque parte signatus est.

S E C T. VI.

**S**extus, stips uncialis, five uncia est, assis libralis pars duodecima; unico puncto notatus: atque ex altera parte, vasculi cuiusdam sacrificialis, ex altera, litui auguralis effigie signatus.

<sup>1</sup> Virg. Æn. 3. 540.

*Post bellator equus, positis insignibus, Ætbon.* — ib. xi. 89.  
Vid. it. Georgic. 3. 84. Lucret. 2. 660. Stat. Thebaid. 2. 66.

## S E C T. VII.

**S**eptimus item, stips uncialis esse videtur, ex utraque parte securis, opinor, ac clavæ specie quadam insignitus.

Quod hi autem nummi, assēm, ut supra dixi libralem, partesque ejus revera exhibeant, ex ponderibus eorum inter se collatis, perspicuum est. As enim antiquus duodecim uncias continebat, quæ quidem unciæ ejusdem plane momenti erant, ac istæ, quas Gallico nomine, Averdupois vocamus, atque ad merces varias ponderandas hodie adhibemus. Uncia enim vetus Romana ex granis quadringentis et triginta octo constabat, hanc scilicet nostram, grani tantum unius dimidio, exsuperans<sup>1</sup>. Hæc vero æra, quum figuris, e superficie eminentibus, ac majori idcirco attritui obnoxiis, signata sint, haud parvam sane, post tot elapsa secula, ponderis antiqui diminutionem subiisse reperiuntur; nec majorem tamen, quam quæ ex annorum bis mille vetustate et rubigine exspectari facile poterat: nam quædam eorum, par-

<sup>1</sup> Vid. Hooper on Ancient Meas. p. 10, 14. it. Arbuthn. Tab. 7. Note 1.

## T A B U L A X V I I I .      195

tem solummodo octavam, alia sextam, alia autem quartam, pro variis, quos subierant, casibus, amisisse videbimus.      Unc. Gran.

As noster jam continet	-	-	10	10
Semissis	-	-	4	366
Semissis alter	-	-	4	239
Triens. o o o o	-	3	283	
Quadrans. o o o	-	2	179	
Stips Uncialis. o	-	0	347	
Stips altera	-	-	0	327

Hæc profecto Æra, monumentorum omnium, quæ a priscis Romanis ad nos pervenerunt, vetustissima esse censeo: cuius rei indicum hoc mihi certissimum videtur, quod non typo aliquo impressa aut percussa, sed ex ære fuso conflata sint; atque eis certe seculis, quibus æris feriendi ars nondum inventa erat<sup>1</sup>.

B b 2

At

\* Omnes item Tuscorum veterum nummi ænei, quos hodie extare cognovimus, quosque cum in Dempsteri Etruria Regali. [Vol. 1. p. 350 et Append. 38.] tum in Gorii Museo Etrusco [p. 425. Tab. 196.] delineatos videmus, ex ære fuso conflati sunt: atque hoc ipsum Gorius inter Etruscorum Romanorumque nummos discrimen statuit, quod Etruscorum semper fusi, Romanorum impressi fuerint. [ibid. Vol. 2. p. 421.] at vero nullum istiusmodi discrimen, aut scriptorum aut monumentorum veterum auctoritate confirmatum reperio: Romanosque præsertim, in nummis signandis, hanc æris fundendi rationem per multa secula secutos esse, nec ante bellum fortasse Punicum, feriendi

At vero ante bellum Punicum primum, signata ea omnia fuisse necesse est: quippe eo bello, ut Plinius ait, “cum impensis Respublica non sufficeret, pondus aeris imminutum, constitutumque, ut asses Sextantario pondere ferirentur; ita quinque partes factae lucri, dissolutumque aes alienum. Nota aeris fuit, ex altera parte Janus Geminus, ex altera rostrum navis; in Triente vero et Quadrante rates postea Annibale urgente, Q. Fabio maximo Dictatore, asses unciales facti—ita respublica dimidium lucrata est—mox lege Papiriana, semiunciales asses facti<sup>1</sup>.” Ex quo Plinii testimonio, tres assis Romani diminutiones, diversis temporibus publice constitutas, intelligimus; quibus as scilicet a pondere librali, primum ad sextam, deinde ad duodecimam, endi artem invenisse, ex asse nostro librali, aliisque permultis adhuc extantibus, probabile est.

Sed alias quasdam differiminis notas inter nummos istos a Phil. Bonarotti constitutas animadverti; qui caput istud bifrons, quo signatos eos saepe videmus, in *nummis Etruscis, juvenile et imberbe ac piko tectum*, in Romanis contra, *barbatum ac nudum* semper inveniri, dicit. [Vid. Addend. ad Dempst. Etrur. Reg. p. 38.] At haec quoque distinctio nequaquam vera esse videtur; nam hac ratione, assem nostrum libralem et Etruscum et Romanum simul dicamus necesse erit; Etruscum, quia capite bifronte, imberbi ac juvenili; Romanum, quia nudo. nec pileato signatus est.

<sup>1</sup> Plin. Hist. Nat. I. 33. 3.

## TABULA XVIII.

197

tum ad vicesimam quartam ejus partem redactus est. Hoc autem interea lectori memoria tenendum, assēm istum, utcunque pondere imminutum, in duodecim tamen partes æquales, atque idem usque pretium obtinentes, quæ unciae vocabantur, divisum semper fuisse.



T A-

## T A B U L A XIX.

**U**T Assis modo libralis, partiumque ejus figuræ, in Tabula superiore exhibui, ita Assis jam imminuti, membrorumque ejus, germana quædam monumenta, in hac Tabula describere progredior; quæ quidem omnia, ob æris feriendi artem, hoc temporis intervallo, ut videtur, inventam, non fusa amplius aut conflata, sed impressa aut percussa esse apparent.

## S E C T. I.

**P**RIMUS igitur nummus assem, ad sextantis  
sive duarum unciarum pondus, imminutum  
indicat; quem eodem plane modo signatum cer-  
nimus, quo Plinius asses ejus generis signatos  
esse memorat, ex altera parte, Jano Geminô,  
ex altera, rostro navis. Infra navem vox, RO-  
MA, at litteris jam fere evanescentibus, legitur:  
supra vero, Deæ Victoriae effigies, lauream co-  
ronam manu gestans, ad navem quasi coronan-  
dam, advolare videtur; ob victoriam fortasse  
celebrem istam Duilianam, quæ primo Punico  
bello,

T A B U L A XIX. 199

bello, quo hic ipse nummus signatus fuit, contra Pænos parta est. Notam vero istam, seu litteram, I, quæ supra capita, navimque utrinque exsculpta est, tanquam signum assis proprium, ab eruditis intelligi reperio.

S E C T. II.

**S**Ecundus, assis sextantarii pars dimidia, sive semissis est, littera, S, utrinque notatus; atque ex altera parte, capite, corona laurea redimito, ex altera, rostro navis, signatus. Infra navem vox, ROMA, at vetustate jam fere obliterata, inscripta est.

S E C T. III.

**T**ertius, assis ejusdem pars tertia, sive triens est, quatuor punctis notatus; cuius ex altera parte, Romæ caput galeatum, atque eleganter exsculptum; ex altera, rotæ species quædam cernitur; intra singulos cuius radios singulæ litteræ inscriptæ apparent, artificis fortasse nomen, quasi operis præstantia superbi, olim indicantes; sed nimium jam attritæ, quam ut dignosci facile queant. Atqui eandem etiam

I

rotæ

rotæ figuram, in Tuscorum antiquorum nummis, unde Romani, hanc ipsam æris signandi artem accepisse dicuntur, interdum animadver-<sup>1</sup>; et quum signa istiusmodi omnia symboli-  
licum quiddam continere, a plerisque existi-  
mari video, haud scio, an hac rotæ imagine,  
volubilem nummorum conditionem, citumque  
de manu in manum transitum significari, cen-  
fendum sit.

## SECT IV.

**Q**uartus, assis ejusdem pars quarta, five quadrans est, tribus punctis notatus: cu-  
jus ex altera parte, Herculis juvenis caput, pel-  
le leonina tectum; ex altera rostrum navis  
exsculptum est; ac supra navem vox ROMA.  
Herculis autem caput clavamque in nummis hisce  
haud raro signari cernimus: quem quidem Deum,  
tanquam *Furum latronumque* propulsatorem, a  
pecuniosis præcipue invocari, ac *domuum con-  
servatorem, magnumque Custodem* appellari<sup>2</sup>;

<sup>1</sup> Vid. Dempst. Etrur. Regal. Vol. I. p. 350.

<sup>2</sup> Vid. Gruter. Inscript. p. 45. x. it. p. 134. &c.

eidemque

eidemque divites idcirco bonorum suorum decumas vovere solitos, legimus<sup>1</sup>.

*Hæc vénisse jam opus est, quantum potest,  
Uti decumam partem Herculi polluceam<sup>2</sup>.*

Jam nummorum item horum pondera, cum assis Sextantarii, partiumque ejus descriptione satis apte congruunt, nisi quod Quadrans pondus ejus legitimum aliquantulum exsuperet: atque hoc idem Montfauconius, se in hoc nummorum genere persæpe invenisse declarat<sup>3</sup>. Quippe in nummis istiusmodi feriendis, si æris percussi aliquid, quod accidere nonnunquam necesse erat, ultra modum pondusque nummi proprium forte adhæsisset, illud tamen opifices, in re tantilli pretii, negligendum omnino arbitrarentur.

Unc. Gran.

As noster Sextantarius jam continet	I	348
Semissis	- - - o	342
Triens	○○○ - - o	264
Quadrans	○○○ o	248

Sed assim deinde ad unciale item pondus imminutum esse, a Plinio supra traditum legi-

<sup>1</sup> Διά τι τῷ Ἡρακλεῖ πολλοὶ τῶν πλεσίων ἐδεκάτευον τὰς χειράς. Plut. Quæst. Rom.

<sup>2</sup> Plaut. Stich. Ac. 1. Sc. 3. 80.

<sup>3</sup> Supplem. Vol. 3. l. 4. c. 7.

mus: cuius quoque imminutionis exemplaria pariter quædam hic delineata proferuntur.

## S E C T. V.

**Q**uintus enim nummus, assēm, ni fallor, unciale præ se fert. Quippe nota ista, I, quæ assis propria habetur, utrinque notatus, atque ex altera parte, Jani bicipitis, ex altera, navis effigie, una cum voce, ROMA, subscripta, signatus est.

## S E C T. VI.

**S**extus, assis ejusdem pars dimidia, five Semissis est, littera, S, utrinque notatus; atque ex altera parte, capite senili laureato, ex altera rostro navis insignitus: supra navem vero littera, T, et vasculi quoque cujusdam species, artificis scilicet nota, vel tabernæ ejus signum, exsculpta cernitur<sup>1</sup>.

## S E C T.

<sup>1</sup> Romæ enim olim, perinde ac in urbibus hodie nostris, Opifices, ac mercium quarumlibet venditores, tabernas suas, pro cujusque arbitrio, tabulis pictis seu imaginibus, quas signa vocamus, distinguere conふeverunt. Hinc Galli cujusdam effigiem deformem atque immanem, in C. Marii Scuto Cimbrico pictam, et Tabernæ cuidam in Foro Romano.

## S E C T. VII.

**S**eptimus, assis hujus pars tertia, sive Triens est, quatuor punctis utrinque notatus, atque ex altera parte, Romæ galeatæ capite, ex altera, rostro navis signatus; cui vox, ROMA, etiam supra navem inscripta est.

## S E C T. VIII.

**O**ctavus, assis ejusdem pars sexta, sive sextans est: ex altera parte, Mercurii capite, ex altera, rostro navis signatus<sup>1</sup>.

Atque horum item nummorum momenta inter se satis apte conveniunt, nisi quod As modum ei præscriptum non nihil excedere reputitur.

mano appositam legimus: de quo celebris Crassi Oratoris jocus memoriæ proditur. [Cic. de Orat. l. 2.] Tabernæ erant circa Forum ac Scutum illud, signi gratia positum. Quintil. l. 6. c. 3.

<sup>2</sup> Hunc Sextantem, nummulum eundem esse puto, quem Varro Sextulam vocat, *ærisque signati partem minimam declarat*. [De Ling. Lat. l. 4. vers. fin.] Haud mirum igitur, quod Montfauconius assis hujus *stipitem uncialem*, sive partem duodecimam in Museo suo desiderari ait: quia nullam omnino partem, Sextante minorem, signatam unquam fuisse, ex hoc Varronis loco intelligimus.

Vid. Montfauc. Suppl. Vol. 3. l. 4. c. 7. §. 3..

	Unc.	Gran.
As enim hic uncialis continet	I	83
Semiflīs	S	○ 220
Triens	○○○	○ 165
Sextans	-	○ 87

Tertiam istam assis imminutionem quod attinet, qua ad pondus demum semiunciale, Papiriana lege, redactus fuit, ea quidem a C. Papirio Carbone Tribuno plebis, A. U. 563, facta putatur. Hujus autem assis, haud ullas omnino partes, praeter Semiflīm ac Trientem percussas esse arbitror.

## S E C T I X.

**D**E nummis autem nostris, nonus iste, qui nullis punctis notatus, Janique bicipitis, et navis effigie signatus est, As Semiuncialis esse videtur: quippe semunciae fere pondus adhuc habere reperitur; grana videlicet 194.

Sed litteris eum etiam quibusdam insculptum cernimus, Q. TITI. quae magistratus, opinor, cuius jussu percussus erat, nomen indicant. Nam eadem plane litterae, in Familiae Titiae nummo quodam consimili, insculptae apparent; quibus apis item effigies, de nostro ære jam detrita, ad juncta

juncta est; <sup>u</sup>qua quidem Havercampius, nummorum istorum interpres doctissimus, significari putat, <sup>s</sup>Q. istum Titium, quem tribunum plebis fuisse ait, eloquentiae laude floruisse, atque ex disertorum eorum numero fuisse, quorum sermo melle dulcius fluere dicitur<sup>1</sup>.

At vero alias præterea assis antiqui imminutiones factas olim fuisse, a nemine licet scriptorum veterum memoratas, Montfauconius declarat; idque ex monumentis ipsis, Assiumque partibus adhuc extantibus, quæ cum trium earum imminutionum nulla omnino conciliari possunt, demonstrari contendit<sup>2</sup>. Atque hoc profecto verisimile admodum censendum est; istiusmodi videlicet imminutiones non ita præcipites fuisse, sed gradibus potius lentioribus processisse, quam ut prima penitus vice, duodecim unciae ad duas redigerentur: idque sane a nostris item nummis duobus confirmari videtur.

## S E C T X.

**N**Ummus enim decimus, quatuor punctis notatus, Triens sine dubio esse appetet;

<sup>1</sup> Vid. Thesaur. Morell. in Fam. Titia. Numm. iv.

<sup>2</sup> Montfauc. Suppl. Vol. 3. l. 4. c. 6. §. 2.

ex altera parte Romæ galeatæ, ex altera, Herculis, Centaurum clava ferientis, imagine signatus: eum autem assis olim semilibralis, seu sex unciarum, Trientem fuisse, necesse est, propterea quod unciam adhuc unam, et grana item 365 pondere exæquet.

## S E C T. XI.

**N**ummus denique undecimus, unico punc-  
to notatus, atque ex altera parte Romæ  
galeatæ capite, ex altera, rostro navis signatus,  
assis certe ejusdem pars duodecima, five Stips  
uncialis est, quippe quæ Semunciae fere, seu gra-  
norum 215 jam pondus habet.

Praeter has autem Assis antiqui partes, quas  
in Tabulis his expressas videmus; aliae præterea  
quinque, atque omnes quidem semissæ majores, a  
scriptoribus sæpe memorantur; Deunx, Decunx,  
Dodrans, Bes, Septunx: quæ tamen omnes,  
non nummi totidem signati, sed fictitii tantum  
erant, seu summæ potius nummorum diversæ,  
quæ in pecunia numeranda, ex unciis aliquot  
vel de Assæ demptis vel semissi additis conficie-  
bantur. “ Septunx, inquit Varro, a septem et  
“ uncia conclusum: reliqua a diminutione; ut a  
“ duo-

“ duodecim, una dempta uncia, Deunx ; dempto Sextante, Decunx ; dempto Triente, Drans ; dempto Triente, Bes, ut olim Des<sup>1</sup>. ”

Infra semissem quoque nummus adhuc unus restat, Quincunx scilicet, cuius nulla in his Tabulis figura datur. An is autem inter numeros signatos revera censendus sit, mihi sane haud perspicuum est. Montfauconius, se unicum modo ejus exemplar vidisse declarat, quinque punctis notatum<sup>2</sup>. At vero, quanquam de viri sanctissimi pariter ac doctissimi fide, nullo modo derogare velim, tamen cum puncta ista ita confuse interdum atque obscure expressa animadverti, ut haud facile dignosci possent ; cumque nemo eorum quispiam, qui numeros ejusmodi ediderunt, Quincuncis omnino figuram exhibuerit<sup>3</sup>, horum certe alterum verum esse oportet, Quincuncem videlicet aut nunquam signatum fuisse, aut si fuerit, in desuetudinem postea abiisse ; neque de nummo idcirco signato jam intelligendum esse, sed perinde ac nostræ monetæ quinque denarios, de nummi tantum

<sup>1</sup> De Ling. Lat. I. 4. vers. fin.

<sup>2</sup> Supplém. Vol. 3. l. 4. c. 7. §. 3.

<sup>3</sup> Vid. Cabin. de Sainte Genev. p. 45. &c. it. Dempst. Etrur. Rec. gal. V. 1. p. 350.

fictitii nomine, ex uncia de semisse dempta, vel Trienti addita, confecti; neque aliter equidem Horatius de eo interpretandus videtur.

*Romani pueri longis rationibus assēm  
Discunt in partes centum diducere. Dicat  
Filius Albini, si de Quincunce remota est  
Uncia, quid superet. Poteras dixisse Triens. Eu!  
Rem poteris servare tuam. redit uncia, quid  
fit?*

Semis.—<sup>1</sup>

Jam in ærum nostrorum plerisque ea ipsa signa impressa cernimus, quæ Plinius Assi, partibusque ejus tanquam propria attribuit; Jani videlicet bicipitis, ac navis ratisve imagines<sup>2</sup>. Præter hæc autem ærum signa legitima ac propria, alia interdum diversi prorsus generis animadvertere licet, quæ a magistratibus, quibus æris signandi munus commissum erat, pro arbitrio plerumque posita esse videntur<sup>3</sup>. Etenim in

<sup>1</sup> De Art. Poet. 325.

<sup>2</sup> Hinc Festus Quadrantem, ratitum dictum esse scribit.

<sup>3</sup> Post Reges Urbe pulsos, Æris signandi potestatem penes consules fuisse, haud dubium est; hi tamen, cum rebus gravioribus distenti essent, reliquis, opinor, magistratibus munus istud committere solebant. Temporis autem progressu, magistratum quandam proprium,

in Familiarum Romanarum nummis, aspes hofce, item ac singulas eorum partes, signis fibi propriis notatos, et una cum percussoris nomine, symbolis etiam quibusdam ad familiam ejus pertinentibus, signatos saepissime videmus<sup>1</sup>: ex quo quidem signorum in his nummis varietatem maxima ex parte derivatam arbitror. Quod Janus autem Geminus et Navis, signa semper aeris legitima ac praeципua fuerint, ex puerorum lusu quodam, ut Macrobius scribit, demonstratur: nam æs, inquit ille, *ita signatum fuisse, hodie intelligitur ex aleæ lusu; cum pueri denarios in sublime jactantes, Capita aut Naviam, lusu teste vetustatis, exclamant*<sup>2</sup>.

qui huic rei præcesset, constitutum invenimus; tres videlicet cives, quos Triumviros seu Treviros monetales appellabant. Hos Ciceronis ætate extitisse, ex joco quodam ejus in nomen illud illudentis, appareat. [Vid. Epist. Fam. l. 7. 13. it. de Leg. 3. 3.] Pitiscus, ex Fastorum Consularium auctoritate, eos ante bellum Punicum creatos esse contendit. Vid. Lexic. in Voce—

<sup>1</sup> Vid. Thesaurum Morell. ubi horum nummorum exempla in Familii saltem antiquioribus satis multa exhibentur.

<sup>2</sup> Macrob. Sat. 1. c. 7. Navia, ratis erat ex unico ligno exsculpta. Fest. Atqui hunc eundem aleæ lusum, a Romanis, ut videtur, derivatum, apud pueros item nostros in usu adhuc esse videmus; qui numeros æneos in aerem jactantes, Capita aut Feminam, exclamant, sponfione interim facta, utrum eorum ad terram superius sit casurum.

Priscis Reipublicæ temporibus, post Reges statim exactos, nonnisi modicam admodum æris signati copiam Romæ inventam esse, multasque propterea civium, bobus ovibusve solvi solitas, traditur<sup>1</sup>. Legibus vero tunc cautum erat, ne mulcta gravissima duos boves, et triginta oves excederet; utque bos Centussibus, Ovis Decussibus æstimaretur. Fannius deinde Consul, A. U. 592. legem sumptuariam tulit, ut in festis solennioribus, Centussis, in aliis quibusdam, Trecussis, reliquis autem diebus, Decussis tantum, seu deni Asses in singulas cenas insumerentur<sup>2</sup>. His igitur seculis, ob æris signati inopiam, assēm haud parvi pretii fuisse liquet: sed postquam argentum aurumque deinde signari, atque in urbe sensim abundare coeperint, tum æris pretium imminui, assēmque demum, tanquam vilem prorsus, nec sine contemptu quidem memoratum, legimus; ita ut qui summam rei aliquujus vilitatem significare vellent, se assēm daturos, negarent<sup>3</sup>.

<sup>1</sup> Plutar. in Vit. Poplic. p. 103.

<sup>2</sup> Vid. Dionys. Hal. it. A. Gell. 1. 2. 24. it. Macrob. Sat. 2. 13.

<sup>3</sup> Cic. Orat. pr. Quinctio. 5. As enim quarta fere parte minus, quam denarius noster, pretio valuisse putatur.

*Cum deerit egenti*

*As laquei pretium*<sup>1</sup>. —

*Mersa rate Naufragus assens*

*Dum roget*<sup>2</sup>. —

At vero Quadrans, seu quarta assis pars, balneatoribus semper, tanquam propria eorum merces, vel more vel lege constituta erat; quam plebecula nimirum pro balneorum publicorum usu solvere solebat. Hinc Quadrante lavari; idem fere apud auctores veteres significat, ac balneo uti<sup>3</sup>. Quippe apud populum sub sole calido degentem, neque linteis omnino ullis, sed lana prorsus vestitum, cum balnea certe, et ad munditiem et ad valetudinem etiam necessaria erant, prudenter admodum provisum esse videtur, ut eorum usus omnibus promiscue, et pretio sane quam minimo permissus esset.

<sup>1</sup> Hor. Sat. I. 2. 2. 99.

<sup>2</sup> Juv. 14. 301.

<sup>3</sup> *Dum tu Quadrante lavatum*

*Rex ibis* —

Hor. Sat. I. 3. 137.

*Cadere Silvano porcum Quadrantelavari.* Juv. Sat. 6. 446.

## TABULA XX.

Prima Tabulae hujus figura ponderis antiquorum libralis effigiem satis pulchram, ex ære conflatam, exhibet; quæ litteris græcis in hunc modum signata est; Λ·Α. Quarum quidem primæ duæ, Λ, ponderis ipsius nomen, Litram, indicant; Α, vero unam Litram denotat. Hujusmodi pondera, ex ære facta, et publice signata, in templis, ærariis, macellisque urbis, ad communem civium usum asservari solebant, ut ex monumentis, inscriptionibusque antiquis appareat<sup>1</sup>. Pondus hoc nostrum, ob materiæ duritiam, superficiemque glabram et æquabilem, nonnisi parvulum quiddam de gravitate pristina amisisse reperio: nam uncias adhuc undecim et paullo plus dimidia, continet; parte nimirum ejus haud vicefima quarta absumpta: quod eruditorum eorum sententiam plane confirmat, qui libræ veteris uncias, ut supra dictum est, easdem esse contendunt, ac nostras istas, quas Averdupois hodie vocamus<sup>2</sup>.

<sup>1</sup> Vid. Fabrett. Inscript. p. 524. &c.

<sup>2</sup> Vid. Hooper on Ancient Measures, p. 10, 15. Arbuthnot. Tab. 7. Note. 1. vid. item, Operis hujus p. 194 Not. 3.

At vero omnes, qui de ponderibus his antiquis scripserunt, ac momenta eorum accurate definire conati sunt, magnam in eis sane varietatem et discrepantiam se invenisse dicunt, ita ut in singulis non modo Italiæ, sed urbis etiam ipsius regionibus, diversa eorum genera in usu fuisse existiment, quæ ad modulum aliquem certum legitimumque a magistratibus haud redigi potuerunt: quorum quidem pleraque, quæ hodie manent, a mensura fere usitata deficere, quædam tamen contra, eandem exsuperare reperiuntur<sup>1</sup>. Atque hæc ponderum antiquorum discrepantia, nummorum item æneorum, qui ad ponderum rationes semper accommodari solent, varietates eas supra indicatas explicare poterit.

## S E C T II.

**P**ondere ea minora, quorum seriem quandam proximo loco descriptam videmus, nonnisi unciam veterem ejusque partes aliquas exhibent. Ex variis autem eorum momentis perspicere licet; uncias hasce, prout in locis diversis reperta, aut ad usus diversos adhibitæ essent, et magnitudine plerumque et pondere a se invicem discrepasse. Me-

<sup>1</sup> Vid. Hoop. ib. p. 173.

dici Romæ degentes, unciam Atticam usurpasse dicuntur, quæ Romana gravior erat, atque ex granis circiter quingentis constabat<sup>1</sup>. Quamobrem de ponderum horum minutorum figuris, primam et maximam, unciam istiusmodi Atticam esse puto; haud viginti jam grana de pondere justo desiderantem.

Secunda Figura, uncia Romana est, de pondere tamen antiquo parvulum quiddam diminuta.

Tertia item, uncia est, ut notæ istæ argenteæ in superficiem ejus insertæ, indicant: quarum altera,  $\mathbb{X}$ , unciæ propria esse, altera vero, A, unam, ut dixi, denotare, putatur<sup>2</sup>. Hæc autem uncia, vel vetustate attrita, vel pondere potius minori, quam par erat, ab initio conflata, jam quartam unciæ Romanæ partem, et amplius aliquanto desiderare reperitur.

Quarta, tribus punctis distincta, Drachma Attica est, octava unciæ Atticæ pars, quæ medicis præcipue in usu fuit, et tres scrupulos, tribus istis punctis indicatos, continebat<sup>3</sup>.

Quinta, duobus punctis notata, duos unciæ ejusdem scrupulos denotat.

<sup>1</sup> Vid. Hoop. ibid. p. 56.

<sup>2</sup> Vid. Le Cabin. de S. Genev. p. 63. Tab. 18. Fig. 1, 5.

<sup>3</sup> Drachma Attica (fere enim Attica observatione Medici utuntur) denarii argentei habet pondus. Plin. l. 21. 34.

$\Delta\pi\alpha\chiμὴ\tauὸ\sigmaγδον\tauῆς\epsilon\gammaκίας$ . Hesych. in  $\Delta\pi\alpha\chi$ .

Reliquæ duæ, quæ restant, forma plana atque orbiculari, Unciam item Romanam, et Semunciam indicant; ut ex notis, momentisque eorum appareat. Nota enim ista  $\Gamma$ , quam in aliis quoque ponderibus animadverti, Unciam, Græce scriptam, ὀντίαν, denotat<sup>1</sup>. Quid autem notulæ istæ, in figura Semunciali insculptæ, significant, haud dictu facile est. Crucis sane forma, eam Imperatorum Christianorum temporibus confectam<sup>2</sup>, momentumque ejus, semunciam esse, ostendit; quæ grana tantum quatuordecim de pondere antiquo amisit.      Unc. Gran.

Litra igitur nostra, seu Libra	} II	222
jam continet		
Prima Uncia -	I	46
Secunda - - -	O	424
Tertia - - -	O	321
Drachma - - -	O	55
Duo Scrupuli -	O	42
Uncia plana - -	O	407
Semuncia - -	O	205

<sup>1</sup> Vid. Le Cabin. ib. Fig. II.

<sup>2</sup> Ibid.—

## S E C T. III.

**F**igura tertia, Aquilæ effigiem æneam, basi quoque æneæ infistentem, præ se fert. Hujusmodi autem Imagunculas, ex auro, argento, aut ære interdum deaurato fictas, signa militum Romanorum præcipua et nobilissima fuisse, notissimum est: quæ hastis nimirum longiusculis impositæ, singulis legionibus, tanquam propria earum insignia, singulæ tributæ erant: quem quidem alitum regem, Josephus, Legionibus Romanis, quasi *imperii symbolum, omenque victoriae*, præfuisse scribit<sup>1</sup>.

Præter Aquilas autem istas Legionarias, cohortes item singulæ, ac manipuli signa sibi propria habuerunt, quæ ex rerum variarum formis, alia super aliam congestis, atque hastæ pariter impositis, constabant. In his, Imperatorum imagines pictæ, et in clypeis singulis inclusæ, principem fere locum obtinebant; quibus Aquila quoque deaurata, et clypeo inclusa, desuper plerumque adjuncta erat; ita ut ex triplici aut quadruplici clypearum ordine, una cum Aquila superimposita, hæc signa in nummis, sculpturisque

<sup>1</sup> De Bell. Jud. l. 3. c. 6. Edit. Haverc.

antiquis

antiquis in altum persæpe exstructa reperiantur<sup>1</sup>.

Hæc vero Aquilæ et magnitudine et pondere perexiguo fuerint, necesse est, propterea quod hi omnes clypearum ordines, imaginumque, ut vocantur, suggestus<sup>2</sup>, a signifero facile, idque vel una, ut videtur, manu, portari possent: ut ex signiferorum ipsorum figuris, in columnis antiquis incisis, colligere licet<sup>3</sup>. At vero Legionarias etiam Aquilas, quæ vel singulæ portabantur, hac nostra figura haud majores multo fuisse, ex Floro discimus, qui insignem eam Variani exercitus cladem, qua tres legiones perierant, commemorans, “signa, inquit, et Aquilas duas adhuc “barbari possident; tertiam signifer, priusquam “in hostium manus veniret, avulsit, mersamque “intra baltei sui latebras gerens, in cruenta pa-“lude sic latuit<sup>4</sup>.” Quippe perexiguam Aquilam istam fuisse, fatendum est, qui in baltei miliaris latebris occultari commode poterat.

Hæc signa militaria, sacrata semper habita esse, Aquilasque præfertim, fulminis ministras, divinis plane honoribus coli solitas, accepimus. Tacitus eas quidem, *propria legionum numina*, appell-

<sup>1</sup> Vid. Colum. Trajan. p. 7, 16, 29, 77, &c.

<sup>2</sup> Tertull. Apol. c. 16. <sup>3</sup> Vid. Column. ib. p. 77. &c.

<sup>4</sup> Lib. 4. c. 12.

lat<sup>1</sup>. *Religio tota castrensis*, inquit Tertullianus, *signa veneratur, signa jurat, signa omnibus Deis præponit*<sup>2</sup>. Itaque hac religione commotus, *Parthorum Rex, Artabanus, Aquilas et signa Romana, Cæsarumque imagines adoravisse*, traditur<sup>3</sup>. Atque hinc in signis istis, facella quædam parvula et fastigiata, Aquilis, ad divinitatem eorum indicandam imposita, atque in nummis interdum antiquis expressa videmus<sup>4</sup>.

Attamen non in castris modo ac militiæ, sed domi etiam Aquilas hasce in istiusmodi facellis collocatas, et cultas esse legimus: de quo quidem genere, *Aquila ista argentea* fuit, cui *Catilina sacrarium domi constituisse, cultumque divinum tribuisse* dicitur<sup>5</sup>. Atque hanc igitur Aquilæ nostræ Icunculam, quæ basi, in arulæ plane modum conformatae, ad vota quasi excipienda, insistit, ex Aquilis istis sacratis fuisse conjicio, quæ vel in signis militaribus portari, vel domi etiam consecrari, ac numinum instar in Larariis coli solebant.

<sup>1</sup> Annal. 1. 39.

<sup>2</sup> Tertull. ibid.

<sup>3</sup> Sueton. in Calig. c. 14. 5.

<sup>4</sup> Vid. Patin. in Numm. Constantini et Filior. it. Steweck. in Vegetum. c. 6.

<sup>5</sup> Cicer. in Catil. Orat 1. 9. 2. 6.

## S E C T IV.

**F**igura quarta, Gutti antiqui, ex ære confecti, effigiem ostendit; vasculi scilicet, ad olea, unguenta, ac liquida quævis pretiosa conservanda, atque ut nomen indicat, guttatum fundenda, inventi. Usus autem ejus in balneis præcipue vigebat: ubi lautiores quique, cum lavati jam, strigilibusque abstensi essent, tum oleo, seu unguento aliquo nobili, ex his vasculis guttatum effuso, inungi solebant.

— *Domus interea secura patellas  
Jam lavat et bucca foculum excitat et sonat uncis  
Strigibus, et pleno componit linteum Gutto<sup>1</sup>.*

Præterea ad sacros item ritus, Guttos adhibitos esse, a Plinio indicatur; qui *M. Curium jurasse*, scribit, *se ex hostium præda nihil attigisse, præter Guttum faginum, quo sacrificaret*<sup>2</sup>. Quippe in prisca illa urbis paupertate, nonnisi Guttis ligneis aut fictilibus, vel principes civitatis libamina sua ad Deorum aras ferre solitos, constat.

At vero vasculorum eorundem figuræ, in monumentis arulisque sepulchralibus sæpiissime in-

<sup>1</sup> Juven. S. 3. 261.

<sup>2</sup> Lib. 16. 38.

sculptas, reperimus<sup>1</sup>: quod quidem Guttos item hosce ad sepulchrorum sacra pertinuisse, atque ad unguenta pretiosa et odorifera in mortuorum cineres fundenda, adhibita fuisse, ostendit.

## S E C T. V.

Hæc Pedis ænei figura, de donariorum eorum numero fuisse videtur, quæ ex voto Deorum aliqui suscepto, ac beneficio inde accepto, tanquam grati animi pignus, in Templo ejus suspendi solebant. Hanc enim apud omnes fere gentes opinionem invaluisse accepimus, Deos nimirum donis maxime placandos esse.

*Munera, crede mihi, placant hominesque Deosque;  
Placatur donis Jupiter ipse datis<sup>2</sup>.*

Quamobrem omnes istæ membrorum humanorum imagines, quæ vel fictiles vel ex metallis conflatæ, e Templorum veterum ruinis sæpe effossæ atque ad hunc diem conservatæ sunt<sup>3</sup>, ex hac superstitione originem duxisse videntur ; ne-

<sup>1</sup> Vid. Boissard. Par. 3. p. 46, 61, 65, 68, &c.

<sup>2</sup> Ov. de Art. Amand. 3. 653.

<sup>3</sup> Vid. Montfauc. Antiqu. Vol. 2. l. 4. c. iv. &c. it. Muse. Kircher. Claff. 2. p. 61. it. Thomasin. de Donar. &c.

que aliud omnino esse, ac dona istiusmodi, quæ, ob membra ista morbo aut dolore aliquo levata, Deorum alicui ex voto dicata fuissent.

Hujusmodi vero donariis, etiamsi Æsculapii potissimum templa, ut supra dixi, referta fuerint, quæ remediorum salutarium mercedem, ægri sacraverant Deo; attamen omnibus promiscue Deis hæc eadem quoque suspensa fuisse, constat: quorum quidem exempla bene multa adhuc extantia, et in libris passim descripta, videre licet. De his autem Pedum imaginibus, Fabrettus tria sane paria marmorea exhibuit, quorum primum ISIDI. FRVCTIFERAЕ dicatum est; secundum, Deæ cuidam, haud alias memoratae, QUIE IANAE; tertium, nullo omnino titulo insignitum<sup>1</sup>.

Bonannius item, Jesuita sane eruditus, tres Pedum figuræ, æneam, fictilem, et marmoream edidit, aliasque præterea ex argilla fictas, in Collegii Romani Museo asservari ait, quas omnes vel pedibus laborantium, vel navigantium potius vota fuisse putat, Dianæ seu Veneri suscepta,

<sup>1</sup> Vid. Fabrett. Inscript. 471, 472—Bina pariter pedum marmoreorum paria, in uno lapide insculpta, ab eodem exhibita videmus, cum hac inscriptione;

LICINIA. PHILETE.

PRO. SALVTE. SVA. ET. SVOR.

D. S. P.

quam

quam nautæ præsertim, tanquam maris Dominam invocare confueverunt. In cuius rei testimonium, Pedem quoque votivum, eximio opere e succino fictum, adducit, cum hac inscriptione.

D. M.

VENERI. SS. FELICI  
CONSERVATRICI. MATRIQVE. DEVVM.  
CVPIDINI. COELESTI. C. CAESTIANUS<sup>1</sup>.

Hanc vero eandem, de donis tabulisque votivis, superstitionem, Romæ etiam hodie, perinde ac in urbe veteri, vigere, alio quodam libello demonstravi; quod quidem a Bonanno ipso, jam confirmari video; qui de his veterum donariis disputans, eorumque exempla varia proferens, hanc deinde clausulam adjungit; “ Talem Eth-  
“ nicorum morem etiamnum ubique imitantur,  
“ sed veræ religionis significatu, Christi fideles;  
“ qui marinis undis jactati, Deiparæ, tanquam  
“ propitiæ maris stellæ, opem implorant; ac  
“ præsertim in Adriatico, ex quo cum littus te-  
“ nuerint, non raro nudis pedibus, ad facram  
“ Ædem Lauretanam, peregrinantur sua vota

<sup>1</sup> Mus. Kircher. p. 68, 69. Bina quoque pedum paria, in marmore quodam insculpta, et INVICTE CELESTI VRANIAE dicata, idem Bonannius commemorat. p. 78.

“ soluturi;

“ soluturi; ibique in Tabellis pericula expressa  
“ relinquunt.”

## S E C T. VI.

DE Tigridis imagine ænea, quam ultimo loco  
hic exposui, nihil equidem, quod liquet,  
dicere habeo. Attamen quia opere antiquo nec  
invenusto perfecta esse videtur, ad reliquas Ta-  
bulæ hujus figuras eam adjungere libuit, ut lo-  
cum saltem vacuum implere posset. Hanc be-  
stiæ rabidae figuram, ore hiante, uberibusque  
pendentibus, quæ clypeum item Gorgonis ore  
insignitum, conspectui quasi hominum objicit,  
quum ferocitatem terroremque præ se ferat, ad  
usum aliquem militarem spectasse conjicerem, ni-  
si quod in bellico Romanorum apparatu, nulla  
istiusmodi figura, signumve, vel a scriptoribus  
memoratum, vel in monumentis descriptum re-  
peritur. At vero haud scio, an ad Bacchi forsi-  
tan sacra imagunculam nostram respectum ali-  
quem habere credamus; quem quidem Deum  
Tigribus præcipue domandis celebrem, nec nisi  
Tigribus junctis, currū vehi solitum cognovi-  
mus.


Ibid.

Jam

*Jam Deus e curru quem summum texerat uvis,  
Tigribus adjunctis aurea lora dabat<sup>x</sup>.*

Hanc vero rem aliis, quibus otium majus, aut  
conjectandi sollertia felicior obtigerit, contem-  
plandam considerandamque relinquo.

<sup>x</sup> Ovid. De Amand. l. 1. 549.



T A-

## T A B U L A XXI.

**G**emma hujus Tabulæ prima, Byzantis effigiem præ se fert, a quo urbs Byzantium condita traditur; quemque inter inclytos prisci ævi Heroas a veteribus celebratum invenimus<sup>1</sup>. Ætatem ejus nonnulli ad secula plane heroica, atque Argonautarum tempora referunt; quos ad regnum etiam ejus appulisse Diodorus scribit<sup>2</sup>. Alii autem verisimilius, eum Megarensum clas-sis præfectum fuisse dicunt, coloniamque inde ad oræ maritimæ oppidum deduxisse, quod antea Lygos, sed, a conditoris nomine, Byzantium deinceps appellatum est; iaque circa Olympiada tricesimam accidisse, Josia scilicet Hierosolymis et Tullo Hostilio Romæ regnante, declarant<sup>3</sup>.

Sed de Byzantis origine atque ætate quicquid statuendum fuerit, Byzantinos certe eum, tanquam urbis suæ conditorem semper agnovisse, ef-

<sup>1</sup> Vid. Jac. Gronov. Thes. Antiqu. Græc. Vol. 2. c. 29.

<sup>2</sup> Τὸς δὲ Ἀργοναύτας καὶ λὰ σίμη τῷ πόντῳ γενομένες, προσπλεῦσαι τῇ γῇ, βασιλεύοντο τότε τὴς χώρας Βυζάντου. ἀφ' οὐ καὶ τὴν πόλιν τῶν Βυζαντίων ἀνομάθαι. Diod. Sic. l. 4. p. 252. Edit. Hanov.

<sup>3</sup> Vid. Geo. Cedren. Compend. Historiar. Edit. Par. p. 112. A. it. Stephan. de Urbib. in Byzant. it. Scalig. in Euseb. Chron. it. Plin. l. 4. xi.

figiemque ejus in nummis suis signasse, constat. Caninius, inter illustrium imagines, Byzantis effigiem, nomenque simul in nummo quodam æneo signatum protulit; cui ex altera parte Prora navis insculpta erat; quod eum classe istuc advectum, ac coloniae deductorem esse indicare videtur<sup>1</sup>. Alterum etiam nummum, huic omnino similem, et Byzantis pariter effigie ac nomine signatum, Fulv. Ursinus edidit<sup>2</sup>: quorum quidem uterque cum gemma nostra mirifice consentit, eandemque prorsus imaginem exhibet; eundem oris habitum, barbam, galeam, et cristam quoque crinibus defluentibus ornatum: neque alio omnino habitu, Goltzius, Gronovius, Harduinus effigiem ejus, in nummis exhibuerunt, quam tam diadematæ semel redimitam, Vaillantius se vidisse declarat<sup>3</sup>.

Horum igitur nummorum auctoritate, Gemmam nostram Byzantis imaginem præ se ferre, colligimus. Quod Byzas autem, urbis Byzantii conditor, vel ad postrema Romani Imperii secula, habitus fuerit, a Claudio discimus; qui in Eutropium consulem invehens, quod duobus illustrissimis urbis istius conditoribus, ille quoque

<sup>1</sup> Vid. Canin. Iconograph. Tab. 35. <sup>2</sup> Vid. Illustr. Imagin. Tab. 40.

<sup>3</sup> Vid. Numismat. Græc. inter Urbium Illustr. p. 305.

ab adulatoribus, tertius adjungeretur, ita indigna-  
bundus queritur;

*quod tertius urbis*  
*Conditor: hoc Byzas, Constantinusque videbunt?*

Sculpturæ denique præstantiam quod attinet; imago ipsa opere, ut mihi videtur, antiquissimo, atque a Græco olim Artifice, in Achate nitido, eximie insculpta est, ejusdemque prorsus magnitudinis, ac figura ejus ectypa, quam hic delineatam damus.

## SECT. II.

**G**Emma secunda, et sculpturæ artificio, et lapidis ipsius pulchritudine insignis, Hermaphodriti, opinor, supra pellem caprinam humi recumbentis effigiem nobis offert, cuius brachium dextrum ad arborem alligatum est. Ex altera parte Satyrus, genibus in terram flexis, Hermaphroditi vestem avellere, corpusque denudare videtur; et perspecto rei miraculo, vel in cachinnum erumpere, vel præ admiratione, ad cœlum ora convertere: ex altera parte, Faunus,

<sup>1</sup> Claud. in Eutrop. 2. v. 83.

genibus item flexis, in prodigo eodem contemplando defixus hæret.

Hanc figurarum descriptionem, ad fabulam fortasse aliquam, iis temporibus notam, alludere credamus; qua Satyrus, Faunusque, primum in Venerem genus, mulierem, sub arbore dormientem, se offendisse credentes, eam statim ad arborrem, libidine inflati, alligasse, sed corpore demum nudato, Hermaphroditum invenisse finguntur. Notissima illa quidem Salmacis fabella est, de Hermaphroditorum origine ac nomine, quos Ovidius ita describit.

*Nec duo sunt et forma duplex, nec fæmina dici,  
Nec puer ut possint; neutrumque et utrumque vi-  
dentur<sup>1</sup>.*

Illud tamen nequaquam fabulosum aut commentitium, ut Valerianus ait, habendum est, “ utriusque naturæ homines inveniri, qui partem inter se utramque peragant; cuiusmodi sunt populi, supra Nasamonas, confinesque illis Maclias, Calliphanis testimonio satis cognitæ — ubi severa lege cautum, ut quem malint sexum eligant, altero si abutantur, capiti tali supplicio puniendi<sup>2</sup>. ”

<sup>1</sup> Ovid. Metam. l. 4. 378.

<sup>2</sup> Pier. Valerian. Hieroglyph. l. 18. p. 135.

Quod

Quod Hermaphroditii autem, apud omnes fere gentes, atque omni ætate revera extiterint, a scriptoribus antiquis, tam Græcis quam Latinis, memoriæ proditum est. Diodorus eos, inter *humani generis monstra* a nonnullis recenseri, scribit; raro in lucem editos, et interdum mala, interdum bona portendentes. *Quid ortus Androgyni, inquit Cicero, nonne fatale quoddam monstrum fuit?* Plinius dein, *gignuntur, inquit, et utriusque sexus, quos Hermaphroditos vocamus, olim Androgynos vocatos, et in prodigiis habitos, nunc vero in deliciis*<sup>1</sup>. Quippe statuas eorum e marmore fingere effigiesque in gemmis insculpere solebant, quarum quidem duas, antiquo opere atque eximia arte fictas, vel hodie etiam extantes, alteram Romæ in Villa Borghesia, alteram Florentiæ, in nobilissimo Etruriæ Ducis Museo, vidi; utrasque sane inter præstantissima sculpturæ veteris monumenta merito numerandas; Florentinam autem istam, e Pario marmore fictam, qui in hisce rebus intelligunt Hermaphroditum illum nobilem esse credunt, quem Plinius Polyclis opus esse declarat<sup>2</sup>. At non antiquorum modo testi-

moniis

<sup>1</sup> Diod. Sic. l. 3. p. 215. Edit. Hanov. it. Cic. De Divin. I. 41.  
it. Plin. Hist. Nat. l. 7. 3. vid. etiam xi. 49.

<sup>2</sup> Plin. ib. 34. 8. Vid. etiam Museum Florent. a Gorio edit. Tab.

moniis, sed exemplis aspectuque ipso, hac nostra  
atate, Hermaphroditos esse cognovimus. In oppi-  
dis enim nostris ex Africa nuper hominem vidi-  
mus, qui signa utriusque sexus propria, in se  
plane conjuncta habuit; ita tamen, ut neuter  
eorum perfectus, sed eo penitus modo confusus  
apparuerit, quem ab Ausonio descriptum le-  
gimus.

*Concretus sexu, sed non perfectus utroque;  
Ambiguæ veneris, neutro potiundus amor<sup>1</sup>.*

Gemma nostra ex eo Onychum Arabicarum  
genere esse videtur, quas Plinius *nigras* esse dicit,  
*candidis zonis*<sup>2</sup>. Quasque Itali hodie Nicolos et  
Cameos vocant. Quippe lapis ipse niger, vena  
quadam candida, quasi zona cinctus est, e qua  
imagines ipsæ exsculptæ finguntur<sup>3</sup>.

40, 41. Hermaphroditorum quoque imagines in Gemmis insculptas,  
in alio ejusdem Musei volumine videre licet. Tab. 82. item inter Gem-  
mas a Dominico Rosso Romano editas, Vol 3. Tab. x.

<sup>1</sup> Epigr. 100.

<sup>2</sup> Hist. Nat. 37. 6.

<sup>3</sup> In gemmis hisce, quibus strata seu venæ diversis coloribus erant,  
hoc antiquis usitatisimum esse cognovimus, ut stratum lapidis nigrum,  
fundi five radicis loco usurparent, et in vena deinde candida figuræ ple-  
rumque totidem, quot commode excipere poterat, cœlando effingerent:  
ita ut opus ipsum, e nigro candidum exsurgens, eminentius pulchrius-  
que ob colorum varietatem, appareret.

## S E C T. III.

**G**emma tertia, Parthorum Regis cujusdam imaginem exhibet; eo plane habitu atque insignibus ornatam, quibus Principes isti, cum in gemmis, tum in nummis insculpti cernuntur<sup>1</sup>. At vero aliam quoque huic nostræ consimilem et fere eandem, Baudelotum in lucem antea edidisse video: quam, perinde ac nostram, in Achate litteris Parthicis inscripto, et in anuli formam confecto, insculptam, atque omnium, quas in eo genere viderat, pretiosissimam pulcherrimamque esse declarat<sup>2</sup>.

Medorum equidem Parthorumque veterum Reges, vestium Regalium splendore, ornatuque pœne fœmineo, omnium maxime, gavifos constat. Nam faciem, oculosque pigmentis illinere, comasque ascititas, in cincinnos varios contortas,

<sup>1</sup> Montfauc. Antiqu. V. 3. l. 2. c. 14. it. Suppl. V. 3. l. 2. c. 1.

<sup>2</sup> Siquis, inquit Baudelotius, litteras Parthicas in hac gemma inscriptas explicare posset: eas lucis certe aliquid ad gentis Parthicæ historiam allaturas, necessæ est. [Utilité des Voyages. V. 1. p. 309.] Sed litteras istas, tanquam deperditas plane, atque inexplicabiles ab eruditis censeri reperio. [Vid. Montfauc. Suppl. ibid.] Neque pauculas sane istas in gemma nostra incisas, si explicabiles essent, aliud omnino quidpiam, ac Regis ipsius nomen, indicaturas fuisse arbitror;

*inaures, monilia et armillas gestare solitos legimus: ita enim Xenophon, Astyagem Medium, atque ita fere Plutarchus Surenam, Parthorum ducem describit; eumque ornandi morem Parthos a Medis accepisse dicit<sup>1</sup>.*

Quod Parthorum autem Regum imagines in gemmis saepe insculptae essent, atque eo prorsus habitu, quo ipsi revera ornari solerent, ex Plinio discimus: qui ad Trajanum e Bithynia scribens,  
 " se servulum quendam apud se tenere dicit, qui  
 " a Pacoro, Parthiae rege aufugisset, secumque  
 " gemmam attulisset, quae Pacori imaginem, et  
 " quibus insignibus ornatus fuisset, insculptam  
 " habebat: gemmam autem ipsam, aut vi aut  
 " furto a Servulo ablatam, Plinius se requirere  
 " ait, ut eam ad Trajanum mitteret<sup>2</sup>." Itaque  
 gemmam nostram, non tam ob sculpturæ pul-  
 chritudinem, qua sese tamen facile commendare  
 posset, quam ob rei ipsius raritatem, aestimabilem  
 esse, constat: quippe quam Romæ olim uti vide-  
 mus, Proconsules ipsi possidere cupiissent, dig-  
 namque, quæ ad imperatorem muneri mittente-  
 tur, existimassent.

<sup>1</sup> Vid. Xenoph. de Cyri Institut. p. 19. Edit. Oxon. et Plutarch. in Vita Crassi. p. 537. F.

<sup>2</sup> Epist. I. x. ep. 16. Edit. Elsev.

## S E C T. IV.

**G**Emma quarta, Prusiae, Bithyniae Regis caput, opere antiquo in Carneola eximie insculptum præbet. Principis hujus effigiem, inter Illustrium imagines a Fulv. Ursino collectas, in nummo quodam argenteo impressam cernimus; quam Jo. Faber, qui imagines istas commentario illustravit, se in *aliis quoque nummis, una cum Prusiae ipsius nomine, itemque in gemmis anularibus insculptam* vidisse declarat<sup>1</sup>.

Tres istiusmodi nummos, Prusiae nomine inscriptos, Begerus edidit<sup>2</sup>. Qui diversis licet temporibus, atque a diversis civitatibus percussi, omnes tamen similitudinem quandam inter se, ac eundem oris habitum ostendunt; nostramque ideo gemmam nonnisi Prusiae imaginem exhibere confirmant.

Res ejus gestae ab Historicis plerisque celebrantur. Sed non tam ob bella, victoriasque contra alias gentes, celebris, quam propter obsequium erga Romanos servile atque abjectum, infamis erat. Natura fane versatilis, crudelis, atque

<sup>1</sup> Vid. Fulv. Ursin. Imagin. 119. et Fabri Comment. p. 69.

<sup>2</sup> Thesaur. Brandeb. Vol. I.

infidus esse traditur: qui Hannibalem, jam senem admodum, atque ad se profugum, ni veneno se prius ipse occidisset, Romanis traditurus esset<sup>1</sup>. Antiocho enim devicto, et Perseo Mace done, cuius sororem in matrimonio duxerat, captivo Romam ducto, Romanorum potentiam usque eo extimuisse fertur, “ ut pileatus et capite raso obviam ire Legatis, libertumque se Populi Romani dicere soleret; et Romæ quo que quum veniret in curiam, summittere se, et osculo limen curiae contingere; et Deos servatores suos, senatum appellare<sup>2</sup>.

Appianus eum *facie illiberali, ac statura pupilla* fuisse scribit<sup>3</sup>. At sculptores isti veteres, quorum ars, perinde ac Pictorum, ornatoria ferre omnia, ac pulchriora, quam natura ipsa fert, reddere solet, in gemma etiam nostra, jure suo usi sunt, venustumque eum potius quam deformem finixerunt. Quippe faciem ei juvenilem ac barbatulam hic tributam cernimus: qua quidem barbula, sed pro diverso ætatis gradu, paullulum interdum crassiore, in nummis, opinor, omnibus insignitus appetet.

<sup>1</sup> Liv. I. 39. 50.

<sup>2</sup> Liv. I. 45. 44. Appian in Mithridat. prope init.

<sup>3</sup> App. ibid.

## S E C T. V.

**G**Emmam quintam, Sexti Chæronensis, Plutarchi Nepotis, effigiem exhibere conjicio. Philosophi enim potius quam Imperatoris imaginem præ se ferre videtur; et nummum etiam antiquum, consimili plane effigie signatum, Spornius in lucem edidit, cui litteris Græcis, SEXTI nomen inscriptum est; quod ad Sextum omnino Chæronensem, M. Aurelii Præceptorem, referendum esse contendit; idque ex nummi ipsius fabrica, barbæque etiam forma confirmari arbitratur<sup>1</sup>.

Neque mirum fane censeri potest, quod in Sexti hujus memoriam nummi post mortem ejus percussi essent; quem tanto in honore apud Imperatorem illum fuisse accepimus, ut *una jus dicere soleret*<sup>2</sup>. De hoc autem Sexto viros doctos inter se disceptare video, an idem cum eo fuerit, qui Empiricus dictus est, cujusque opera adhuc nonnulla restant. Sed Chæronensem nostrum ab Empirico prorsus diversum, neque Pyr-

<sup>1</sup> Miscell. Erud. Antiqu. Sect. 4. p. 140.

<sup>2</sup> Vid. Suid. in Sexto. a L. Vero quoque M. Aurelii in Imperio socio, Sextus noster unice dilectus esse dicitur. Capitolin. in L. Vero. c. 2.

rhoniæ, ut Suidas censet, sed Stoicæ sectæ addic-  
tum esse constat; quod cum a Capitolino<sup>1</sup>, tum  
ab Imperatore præsertim ipso significari videtur;  
qui ea omnia enumerans, quæ a Sexto didicisset,  
hoc quoque adjungit; “quod neque iracundiæ,  
“neque ullius omnino perturbationis indicium  
“edere, sed istiusmodi affectibus penitus immu-  
“nis, suorum tamen omnium amantissimus esse  
“deberet<sup>2</sup>.” Quod quidem præceptum nonni-  
si e Stoicorum scholis manasse perspicuum est.

## SECT VI.

**G**Emma sexta, Omphalis effigiem, Herculis  
insignibus ornatam, ostendit. Omphale  
enim, oris sui forma, Herculem ita subegisse, ac  
jussis suis obsequentem reddidisse fertur, ut cla-  
vam ejus pellemque leoninam ipsa sibi sumens,  
eum colo et calatho ac cultu muliebri instructum,  
in triumpho quasi ducere soleret. In quam qui-  
dem fabellam Poetas sæpe veteres illudentes in-  
venimus.

<sup>1</sup> In M. Aurel. c. 3.

<sup>2</sup> Vid. M. Aurel. de rebus suis. l. 1, c. 9.

*Ipsa capit clavamque gravem, spoliumque leonis<sup>1</sup>.  
Cultibus Alciden instruit illa suis<sup>2</sup>.*

Thraso etiam iste Terentianus, quum Thaidi se-  
se summittere constituisset, ita se excusat;

*Qui minus huic, quam Hercules servivit Om-  
phali<sup>3</sup>?*

Sed hæc Omphalis historia pervulgata sane  
atque a Poetis fere omnibus celebrata est<sup>4</sup>: itaque  
hoc tantum adjungere libet; hanc ejus effigiem in  
Carneolo pulcherrimo, atque opere antiquo, in-  
sculptam esse.

## S E C T. VII.

**G**Emma septima, Matidiæ Augustæ caput  
exhibit, quæ Marcianæ, Trajani sororis  
filia fuit, atque Augustæ cognomen Senatus con-  
sulto obtinuit; Trajanumque deinde avunculum,  
una cum Plotina uxore, ad Parthicum bellum

<sup>1</sup> Ovid. Fast. 2. 325. <sup>2</sup> Ib. 315. <sup>3</sup> Eunuch. Ac. v. 8. 3.

<sup>4</sup> Ab Ovidio fusa exposita est, in Deianiræ Epist. v. 100. Ejusque  
imago, his ipsis insignibus ornata, cum in Græcorum veterum nummis,  
tum in gemmis etiam persæpe insculpta reperitur. Vid. Beger. Thes.  
Brandeb. V. 1. 100. it. Thes. Palat. 274. it. Domenich. Rossi. Gemm.  
V. 2. Tab. 101. &c.

comitata est. Duas ea filias reliquit, Matidiām et Sabinam, Hadriano postea Imperatori nuptam; qui Socrui divinos honores tribuissē, atque *aromatica populo, anniversario parentalium die, donasse traditur*<sup>1</sup>. Nummi in honorem ejus percussi in rarissimis numerantur; omnes vero quos mihi videre contigit, eundem plane oris habitum, comarumque ornatum, ac quem in gemma nostra cernimus, prae se ferunt<sup>2</sup>; quem quidem ætatis ejus consuetudini congruentem esse, ex statuis eorum temporum muliebribus apparet<sup>3</sup>. Quarum comæ, veluti a Poetis describuntur, in altum ita exstructæ erant, ut mulieres ipsæ a fronte quam a tergo altiores conspicerentur.

*Tot premit ordinibus, tot adhuc compagibus altum  
Ædificat caput; Andromachen a fronte videbis,  
Post minor est: credas aliam<sup>4</sup>.*

<sup>1</sup> Æl. Spartan. in Adrian. c. x. et 19.

I. O. M.

CAESIA. P. F.

MAXIMA

SACERDOS

DIVAE

MATIDIÆ.

<sup>2</sup> Vid. Vaillant. Patin. Beger. Vol. 2. 653. &c.

<sup>3</sup> Montfauc. Antiq. Vol. 3. l. 1. c. 12.

<sup>4</sup> Juven. S. 6. 501.—*Celsæ procul aspice frontis honores*

*Suggestumque comæ*—Stat. Sylv. 1. 113.

Matidiæ autem imagines in nummis utcunque raræ, in gemmis tamen rariores esse videntur: nam præter hanc unam, haud aliam uspiam, vel in libris descriptam, vel in Museis asservatam me vidisse memini. Hoc ejus caput in lapide Praſio, seu Smaragdite, insculptum est; quem Itali vulgo Praſma, nonnulli Smaragdi matrem appellant.

## S E C T. VIII.

**G**emma octava, Faustinæ senioris, Antonini Pii uxoris imaginem, in Carneola insculptam præ se fert. De qua Capitolinus, “ tertio, inquit, anno imperii sui Faustinam uxorem perdidit: quæ a Senatu consecrata est, “ delatis Circenſibus atque Templo, et Flaminicis, et statuis aureis atque argenteis<sup>1</sup>.” In nummis, quorum plurimi adhuc restant, Faustinæ hujus imago hoc eodem capitinis ornatus semper fere instructa cernitur; capillis nimirum in orbiculos varios, supra verticem capitinis, eleganter admodum convolutis.

<sup>1</sup> Cap. 6.

## S E C T. IX.

**G**Emma nona, Mercurium, symbolis suis omnibus fere instructum, præfert; Virga scilicet, alis, marsupio, ariete, et Gallo Gallinaceo. Virgam ad usus sane varios ab eo adhibitam legimus: hac enim somnos vel inferre vel adimere, animasque vel ad Inferos deducere vel evocare solebat.

*Tum Virgam capit: hac animas ille evocat Orco  
Pallentes; alias sub tristia tartara mittit;  
Dat somnos adimitque, et lumina morte resignat<sup>1</sup>.*

Hanc ipsam Virgulæ formam, serpentum mutuis amplexibus ornatam, germanum Antiquorum caduceum fuisse legimus; quo Legati nimirum, ad pacem inter hostes conciliandam missi, instructi semper incedebant<sup>2</sup>. *Hic complexus anguum, inquit Plinius, et efferatorum concordia, causa videtur esse, quare exteræ gentes caduceum*

<sup>1</sup> Virg. Æn. 4. 242.

*Tu pias lætis animas reponis  
Sedibus, virgaque levem coerces*

*Aurea turbam—*

Hor. Od. 1. 1. x.

<sup>2</sup> Ο φορεῖν ἐιώθασιν ὁ περὶ τῶν τοιέτων τὰς λόγυς ποιέμενοι, χὺ διὰ τέτε τυγχάνοντες παρὰ τοῖς πολεμίοις ἀσφαλείας. Diod. Sic. l. v. 341. Edit. Han.

*in pacis argumentis, circumdata effigie anguum fecerint<sup>1</sup>.* Hæc igitur Virga, veluti proprium caduceatoris symbolum, Mercurio Deorum nuntio, attributa est: quem Ovidius caduciferum; Arnobius, *affabilium Colubrarum gestatorem*, appellat<sup>2</sup>.

*Hinc se sustulerat paribus Caducifer alis<sup>3</sup>.*

Alæ autem illi datae esse putantur, non quia *Jovis nuntius aut caduceator*, sed quia *lingua celeri ac prompta, vocisque potens erat<sup>4</sup>*: utque nihil sermone *velocius esse*, indicaretur. *Pennas*, inquit Isidorus, *habere fingitur, quia citius verba discurrunt, alasque ei in capite et pedibus significare, volucrem ferri per aera sermonem<sup>5</sup>*. Hinc verba etiam ipsa ab Homero, *alata appellantur<sup>6</sup>*.

Marsupium deinde ei, tanquam negotiantium Deo, lucrique conficiendi auctori, tributum est; ita enim apud Plautum ipse munera sua describit.

*Nam vos quidem id scitis concessum et datum  
Mihi esse ab aliis Diis, nuntiis præsim et lucro<sup>7</sup>.*

<sup>1</sup> Hist. N. l. 29. 3.    <sup>2</sup> Con. Gent. l. 4.    <sup>3</sup> Ovid. Met. 2. 708.

<sup>4</sup> Scimus autem Mercurium vocis et sermonis potentem. Macrob. Sat. 1. 12.

<sup>5</sup> Επεια πλερόεντα. Odyss. 1. 122.

<sup>6</sup> Isidor. Orig. l. 8. xi.

<sup>7</sup> Amphit. Prol.

Atque in eundem sensum Inscriptiones quasdam antiquas, MERCVRIO NEGOTIATORI ac NVNDINATORI, dicatas invenimus<sup>1</sup>.

Aries quoque in Gemmis hisce ei saepe adjunctus est; quo pecudis istius curam quandam præcipuam eum gerere significatur; hinc Hesiodus eum, *pecus omne in stabulis, animo volenti augere,* declarat; *boum armenta, caprarum, oviumque lanigerarum greges*<sup>2</sup>. Pausanias item statuam ejus æneam, in via qua ad Lechæum Corintho ibatur, positam esse dicit, cui *aries appositus erat, quod greges ille omnium maxime tueri atque augere existimabatur*<sup>3</sup>.

Gallum denique Gallinaceum, veluti excubiarum et vigilantiæ symbolum, ei quoque sacrum esse cognovimus<sup>4</sup>; ut avis scilicet hujus admonitu, negotiatores præcipue omnes intelligerent, se non sine industria ac vigilantia Mercurium sibi propitium reddere, lucrumque acquirere posse. Lapis ipse Amethystus est; quem quidem non-

<sup>1</sup> Gruter. p. 55. Reines. Class. I. 80. Φασὶ δὲ αὐτὸν καὶ μέτρα καὶ σαθμὰ καὶ τὰ ἐκ τῆς εὐπορίας κέρδη πρῶτον ἐπινοῆσαι. —— Diod. Sic. ibid.

<sup>2</sup> Εσθλη δὲ ἐν σαθμοῖσι σὺν Ερμῇ ληιδὸς αὔξειν  
Βεκολίας· αἴγελας· καὶ αἰπόλια πλατέες αἴγων,  
Ποίμνας· εἰροπόκων οἶων, Θυμῷ γε θελεστα. Theog. 444.

<sup>3</sup> Ὁτι Ἐρμῆς μάλιστα δοκεῖ θεῶν ἐφορᾶν καὶ αὔξειν ποίμνας. &c. I. 2. c. 3.

<sup>4</sup> Vid. Montfauc. Antiqu. Vol. I. l. 3. c. 8.

nulli, ingenium industriamque hominibus addere crediderunt<sup>1</sup>. Atque ob eam fortasse causam a priscorum istorum superstitione haud alienam, Mercurium nostrum in hac potissimum gemma insculptum esse conjicere licet.

## S E C T X.

**G**Emma decima, miram quandam figurarum quasi confusionem exhibit; hominis vide-licet faciem, seu personam Scenicam, Pavonem, Sceptrum, Elephantem: quid autem Elephas proboscide sublatum teneat, haud mihi sane perspicuum est. Huic autem Gemmæ, alias quasdam consimiles prorsus, et in eruditorum Museis affervatas, et in libris saepe descriptas animadverti: quæ quidem omnes symbolicum, ut aiunt, seu ænigmaticum quiddam continere, judicantur. Faciem certe illam, viri docti Socratis effigiem esse declarant: eamque cum figuris istiusmodi conjunctam, nonnulli in Amuletorum eorum numero reponunt, quæ vim quandam magicam habuisse credebantur<sup>2</sup>. Alii vero, quod probabile magis videtur, Gemmas hujus generis omnes

<sup>1</sup> Vid. Gemmar. Hist. edit. ab Adrian. Toll. l. 2. c. 34.

<sup>2</sup> Vid. Gemm. Antich. Da Rossi. Vol. 2. Gemm. 20, 21.

ad Socratis memoriam celebrandam, inventas esse,  
atque in ejusdem honorem, in anulis gestari so-  
litas, existimant<sup>1</sup>.

Etenim caput istud *calvum fronte turgido,*  
*naso simo, aspectuque taurino*, Socratis pro-  
culdubio imaginem præ se fert; quem Silenis Sa-  
tyrisque persimilem accepimus<sup>2</sup>. Quippe de hac  
Socratis persona, Alcibiades, in Symposio Plato-  
nis, sermonem fatis longum habere fingitur, in  
quo, cum permulta in vultum ejus Silenicum jo-  
catus esset, ita demum progreditur; “at vero  
“ nescio, Convivæ, an aliquis unquam vestrum  
“ imagines eas perspexerit, quæ in animo ejus,  
“ feria tractantis et sese penitus aperientis, la-  
“ teant: ego profecto eas aliquando perspexi,  
“ quæ mihi quidem ita divinæ atque aureæ, et  
“ pulchræ mirabilesque visæ sunt, ut quicquid  
“ jubeat Socrates, id illico faciendum statuerim<sup>3</sup>.”  
Quocirca haud scio, an lapidis hujus figuræ ad  
eum ipsum sermonem respectum aliquem habe-  
ant; quodque Alcibiades ibi verbis, hoc idem,  
Gemma nostra figuris indicare reperiatur.

Etenim vultus iste, ut dixi, Silenus, os So-

<sup>1</sup> Vid. Jo. Chifflet. de Gemmis Socratis imagine cælatis. p. 18.

<sup>2</sup> Platon. Oper. Vol. 3. p. 216, 221. Edit. Par.

<sup>3</sup> Ibid. p. 216.

cratis exhibet; reliquæ vero figuræ, *imagines eas divinas pulchrasque*, quæ in animo ejus latuisse dicuntur. Pavo nempe, avium pulcherrima, virtutis ejus pulchritudinem denotat; Sceptrum ejusdem majestatem, dignam quæ omnibus imperet; Elephas, eam animi firmitatem roburque, quo cunctis mortalibus præsttit. Atqui hac pariter ratione, Gemma hæc Philosophica, non ad Socratem modo celebrandum, ex quo omnes Philosophorum sectas manasse constat, sed ad Stoicorum doctrinam illustrandam præcipue spectare judicetur; qui sapientem scilicet, omnibus virtutibus artibusque instructum, solumque formosum, fortem, ac Regem etiam esse, prædicabant.

*Si dives, qui sapiens est,  
Et futor bonus, et solus formosus, et est Rex.*

*Sapiens operis sic optimus omnis  
Est Opifex: sic Rex solus<sup>1</sup>.*

Vultus enim Socratis, sapientem indicat: quem pavo formosum; elephas, fortem, sceptrum, Regem esse declarat.

<sup>1</sup> Hor. Sat. l. 1. 3. v. 124, 132.

## S E C T XI.

**G**Emma item undecima, prorsus symbolica est; in qua primum globulum; deinde ex eo quasi exsurgens, Cornu-copiæ; tum Gallum, in fruges a cornu oblatas invadere paratum, videmus. Hæc eadem Galli imago in aliis etiam gemmis saepe insculpta reperitur; gubernaculo interdum, aut cornu-copiæ insistens; aut Mercurio, ut modo ostensum est, tanquam symbolum adjuncta. At vero soli quoque perinde ac Mercurio, Gallus sacer erat, *quia solis nempe ortum cantu nuntiat*<sup>1</sup>.

*Quinetiam Gallum, noctem explaudentibus alis,  
Auroram clara consuetum vocare*<sup>2</sup>.

Hunc enim Veteres naturæ solaris, omnium animalium maxime, participem esse crediderunt; excitandis in opera mortalibus, somnoque rumpendo genitum; qui nec solis ortum, uti Plinius ait, incautis patitur obrepere<sup>3</sup>. Hinc effigiem ejus,

<sup>1</sup> Ήλίας δὲ ἡερόν φασι τὸν ὄρυθα, καὶ ἀγγέλλειν αὐτένοις μέλλοντα τε ἥλας.  
l. 5. c. 25.

<sup>2</sup> Lucret. l. 4. 714.

<sup>3</sup> Hist. N. x. 21.

tanquam

tanquam excubiarum symbolum, Mercurio supra adjunctam vidimus, ut Mercatores, in lucro confiendo, vigiles atque alacres esse admonerentur: cui consentaneum sane illud est, quod ab hac etiam gemma indicari videtur; scilicet e terra, quam globulus iste denotat, nonnisi hominum industria ac vigilantia, abundantiam, frugumque copiam procreari posse.

## S E C T. XII.

**D**uodecima, Caput nobis sane incognitum, in lapide opaco, salignei coloris, insculptum, offert: figura autem ipsa, ex capitibus ornata, et sculpturæ genere, Ægyptiæ cujusdam mulieris, seu Deæ potius, effigiem esse conjicerem: Etenim simulachra Isidis nonnulla, opere Ægyptiaco, et eodem plane ornata, a Kirchero exhibita cernimus<sup>1</sup>.

## S E C T. XIII.

**D**ecima tertia, opere etiam antiquo atque Ægyptiaco esse appareat: at quale nobis alitis genus exhibeat, haud ita certum est. Ean-

<sup>1</sup> Vid. Kirch. Oedip. Ægypt. Tom. 3. 498, 500.

dem plane avis formam, in Obelisco Pamphilio, saepius descriptam animadverti; quam Kircherus, Hyeroglyphicorum istorum interpres diligentissimus, Ibi<sup>r</sup> cirratam appellat<sup>1</sup>. Nostra autem avis ex anserum potius, anatumve genere esse videtur: sculptorque profecto, si Ibi<sup>r</sup> in animo fingendam habuerit, nonnisi imperite aut negligenter eam finxisse censendus est.---Avis autem ipsa, floresque itidem hinc inde enascentes, item ac in alio lapide supra vidimus, e vena, seu zona candida, cui Achates nitidus substratus est, exsculpuntur. At vero in gemmis ejusmodi omnibus, sculptoris ingenium coarctari, nec quid ipse velit, sed quid venae istius natura admittat, fingere omnino, necesse est: ita ut opus ipsum, venustum licet ac speciosum, raro tamen exquisitum, atque omni parte, absolutum reperiamus.

## S E C T. XIV.

**G**Emma decima quarta, Lapis Chalcedonius est, cærulei coloris, rotundus, globulique ad instar dimidiati convexus, cui litteris majusculis ac quadratis inscribitur, TRIVMPHVS QVA-

<sup>1</sup> Obelisc. Pamphil. p. 489, 495.

DORVM; quem, Romæ olim repertum, una cum reliqua mea rerum veterum supellectile, inde deportandum curavi: in pomparum sane Triumphalium descriptionibus, phalerarum interdum frenorumque equinorum, auri bullis, gemmisque nitentium, splendor luxusque a scriptoribus celebrantur;

*Dumque aurophaleræ, gemmis dum frenæ renident<sup>1</sup>.*

Atque hinc lapidem nostrum ad frenorum Triumphalium ornatum pertinuisse conjicio: nam ad triumphi usum aliquem adhibitum eum fuisse, inscriptio declarat; atque ad frenorum præcipue decus, res ipsa ostendere videtur. Quippe in foramen, quod, per centrum lapidis ductum, vacuum jam apertumque restat, claviculum olim quendam, capite forsitan aurato, insertum fuisse, arbitror, qui lapidem ipsum cum frenis connec-teret<sup>2</sup>.

M. Aurelium, de Marcomannis, Sarmatis, Vandalis, Quadisque etiam triumphasse legi-

<sup>1</sup> Claudian. Epig. 20: de zona equi Regii.

<sup>2</sup> Sed ad alium quoque usum hic lapis adhiberi potuisse videtur; scilicet, ut statuæ fortasse alicujus in triumpho portatae paludamentum aut lacernam fibulae vice humero annexeret: quod quidem gemma aliqua aut lapide pretioso fieri solitum esse, ex statuarum militarium ornatu conjectare licet.

## 250 TABULA XXI.

mus': At vero in numismate quodam antiquo, maximi moduli, Numerianum, Quadrigis Triumphalibus vectum cernimus, cum hac eadem epigraphe, TRIVMPHVS QVADORVM<sup>2</sup>. In cuius triumphi memoriam, numisma istud percussum fuit: atque in ejusdem etiam ornatum, lapidem olim nostrum comparatum esse probabile est: quod litterarum item ipsarum forma, a perfecta scribendi ratione nonnihil immutata, atque istorum temporum consuetudini accommodata confirmare videtur.

<sup>1</sup> Jul. Capitolin. c. 17.<sup>2</sup> Vid. Numism. Max. Mod. 246.

T A-

## T A B U L A XXII.

**H**ÆC Mumia Ægyptiaca, de qua jam dicitur sum, ab homine nobili, Georgio Townshend, navis bælicæ in classe Regia præfecto, in Angliam haud dudum deportata, atque Academiæ Cantabrigiensi donata est. Qui nativa quadam in hanc Academiam benevolentia commotus, nihil habuit antiquius, quam ut hoc insigne *κειμηλιον*, ac vetustatis fere ultimæ monumentum, tanquam perpetui hospitii pignus, in ea musarum sede collocaret, quam pater ejus, vir summus, beneficiis ornaverat; quamque fratres, fratribusque filii, moribus, studiis, exemplisque jam præfentes ornant.

In hac autem Mumia describenda, mihi quidem, neque de antiquo isto cadavera condiendi ritu, neque de hodierno eorundem statu, neque de cryptis eis subterraneis et mirabilibus, in quibus olim reposita, atque hodie reperta sunt, differere propositum est: etenim ista omnia a rerum Ægyptiarum interpretibus, atque a peregrinantibus præsertim accurate descripta, et in multis libris exposita habemus; ad quos lectorum om-

nino referendum censeo<sup>1</sup>. Quamobrem nihil mihi aliud jam relictum videtur, quam Mumiae nostræ effigiem, atque ornatum hominibus curiosis in conspectum dare, et quicquid in ea singulare, præcipuumque fuerit, illud quam breviter expōnere atque illustrare.

Hæc igitur Tabula, Mumiae thecam seu loculum, figuris quibusdam symbolicis atque Hieroglyphicis pictum exhibit: in quo cadaver scilicet, Ægyptiorum more, bitumine, balsamis, atque aromatibus conditum, repositum erat. Loculus vero ipse nihil fere, a ceteris ejusdem generis diversum, nobis offert. Ex duabus ligni Sycaminei partibus constat; utrisque in eum modum artificiose excavatis, ut inter se deinde coniunctæ, cadaveris ipsius formam ac magnitudinem justam capere, et ab omni aeris accessu ac damno conservare possent. Atque hoc loculorum genus, ob conficiendi pingendique artificium, omnium sane pretiosissimum, nec nisi nobilioribus ditioribusve dicatum traditur.

Hujusmodi vero loculi, non ad corporis modo figuram excipiendam intus accommodati, sed ex-

<sup>1</sup> Vid. Kircher. Oedip. Ægypt. Vol. 3. p. 387. Syntagm. XIII De Mumis. — it. Itinera Petri de Valle, Thevenot, Le Brun, Shaw, Pocock, Perry —

tra quoque ad defunctori ipsius effigiem ac similitudinem ita conformati erant, ut facies ex ligno efficta, et coloribus item picta, germanam ejus imaginem praes se ferret. Quos quidem loculos, ita ornatos atque instructos, Aegyptii non modo in sepulchris magnifice exstructis, sed domi etiam in conclavibus ad eum usum consecratis, ordine quemque suo erectos, ad parietem collocare conseruerunt<sup>1</sup>. In quo munere fungendo, duplicem illi sane finem spectasse videntur; primum, ut debitos mortuis honores cultumque praestarent; deinde ut ambitioni et familiæ splendori consularent; ac vetustas hasce majorum suorum imagines, seriemque longam ac nobilem posteris tradarent<sup>2</sup>.

In his defunctorum imaginibus, seu Mumiarum loculis quiddam oblongum atque acuminatum, barbae quasi loco, a mento plerumque pendere videmus: quod tamen a nullo, quantum

<sup>1</sup> Οἱ προσήκοντες ποιεῦνται ἔύλινον τύπον ἀνθρωποειδέα, ποιησάμενοι δὲ ἐσεργόντος τὸν νεκρὸν, καὶ καλυπτόσαντες ὑπὸ, θησαυρίζουσι ἐν ὀικήμασι θηκαῖς, ισάντες ὄρθον πρὸς τοῦχον. ὑπὸ μὲν τὰς τὰ πολυτελέστατα σκευάζουσι νεκρύς. Herod. I. 2. c. 66.

Conduunt Aegyptii mortuos et eos servant domi. Cic. Tusc. Quest.

I. 45.

<sup>2</sup> Διὸ καὶ πολλὸς τῶν Αἰγυπτίων ἐν ὀικήμασι πολυτελέστε φυλάττοντες τὰ σώματα τῶν προγόνων, καὶ ὅψιν ὄρῶσι τὰς γενεᾶς πολλαῖς τῆς ἔαυλῶν γενέσεως προτίθελεν ημέτας. &c. Diod. Sic. I. 1. p. 82.

memini, Mumiarum harum interprete, vel explicatum, vel ommino memoratum animadverti. Quicquid autem fuerit, non ad barbam certe exprimendam adhibitum esse, liquet; quia figuris promiscue omnibus, cum foeminarum et viorum, tum Deorum etiam, hoc idem affixum reperitur: quod quidem non nisi symboli vice appositum esse, sensumque aliquem reconditum habuisse, perspicuum est. Bonannius, auctor sane eruditus, qui *Ægyptiorum Idolorum* figuras quasdam, hoc eodem symbolo instructas, exposuit, illud Perseæ folium esse dicit<sup>1</sup>; arboris, *Ægypto* propriæ, ac Isidi præcipue consecratæ; atque ad omnes ideo solennitates pompasque sacras adhibitæ; cujusque effigiem in obeliscis, mensa Isiaca, reliquisque *Ægyptiorum* monumentis sæpiissime incisam, observare licet<sup>2</sup>. *De stirpibus Ægyptiis*, inquit Plutarchus, *Perseam omnium maxime Isidi sacram esse aiunt, propterea quod fructus ejus cordis, et folium linguae speciem præ se ferat*<sup>3</sup>. Si hæc igitur rei interpretatio admittenda est, haud alio consilio *Ægyptii*, folii hujus figuram Mumijis hisce affixisse, viden-

<sup>1</sup> Museum. Kircher. p. 34.

<sup>2</sup> Vid. Kircher. Oedip. *Ægypt.* Vol. 3. p. 129, 130. it. Obel. Pamphil. p. 360, &c. <sup>3</sup> De Isid. et Osrid. p. 378. c.

tur, quam ut Isidem facilius conciliarent, atque ad cadaverum horum tutelam allicerent.

Ex hac loculorum ornandorum inventione, et sculpturæ et picturæ origo deducta, atque in alias gentes derivata esse videtur: apud Græcos enim, quos artium suarum primordia ab Ægypto duxisse constat, statuæ istæ Hermææ, omnium proculdubio antiquissimæ, quarum nonnullæ etiam hodie extant, ad loculorum horum formam modulumque plane effectæ esse apparent: Quippe nihil aliud erant, ac Deorum hominumve capita, trunco ligneo aut lapideo oblongo, atque a summo ad imum leniter decrescenti, imposita. At vero Græcorum ingenium acre intra has sculpturæ angustias haud diu coarctari potuit; sed naturam ducem sequens, reliqua quævis corporis membra, e marmore pariter fingere, atque ad vitæ ipsius similitudinem, omnesque ejus actiones et gestus summo artificio accommodare cœpit. Ægyptii contra, rei licet hujus inventores, at priscam tamen eam artis simplicitatem, vix unquam penitus deseruisse videntur: nam etiamsi corporis humani formam, membris suis omnibus instructam, perinde ac Græci, e ligno aut lapide accurate satis exprimere didicissent, at gestum ei liberum aliquem aut naturalem haudquaquam

tribuere potuerunt; sed Mumiarum suarum exemplaria in animis usque tenentes, statuis suis brachia, lateribus fere adhaerentia, pedesque prorsus conjunctos, et quasi fasciis colligatos, affingere solebant.

Mumiæ hujus figura eadem prorsus est, ac reliquarum omnium, quas in libris passim descriptas videmus. Siquidem asphalto, balsamis, aromatibusve condita, et multiplici linteorum, fasciarumque ordine, alio super alium, a capite usque ad pedes involuta erat; atque hæc deinde involucra, alio rursus velamine, sive tunica linea, pulchre depicta, et Deorum, bestiarum, symbolorumque formis variis ornata, penitus obtegebantur. Dentes ejus omnes in maxilla superiore firmiter adhuc inherentes reperiuntur: quod vero singulare et prodigiī fere loco habendum, anteriores seu incisores, non acuti illi quidem atque ad incidendum apti, sed perinde ac maxillares, lati plane atque obtusi sunt. At vero ex hoc omni apparatu, ac condiendi diligentia, nihil fere intra loculum jam integrum restat, praeter calvariam et offa, atque integumenti superioris particulas quasdam, imaginibus pictis insignitas, quas in proxima Tabula descriptas damus. Reliquæ quævis corporis partes, una cum balsamis, fasciis,

fasciis, involucris, vetustate jam absumptæ, atque in pulverem ac putredinem redactæ sunt. Egregium sane vanitatis Ægyptiæ monumentum! quæ cum Deo ipso pugnare, artisque inventa naturæ legibus opponere; ac corpus humanum e pulvere excitatum, atque in pulverem reversum, ab interitu conservare præ se ferebat.

Amicus meus, supra laudatus, Guilielmus Heberden, M. D. hanc cadaverum Ægyptiorum condituram, haud tanto quidem artificio, neque tanto aromatum apparatu, quanto curata esse traditur, revera effectam fuisse putat. Etenim si vel aromata, priscis istis temporibus cognita, vel cadavera ipsa, Mumiasve, ut dicuntur, considerabimus, simpliciorem quandam operis peragendi rationem, nec nisi pauca admodum medicamenta adhibita esse intelligemus.

Maxima unguentorum veterum pars nihil aliud erant, ac olea, in quibus herbæ seu flores odoriferi infusi essent: quæ, ad cadavera Ægyptiorum more condienda, haud multum valere potuerunt. Aromata vero, pretiosa saltem ista, atque ad hunc usum accommodata, in India solummodo ultima nascuntur, nec in Ægyptum facile deportari possent: quorum pleraque etiam veteribus istis incognita esse apparent, propterea quod

K k

nec

nec a Medicis nec Physicis antiquis memorata sint. Diodorus tamen Cinnamomum in hoc condiendi munere usurpatum esse scribit<sup>1</sup>: at Cinnamomum, Cleopatræ ætate, inter pretiosissima gazæ regiæ κειμηλια recensitum, atque una cum auro, smaragdis, et margaritis, a Regina ista jam moritura, in monumento suo repositum legimus<sup>2</sup>: quod usum certe ejus rarissimum, nec Pollinctoribus istis familiarem fuisse, ostendit.

Myrrha tamen, quæ in Æthiopia, atque Opopbalsamum, quod in Arabia nascitur<sup>3</sup>, in hoc fortasse ritu usurpari possent. Sed Opopbalsamum, ob raritatem premiumque ejus, haud magna copia, aut vulgo adhibitum esse, probabile est. At vero ex Mumis omnibus, quæ jam extant, quæque a peregrinantibus descriptæ sunt, perspicuum fere videtur, nullum omnino medicamenti genus, præter Asphaltum, seu bitumen merum, quod in multis lacubus fluitans reperitur, vel resinam quandam e cedro stillantem, in hac conditura locum habuisse.

Joannes Nardius, medicus in primis celebris, quum multas hujusmodi Mumias, e fasciis suis

<sup>1</sup> L. 1. p. 82. Edit. Hanov.

<sup>2</sup> Plutarch. in Vit. M. Anton. p. 950. Edit. Parif.

<sup>3</sup> Vid. Prosp. Alpin. de Balsamo.

evolutas, examinasset, ac summa diligentia dissecisset, se nihil prorsus, praeter Gummi seu Asphalti glebulas quasdam concretas invenisse dicit<sup>1</sup>. Neque aliud item quidquam Pocockius noster, peregrinator curiosus atque eruditus, in Mumiis istis, quas perscrutatus est, se animadvertisse declarat<sup>2</sup>. Mumiam denique nostram, pretiosissima licet condiendi ratione curatam, nullum tamen aromatum, odorumve genus, praeter bitumen merum redolere aut exhibere invenimus.

Quod vero de Cadaveribus hisce Diodorus scribit, nimirum tanto ea artificio semper condita fuisse, ut *pristinam hominis cujusque effigiem speciemque singula retinerent, et vel palpebrarum ac superciliorum pili integri manerent*<sup>3</sup>; nequaquam verum esse potest, sed de loculo potius cadaveris quam de cadavere ipso intelligendum; quippe cadaver multiplici fasciarum integumento, a capite usque ad pedes ita penitus involutum erat, ut nulla ejus pars omnino conspici posset.

Herodotus contra, hanc rem ita plane, ut gesta erat, exponere videtur. “ Cerebro enim “ visceribusque detractis, cadaver per dies septua-

<sup>1</sup> Vid, Kircher, Oedip. Ægypt. Vol. 3. p. 397.

<sup>2</sup> Vid, Pocock Travels l. 5. c. 5.

<sup>3</sup> Vid. Diodor. ibid.

“ ginta nitro penitus mersum jacuisse dicit; car-  
 “ nemque ita omnem a nitro isto maceratam ab-  
 “ sumptamque esse, ut nihil præter cutem atque  
 “ ossa relinqueretur<sup>1</sup>. ” Quippe nitri ejus Ægypti-  
 ac naturam, eandem esse cognovimus ac falsis  
 ejus, quod ex herbarum perustarum cineribus  
 effici solet, cuius ea quidem vis est, ut carnem  
 facile quamlibet absumere queat. Atque hoc pro-  
 fecto ex Mumii, quæ jam restant, omnibus, ve-  
 rum esse confirmatur; quæ nihil aliud esse viden-  
 tur, ac germani hominum sceleti, piceo quodam  
 liquore aut bitumine illiti, fasciisque pice item il-  
 litis involuti<sup>2</sup>.

Atque hinc perspicere licet, quam vana ac  
 futile, de virtutibus Mumiarum medicis, opinio  
 ista fuerit, qua tanquam omni aromatum genere  
 onustæ, ac medicinarum omnium valentissimæ  
 per gentes venditabantur. Qua quidem fama in-  
 ductus Gallorum Rex, Franciscus primus, nul-  
 lum unquam iter, absque Mumiae frustulis quibus-  
 dam, suscepisse fertur<sup>3</sup>.

<sup>1</sup> L. 2. c. 86. Ed. Lond.

<sup>2</sup> Vir eruditus atque ingeniosus, Tho. Shaw D. D. *nihil fere carnis, partiumve muscularium in Mumii hisce reperiri dicit. See Travels into Ægypt. p. 424.*

<sup>3</sup> Hoffman. de Medicam. Officin.

Quinetiam Herodotus, cadaverum horum cerebrum per nares extrahi solitum, scribit<sup>1</sup>. Sed haud tantam a Pollinctoribus istis diligentiam, corporisque lacerandi religionem adhibitam esse, credibile est. Nam Mumiae nostræ caput abscissum fuisse apparet; cujus ea pars, quæ cum collo ac vertebris conjuncta fuisset, gypso jam penitus oblita reperitur: quumque cerebri adeo per occipitis foramen extrahendi, via longe commodior data esset, hanc eos potissimum secutos esse, verisimile videtur. Calvaria item, quæ medicamentis repleri solita traditur, in hoc tamen cadavere vacua prorsus relicta est.

Pocockius, fascias Mumiarum lineas, *putridas semper atque adustas* reperiiri ait, idque *calidæ seu uscivæ aromatum naturæ adscribit*<sup>2</sup>; quæ tamen nullam istiusmodi vim habere certissimum est. Hæc igitur fasciarum adustio ac putredo vel vetustati tribuenda, vel inde potius provenisse putanda est, quod in bitumen fortasse liquidum ac fervens immersæ fuissent. Herodotus enim, fascias hasce gummi illitas esse, narrat<sup>3</sup>. Attamen nonnullæ fasciarum nostrarum particulae, quæ intus, ut videtur, a bituminis istius vi

<sup>1</sup> Herodot. ibid.

<sup>2</sup> Vid. Pocok's Travels ibid.

<sup>3</sup> Herodot. ibid.

ac calore remotæ latuissent, colorem adhuc pristinum et nativum fere retinent.

Ob has potissimum rationes, Vir ille ingeniosus, quem honoris causa modo nominavi, Pollinctores Ægyptios, vafrum hominum genus, quo artem suam extollerent, de sumptu ejus atque apparatu magnificentiora longe, quam res ipsa ferebat, prædicare solitos, existimat.



T A-

## T A B U L A XXIII.

**I**N hac Tabula, integumenti Mumiæ exteriores particulam, variis figuris ornatam, cernimus; quæ de pectori cadaveris ad genua pertinuerat; quæque a pulvere ac sordibus purgata, coloribus adhuc vividis et quasi recentibus nitescit. In summa picturæ parte, cadaveris secandi et condiendi ratio a pictore quodammodo adumbrata est: in qua tamen Anubis, Ægyptiorum Deus, capite canino, medici partes agere, et secandi munus obire videtur. A sinistro cadaveris latere, ut Diodorus scribit, *loco prius a scriba juxta ilia designato*, carnem lapide acuto Æthiopico secare, vel lege vel more constitutum erat<sup>1</sup>: atque in hac positura Anubis, manu jam ad secandum sublata, depictus est.

Sed et mensa quoque, cui cadaver impositum est, itemque vascula ista infra mensam posita, in Deorum item formas, Canopi et Cercopitheci, efficta esse apparent: quibus figura etiam muliebris, hinc et inde adjuncta, Isim fortasse ipsam, quasi operis totius præsidem, denotat. Qua quidem figurarum designatione, hanc cadavera

<sup>1</sup> Diod. Sic. l. 1. p. 82.

condiendi

condiendi ac conservandi artem, divinam plane esse, nec nisi Deorum inventioni attribuendam, indicari conjicio.

Quod autem memorabile magis videtur; instrumentum istud, quod Anubis, jam corpus dissecaturus, manu tenet, germanam lapidis ejus Æthiopici effigiem exhibet, quem, cultelli semper vice, ad hoc munus adhibitum esse legimus; cuius sane formam a nullo, quod sciam, auctore veteri descriptam habemus.

Hieroglyphicas figuræ quod attinet, cum omnis earum intelligentia jam diu deperdita ac deplorata plane videatur, ignorantiam potius meam confiteri libet, quam aliorum conjecturas, ingeniosas licet, at vanas certe coactasque adoptare. Illud solummodo verisimile esse puto, quod a Kirchero, in rebus Ægyptiacis investigandis, omnium diligentissimo, traditum est. Figuras videlicet istiusmodi omnes, quales, ex utraque tabellæ hujus parte, in variis ordinibus five zonis collocatæ, ac sibi mutuo obversæ stant, Deorum illorum imagines esse, qui Averrunci præcipue, seu malorum propulsatores habebantur<sup>1</sup>; quorum-

<sup>1</sup> Infra hanc Sex Averrunca Numina intra tres zonas ponuntur, quorum custodiæ corpus commissum est; uti laquei, quos manibus tenent, quibus adversarum potestatum vim ligare dicuntur, monstrant, &c. Oedip. Ægypt. Vol. 3. p. 413.

que tutelæ Ægyptii mortuos suos potissimum commendare consueverunt: quosque flagellis propria, laqueisve instructos videmus, ut malos Dæmones, in defunctorum corpora insultare co[n]nantes, vel abigere vel colligare possent<sup>1</sup>.

## S E C T. II.

**P**Ræter integumenti linei particulam istam modo descriptam, aliud quoque ejusdem fragmentum restat, ad pedes fere Mumiae pertingens, at unica tantum imagine insignitum, quam in hac etiam Tabula expressam videmus. Hanc autem Osiridis imaginem esse puto; quem, tanquam supremum mundi Opificem ac Rectorem ab Ægyptiis veneratum esse constat; ut globus; capiti ejus impositus, indicare videtur; quo quidem

<sup>1</sup> In imo figurarum harum ordine, duo canes flagellis instructi pinguntur; quos in alia item Mumia, eodem fere modo depictos Kircherus protulit, atque ita interpretatur. “ In tertia zona, inquit, duo canes occurunt, flagellis instructi, quibus Anubici seu Mercuriales Genii indicantur, quorum vigilantiae corpus commissum indicabatur. “ De quibus, in Obelisco Pamphilio, consule Hierogrammatissimum de cane.” Kircher. Ibid. p. 416.

## 266 TABULA XXIII.

symbolo, in Obelisco pariter Flaminio, Osiris instructus reperitur<sup>1</sup>. Hujus igitur effigiem, ob eam, quam diximus, causam, in Mumiae nostrae integumento, atque augustiori sane forma, depictam esse, credibile est; ut hunc quoque, summum Deum, perinde ac Numina ista Averunca, ad cadaveris custodiam attraherent..

<sup>1</sup> Vid. Kircher. Oedip. Ægypt. Vol. 3. p. 236, 237.

## F I N I S.

## ERRATA.

PRÆF. p. x. line 16. pro tedium. lege, tedium. p. xii. lin. ult. pro descenderet. leg. descenderit.  
 P. 1. l. 11. pro illesæ. leg. illæsæ. p. 5. l. 16. pr. Amethy. leg. Amethystos. p. 8. l. 13. pro adveni. leg. advena. p. 20. l. 13. p. exerit. leg. exemit. p. 21. l. 8. pr. 's leg. is. p. 47. l. 8. pr. cujilibet. leg. cujuslibet. p. 49. l. 10. pr. referndam. leg. referendam. p. 51. Not. 1. pr. bestiar. leg. vestiar. p. 88. l. 17. Not. 2. pr. iste. leg. istæ p. 108. l. 20. Not. 1. pr. Egyp. leg. "Egyp. p. 111. l. 3. pr. in auri. leg. inauri. p. 111. l. 19. pr. quaro tundioribus. leg. que rotundioribus. p. 130. l. 20. Not. 1. pr. Phœn. leg. Phœn. p. 138. l. 4. pr. sculapium. leg. Æsculapium. ib. l. 16. pr. des leg. Ædes. p. 152. l. 8. pr. in sculptum. leg. insculptum. p. 155. l. 7. pr. pervilicio. leg. pervigilio. p. 163. l. 20. Not. 3. pr. Valerianus. leg. Aurelianu. p. 209. l. 24. Not. 2. pr. a. lie. leg. aleæ. p. 230. l. 2. pr. tate. leg. ætate. p. 230. l. 6. pr. eo um leg. eorum. p. 244. l. 4. pr. turgido. leg. turgida. p. 248. l. 3. pr. Hieroglyph. leg. Hieroglyph.

Books printed for *Richard Manby* and *Henry Shute Cox* on  
*Ludgate-Hill.*

1. **T**H E History of the Life of Marcus Tullius Cicero, in  
3 Vol. 8vo. 3d. Edit.

2. The Epistles of M. T. Cicero to M. Brutus, and of  
Brutus to Cicero: With the Latin Text on the opposite Page, and En-  
glish Notes to each Epistle. Together with a prefatory Dissertation, in  
which the Authority of the said Epistles is vindicated, and all the Ob-  
jections of the Reverend Mr. Tunstall particularly considered and confuted.

3. A Letter from Rome, shewing an exact Conformity between  
Popery and Paganism: Or the Religion of the present Rom: ns, deriv-  
ed from that of their Heathen Ancestors. The fifth Edition. To  
which are added, 1st, A prefatory Discourse, containing an Answer  
to all the Objections of the Writer of a popish Book, entitled, The Ca-  
tholic Christian instructed, with many new Facts and Testimonies, in  
farther Confirmation of the general Argument of the Letter. And 2,  
A Postscript, in which Mr. Warburton's Opinion concerning the Paga-  
nism of Rome is particularly considered.

These three by Conyers Middleton, D. D. Principal Library-Keep-  
er of the University of Cambridge.

4. The Rights of War and Peace, in three Books. Wherein are  
explained the Law of Nature and Nations, and the principal Points re-  
lating to Government; written originally in Latin, by the learned Hu-  
go Grotius, and translated into English. To which are added, all the  
large Notes of Mr. J. Barbeyrac, Professor of Law at Groningen, and  
Member of the Royal Academy of Sciences at Berlin. fol.

5. The Dictionary historical and critical of Mr. Peter Bayle. The  
second Edition, carefully collated with the several Editions of the Ori-  
ginal; in which many Passages are restored, and the whole greatly aug-  
mented; particularly with a Translation of the Quotations, from the  
most eminent Writers in various Languages: To which is prefixed the  
Life of the Author. Revised corrected and enlarged by Mr. Des Mai-  
zeaux, Fellow of the Royal Society. In five Vol. folio.

6. Stonehenge, a Temple restored to the British Druids.

7. Abury,

Books printed for *Richard Manby* and *Henry Shute Cox.*

7. Abury, a Temple of the British Druids, with some others, described. Wherein is a more particular Account of the first and patriarchal Religion, and of the peopling the British Islands.

8. *Palæographia Britannica* : Or Discourses on Antiquities in Britain. N°. 1. *Origines Roystonianæ*; or, an Account of the Oratory of Lady Roisia Foundress of Royston, discovered at Royston, in August 1742.

These three by William Stukely, Rector of All-Saints in Stamford.

9. *Marmor Estonianum*; seu *Dissertatio de Sella Marmorea votiva Estoniae in Agro Northamptonensi conservatâ*. Authore J. Nixon, A. M.

10. The Procedure, Extent and Limits of human Understanding. The 3d Edition with Corrections and Amendments 8vo.


11. Things divine and supernatural conceived by Analogy with Things natural and human. By the Author of the Procedure &c. 8vo.


12. A Book of Architecture, containing Designs of Buildings and Ornaments. By J. Gibbs. The 2d Edit. Fol.

13. Rules for drawing the several Parts of Architecture, in a more exact and easy Manner than has been heretofore practised, by which all Fractions, in dividing the principal Members and their Parts are avoided. By J. Gibbs. The 2d Edit. fol.


14. An Answer to the Reverend Mr. Warburton's divine Legation of Moses, in three Parts. In which are considered, 1st, Some of his Quotations from the Ancients. 2d, His Manner of Reasoning: And, 3d, His Notion of moral Obligation. By Thomas Bott, A. M. Rector of Spixworth, Norfolk.

15. A Review of the Passage in Tully's first Tusculan Disputation concerning Pherecydes's Notion of a Future Existence, or a Vindication of Pherecydes from Mr. Warburton's Charge of his being the Inventor of the Atheistical Notion of the *TO EN*. By Thomas Bott, M. A. Rector of Spixworth, Norfolk.









723  
495

